


ԻՄԱՍՏ :

ՅԱՄԵՆԱՅՆ ԳԻՏՈՒԹԵԱՆՑ ԸՆՏՐԵՑԻ
ԶՐԱՆԱՍՏԵՂԾՈՒԹԻՒՆ :
ԻԱՆԱՍՏԵՂԾՈՒԹԻՒՆՆԸ ՀՐԱՀԱՆԳԻ, ԱՅԼ
ԱՐԾԱՐԾԱՆԻ ԶՀՈԳԻ ՆՈՐՈԳԻ :

ԹԱՐԳՄԱՆԻ 2 :


2004



2995

4/1

1402-167



ՊԱՆԼՈՍ ԵՒ ՎԵՐԳԻՆԵԱ



Սերունդ շէտ երկնցսանցն 'ի հողմաւանցն
 շօրէն ինչ յաւշ օժէն շրտեւ լեպոյ շահեալ
 'ի զսահ իեյեղոփէնէ . յէջ 19 .

Ն ԿԱԼԿԱԹԱ

1830

9870-52

84





ՆԱԻԱԿՈՑՈՒԹԻՒՆ

ԿԱՄ

ՊԱԻԼՈՍ ԵՒ ՎԵՐԳԻՆԻԱ:

Է՛ր 'ի կղզին գաղղիական լեառն մի 'ի վերոյ քան Վաւաճանգիստն Լուդովիկոսի, յորոյ արևելեան ցարդ ևս տեսանին կողման՝ աւերակք երկուց փոքրիկ երճթաց շրջապատելոց՝ ի բարձրաբերձ լեռանց մանտախի, դուռն դէպ 'ի Տիւսիտակոլմն ունելով բնց. որոյ պարունակ պտակեալ երբեմն երեւի գոլ 'ի ձեռն ժրաշան մշակաց: Ընդ այս դուռն ելեալ՝ գտցես 'ի ձախակողման զՅայտնութեան Սար անուանեալ Լեառն, ուտաի ըզգալուստ զսկանեն նաւաց. առ ստորտուլք տրա է քաղաքն Վաւաճանգիստ Լուդովիկոսի անուանեալ, յաջմէ՝ պողոտայն որ Տանէ 'ի քաղաքէն 'ի Պամսլլմաքաս, ուր համանուն եկեղեցի մի պարառեալ շամբիւք եղեգան՝ կանգնի 'ի միջի լայնածաւալ գաշտի. յայնկոյս որոյ տարածեալ ձգի անտառ մինչ 'ի ծով: Ականելով առ ծովափամբք՝

դէմ յանդիման երևեացի Պարոյրն գերեզմանի, և սուն մի առ աշակողմամբ Գժբաղըութեանն Սարաւանդ, յայնկոյս որոյ լայնածաւալն ծով ածէ յերևան զանբնակ կղզեակս ինչ, յորոց մինն որ ըզմարտկոցի՝ ՚ի սրայքար մտելոյ ընդ կոհակաց բերէ զնմանութիւն, անուանի Սար Ուրանց:

՚ի մուտս ցանկին՝ ուր ոչ սակաւ առարկայք ընծային ականելեաց, արծագանգ լերինն անդուլ յեղյեղէ՝ զգաշն սօսաւին մօտակաց մայրեաց շարթելոց՝ ՚ի քաղցր սիկ, և զխռովեալ ձայն ալեաց ծովու բախելոց ընդ գահս՝ ՚ի հեռուստ: Իսկ առ աւերակ դաստակերտօքն ամենայնն է խաղաղ և լռին. և մի միայն գահավէժ ժայռք դարբուկ՝ իբրև զշրջապատ հողաբլուրս, ՚ի տես ելանեն ականողաց. զորոց ստորոտս՝ զճերպս և զերկնաբերձ անդորդանս, ուր հանդուցեալ ասն երևին ամպք, սլակեալ զարդարեն մեծամեծ կռճեղք ծառոց. նա՛ յոլով անգամ իսկ տեղք՝ զոր նոցին արտեանք խորեն, ներկանեն զգարնային և զարջնաթոյր զառիթափս նոցին յամենազուարճ գոյնն Երկնից աղեղան, և զակունս Պամպանոս գետոյն գործեն յորդառատ:

՚ի միջն ցանկին թագաւորէ խորին լեռութիւն: Ե՛ւ շուր և՛ օդ և ամենայն տարերք՝ ՚ի խաղաղութեան վայելեն: Ուր ուրեմն կրկնէ արծագանգ զխուշիւն արմաւենեաց՝ ՚ի տարածանելն զբազուկս իւրեանց, զերկայն ծայրս սրոց հեղիկ

Քօճէն սիք անուշակ : Լոյս իմն ընդ աղօտ լուսա-
տու լինի 'ի յատակ խոր հովտիս ; որոյ 'ի վերայ 'ի
միջօրէի և եթ ճստագայթէ արեակն : Իսկ 'ի
ծագիլ արսիխականն՝ ճաճանչք զշրջակայ թեռօքս
անկանին լուսափիւռք , որոց շէշտ կատար ամ-
բարձ քան զլէրինն ելով ատուերս , երևին ներ-
կեալ յոսկի և 'ի ծիրանի դոյն ; ճստագայթս 'ի
կապուտակն արձակելով երկին :

Քնդցր էր ինձ հանապազօրդէլ յայտ
տեսարան , ուր վայելէի ընդ շքեղութիւն լայնա-
ծաւալ դաշտավայրին միանգամայն և զանվրդով
առանձնութեանն զմայլումն : Այն ինչ յառուր մի-
ում հանգուցեալ առ ոտիւք խրճթացս և յառեալ
ընդ միտս խորհէի 'ի վերայ հոլովման ամանակին ,
տեսի զծերունազարդ ալևոր ոմն անցանել առ ինե :
Հանդերձք նորա ըստ տարազու կղզակսնացն , բո-
կոտն , յեցեալ յաբանոս ցուպ , ծաղկեալ ալեօք
և տիպար դիմացն մեծարու : Ուշուհեցի զնա խորին
խոնարհութեամբ , զոր և ինքն փոխարինեաց ինձ
բարեկամաբար , և զկնի ուշի ուշով նկատելոյն զիս
եկն բազմեցաւ առ ընթեր իմ 'ի նմին իսկ բլրակի :
Քաջալերս առեալ իմ 'ի զոր առ ինն եցոյց մտեր-
մութենէն , զայս օրինակ հաւեցի լուսել ընդ նմա :
Հաճեաց՝ ով հայրիկ , ցուցանել ինձ
եթէ գիտես զնախկին բնակչաց 'ի յայտ դաստա-
կերտս : Առ որ “ է՞ր որդեակ իմ ” պատասխանեաց
ծերունին “ երկու տասն ամօք յառաջ բնակէին 'ի

յայն՝ զոր արդ տեսանետդ կարկառ աւերածոյ, և՛ ի
յայն անարօրադիր կորդ երկիր, գերդաստանք եր-
կուք, որ երանաւետեալ՝ զաւուրս իւրեանց յանա-
պատի աստ երջանիկս անցուցանէ ին : Է՛ անցք սո-
ցին պատմութեան այն սրտառուչ, այլ ո՛ր Եւրո-
պացի՛ ՚ի գալն ՚ի Տնդիկս մնայցէ առ վայր մի քա-
ղէլ անձին օգուտ օրհասիւ ոմանց աննշանից էա-
կաց : Ա՛ր Եւրոպացի աւատացէ գտանիլ երջան-
կութեան ՚ի չքոտութեան և ՚ի մառօնութեան :
Այո՛ Տաղորդի Տետաքքրութիւնն անցից երևե-
լեաց, ուստի սակաւս քաղեցեն մարդիկ անձին օ-
գուտ : “ Աղէ՛ Տայր, ” կրկնեցի ասել, “ եղանակ
բարուց և բանից խկ քոց՝ ինձ քաջ ցուցանեն զա-
ջողութենէ քումմէ՛ ՚ի փորձս կենաց • և եթէ ոչ
ինչ խափանէ՛ քեզ անագանել աստառիս, պատմեա՛
ինձ յաղսչել խնամ զերեսս քոյ՝ զնախնի բնակ-
չաց անսպառիս և հաւատով լեր զե թիւրեալք և
զառածեալքն ևս և յաշխարհային նախասրշար-
մանց, նոքա ևս զգան յանձին զբերկրութիւն իմն
նկատմամբ երջանկութեան առաքինեաց • ծերու-
նին որ յընթացս լուութեան իւրոյ յեցեալ էր
յարմունկն իւր, իբր թէ յարուցանել ՚ի միտս
ատակեալ՝ զանցելոցն զպատկերս, այսգունակ կա-
լու զթել պատմութեանն :

Այր ոմն չափահասակ մանսխուր տ՛լա
Դալր անուն, բնիկ Նորմաննիոյ, յետ վայրապար
յածելոյն ՚ի ինդիր պաշտօնի ՚ի զօրս քաղցիոյ, և

դերդուեցին յօգնականութենէ յիւրոցն ազգայնաց ,
 հաստատեաց 'ի վերջոյ ելանել զհետ իւրումն ճա-
 կատագրի 'ի կղզի աստ : ուր ժամանեալ եհաս
 յամին 1726 : Ած և ընդ ինքեան զմանկամարդ ամն
 բամբիշ , զոր խանդակաթ իմն սիրէր սիրով : յուճ-
 մէ ևս ոչ նուազ կաթագին էրն սիրեցեալ : Էր սս
 յաղնուական և 'ի հինաւուրց տոհմէ 'ի նոյն գա-
 ւառի : ասկայն մոնսիուր տ'ըս Պապը ած զնա յիւրն
 'ի կնութիւն անուժիտ , և ընդդէմ իսկ հաւա-
 նութեան նորին աղգականաց . որք տհաճ էին ընդ
 այս լծակցութիւն 'ի տատաճաւս լինելոյ նորա ան-
 մասն յիրաւանց այնուակաջութեան : Թողեալ
 մոնսիուր տ'ըս Պապը զեղարն իւր 'ի Նաւահան-
 գիտն Լուդովիկոսի , մուտ 'ի նաւ երթալ 'ի
 Մատակասկար առ 'ի գնել անտի զհնդիկս ամանս
 յօգնութիւն ինքեան 'ի հաստատելն զբնակութի
 'ի կղզի աստ : Եհաս նա 'ի դէմ եղեալն յայնմ մա-
 հասրաւէր եղանակին , որ սկսանի 'ի կիտոյն Հսկ-
 տեմբերի , ուր կենսիսուզ եղև 'ի մահաշունչ
 ջերմախաւէն՝ որ բռնանայ յերկրի անդ զվեց ամիսս
 'ի յամին . և որ 'ի յաւիտեան 'ի դերևս հանցէ
 զիոյթ Քողէական աղանց՝ առ 'ի հաստուածս հաս-
 տատել 'ի մահաբերն յայն երկիր : Անյագութիւն
 եկաց եթող և ջինչ 'ի յրնչից նորա . և եղար նորա
 տաղմատիկ միաց անտերուճ յայնախառմ վիճա-
 կի , ուր չունէր ոչ համբաւ՝ ոչ ծանօթ և ոչ բո-
 տացուած ինչ երկրի և կամ զթիկունս , քաւ 'ի

միողէ զանդիկ կնոջէ : Քնքշատիրա՛ս ո՛չ բաւելլով դի-
մել առ այլս , յետ վախճանին իւրումն միակ սիրել-
ւոյ վառեցաւ 'ի թշուառութենէն 'ի զէն ար-
ուորութեան , և հաստատեաց 'ի մտի գործել
ընդ ստանկին իւրում զփոքրիկ վիճակ ինչ երկրի :
և այնու ընու զպէտս կենաց : Առ այսր աղագաւ
եթող չիք բարձի թողի արար և հեռացաւ յար-
գասալիւր և 'ի միանգամայն զուարճալի և շահա-
բեր վայրացն լայնածաւալ անապատի կղզւոյս , որ
'ի գաղթականին թողեալ է 'ի կամս ընտրութիւն
վայրացն , և 'ի ինդիր ելեալ անկեան ինչ լերին՝
զանխուլ սպաստանարանի իրիք , ուղղեաց զգնացս
իւր գէպ 'ի յանմատոյց կորէսս , ուր իբրև 'ի բնի
մարթացի կեալ մնաւոր և անտես : Ամենայն
զգայուն էակք ունին զբնաւոր իմն բերումն փախ-
չիլ թաքչիլ 'ի միջի տառապանաց իւրեանց 'ի
օղջս յես վայրիս և անմատչելիս . որպէս զի՛ սր-
բելք սատուարս ընդդէմ կանգնեցեն թշուա-
ռութեան , և կամ զի բնութիւնն անդորր խաղա-
ղեսցէ զտաղնապս հոգւոց : Տեսչութիւնն Ատ-
ուածային՝ որ 'ի կարիս ձեռնտու լինի մարդկան , ո՛չ
աւելի քան որումն պէտս ունին , հոգացեալ էր
վասն տիկնոջն տ'լա Դավրի զերանութիւն իմն՝ զոր
ո՛չ մեծութիւն և ո՛չ փարազնութիւն գնել բա-
ւէին . այս էր բարեկամ մի :

'Ի յերկրին ուր տիկինն տ'լա Դավրի
ուղղեալ էր զգնացս իւր , ամաւ կանխիկ բնակէր

մանկամարդումն՝ աժխոյժ, բարեհամբոյր և գործ-
 վագուծ բնաւորութեամբ՝ Մարգարիտ անունն :
 Ծնեալ 'ի բրիտանիոն և սնեալ 'ի գեղջուկ տան,
 ուր սիրեցեալ և գգուեալ մ'արթ էր թերևս ան-
 ցուցանել զաւուրս իւր 'ի շինականն պարզ երջան-
 կութեան, եթէ չէր կանացի բնութիւն նորա
 տեղի տուեալ հրոպուրանաց ազնուականի ուրեմն
 իւրում դրացոյ, որ յուսացոյցն զնա յամուսնու-
 թիւն : Այլ սակայն՝ շոյտ 'ի չիք դարձաւ այս պա-
 տիր յուսադրութիւն, քանզի ընդ հուպ բարձի
 թողի արարեալ զնա՝ յաւել ևս զամարգուծիւն
 ընդ պատրանս, և չինչ հոգալով վասն մանկանն ո-
 րով յայնժամ յղին էր : Աւրեմն որոշեաց Մարգա-
 րիտ թողուլ լքանել 'ի յաւիտեան զծննդեան
 իւր տեղին, և երթալ հեռանալ 'ի հասուածա
 ինչ հեռաւորս, ուր թաքուն ունիլ հնար լինէր
 իւրն յանցութիւն, հեռի ելով 'ի յերկրէն՝ ուր
 կորուսեալ էր զսիակ ուժիտն գեղջուկ կուսանի՝
 զիւրն համբաւ : Յանօթ առեալ դրամովք ինչ
 գնոյ առեալ էր զհինաւուրց զանդիկ սմն, որով
 գործէր զփոքրիկ վիճակ ինչ երկրին : Աստ ուրեմն
 տիկինն տ'լա Գալլի պաշտեալ 'ի խափշիկ կնաջէն
 իւրմէ եգիտ զՄարգարիտ գիեցուցանել զորդին
 իւր : Ըողմեալ 'ի տեսութենէ ուրումն՝ որոյ վի-
 ճակ չէր ինչ աննման իւրեան, եցոյց հակիրճ բա-
 նիւք զիւրն անցեալ վիճակ և զայժմեան զիւրն
 զկարօտութիւն : Խանդաղատեալ Մարգարիտայ 'ի

վերծանու թե՛նէ աստի, և անձուկ յաւէտ զմտերման թե՛ան քան զմեծի ուրաք համարումն տալ զինքե՛նէ ունելով՝ հոլանեցաւ մերկացաւ առաջի նորա զիւրն ամենայն զյանցութիւն: “Եւ” յաւել ասել, “Ես բոտինս անգու եմ այսպիսահասն թըռուառութեան, իսկ դու տիկին . . . դու և՛ պարկեշտ և՛ թշուառ:” Այս յազոց ելանելով առաջի արար տիկնոջն տ՛լա Դավթի զիւրն աղքատին տուն և զբարեկամութիւն: Շարժեալ բամբ շիս՝ ի սիրաստարն այս ընդունելութե՛նէ՝ գիրկս արկանէ նմա և գոչէ. “Ա՛հ, այո՛ արգարև և այլ չինչ երկուամամ՝ զի ունի բարձրեալն վաղձան դնել իմումն տառապանաց, և զի շարժեաց զքեզ՝ որում եմս օտար ոք, ցուցանել առ իս զայն քաղցրութիւնն, քան զոր երբէք յիմաց իսկ ազգայնաց չունիմ զձաշակ:”

Ի հարուստ ամանակաց հեռէ ծանօթ էի ես Մարգարիտայ, և իմս բնակութիւն թէպէտ մին և կէս փարսանգաւ հեռի՝ ի նմանէ, ի միջի ճաղագաց՝ յայնկոյս զառիթափ լերինն զոր անդ տեսանես, և այնպէս ունէի զնա՝ ի համար իմոյս դրացւոյ: Ի քաղաքս Եւրոպիոյ՝ գուհիք և կամ ևս սղաղայն միջոցք տարանշատեն զազգայինս՝ զորս բնութիւնն շողկապեաց ընդ միմեանս, իսկ մեք գաղթականքս ո՛չ իսկ վերջամեմք և զնոսս՝ զորս ճաղագք և լերինք տարաստղեն՝ ի մէնջ, յարգել անուամբս դրացւոյն, և քան զամենայն՝ մինչև և եր

կողմոյս տածեալ զՏաղբորդակցութիւն ընդ Տնդիկոս
 դարոյութիւնն և եթ պանծայր իրաւամբս բարե-
 կամութեան, և Տիւրասիրութիւնն առ եկս՝ ա-
 ռաւել զՏաճութեան քան զպարտաւորութեանն
 բարձեալ տանէր զկերպարան : Իբրև ազգ եղև ինձ
 եթէ գտեալ էր Մարգարիտ զոմն ընկերակից,
 առօրին ճեպ ետու ժամանել առ նոսա՝ ակն ունե-
 լով պիտոյանալ իւրք խնամս դրացոյ և Տիւրոյ
 նորին :

Վշտատեսիլ շնորհք օրինոջն տ'լա
 Պատրի յաւէտ իմն ձեռնտու լինէին նորուն գե-
 ղեցկութեան, շողկաղելով զՏամակրութիւն ընդ
 զարմանս : Պիտակ նորա բարետեսիլ, և տեսիլ
 գիմացն միանգամայն արտայայտէր զխարաղութիւն
 և զթաղծութիւն : Ապաքէն Տստեալ երևէր առ
 դրունս ծննդականութեան, և ես պէտ յանձինս
 կարոյ առաջի առնել նոցա առ 'ի զլայնածաւալ
 երեսնասրասխաչափ լայնութիւն դաշտավայ-
 րին յերկուս Տաւատրաչափ մտտունս տրոճել 'ի
 միջի իւրեանց, որով զիւրեանցն նախալնատէին
 զաւակաց օգուտ, և զուսոյ ունէին զբռնութիւնս
 գաղթականաց : 'Ի յիս զայս ընկեցին նոքա հոգ, և
 ես զլայնատարր անասրատս այս 'ի կրկին Տաւատ-
 րաչափ մտտունս տրոճեցի, մինն պարփակէ զվերինս
 մասն այսր ցանկի, յարտեանէ անտի զոր տեսա-
 նեան դարակին [Թաղելոյ յամպս, ուստի ծաղի
 սրբնթաց գեան Պամպանոս, մին չև ցննդարձակա-

բերան ճեղքուածն այն՝ ի կատար լերինն անուա-
նեալ բերան թնդանօթի՝ բերելով զնմանու թիւն
ինչ այսր ձեռյ: Այս՝ կարի պարտասելի եղիցի զար-
դիս նկրտիլ գտանել զմուտ՝ ի յայս գոգ անսպատ
մասն ցանկին, որոյ երկիր է զի խցեալ է բեկտու-
րովք ապառաժից և է զի խրամատեալ՝ ի հեղե-
ղաց, և այնպէս ունի զազնիւ ծառս և զբիւրաւոր
աղբերակունս և զսուռակս: Իսկ միւս մասն սրբ-
փակի՝ ի դաշտավայրի, տարածեալ ձգելով՝ ի
թմբոց անտի Պամպանոս գետոյն ցբացուածս այս՝
ուր արդ իսկ կամք բազմեալ, ուստի խաղսլով կա-
տարէ գեան զընթացս իւր՝ ի միջոյ այնց երկուց
բլրոց մինչև թափի՝ ի ծով: Բն՝ հնարաւոր և
զարդիս իսկ զմարգագետնոց ոմանց զհետս անգամ
գտանել, և այս մասն դաշտագետնի այս՝ ոչ այն-
չափ երկողուտ, սակայն և ոչ պատուականագոյն
քան զմիւսն, այնու զի՝ ի թօնընկէցս եղանի ճախ-
ճախուտ, և յերաշտու թէ այնչափ կարծրանայ,
մինչև տեղի և եթ տալ հարուածոց դալապրի:
Իմ զայս օրինակ յամբովի գործոյն ժամանեալ՝
կոչեցի զգրացիս իմ առ՝ ի վիճակ արկանել վասն
առաջին ստացուածոց՝ զոր ունէին ժառանգել: Ար-
կաք վիճակ, և վերին մասն վիճակեցաւ տիկնոջն
տ'լա Դավրի, և ստորինն Մարգարիտայ, և անց-
նիւրն հնձ ընդ իւրն շատացեալ ելևէր վիճակ:
Այսմ այսպէս եղելոյ՝ աղերս մատուցին առաջի իմ
կից առ միմեանս զիւրեանցն աստել բնակու թիւն,

զի մերձ առ իրեարս ելով, վայելել ցանգ կարող եացեն զամենակեղծին բարեկամութեան զՏաղարդութիւն և զմիթարութիւն փոփոխ մտերմական ցուցմամբք: Ջբնակութիւնն Մարգարիտայ՝ ի կենտրափն ձորոյն կառուցի առ սահմանագլխովք իւրումն փոքրիկ տէրութեան: Առ երկտորս միւս ևս կառուցի ՚ի բնակութիւն տիկնոջն տ՛լա Դավրի, և զայսօրինակ Տամշիրակքս երկոքին մինչ վայելէին զամենայն զՏեշտութիւնս դրացութեան, անձնիւրն յիւրում բնակէր տէրութեան: Ածի ՚ի լերանց զցիցս փայտից և ՚ի ծովափանց զտաղարթս արմաւենեաց, ամրացուցանել նոքօք զբնակութիւնս նոցա, զորոց չիք յայժմուս յտակ տեսնել և՛ զմուտ և՛ զյարկ: Այլ ո՛վ աղէտիցս փնն ինձ՝ փնն և այնպէս ո՛չ տակաւ Տետք առ իմոյս յիշատակի: Ամանակն՝ որ այնպէս շոյո յաղարտ վարեալ ՚ի չիք դարձուցանէ զսոնքացեալ և զսինլեալ մահարձանս ինքնակալութեանց, անխայեալ երևի աստ ՚ի բարեկամութեանն յիշատակ, այնու զի զիմս յաւերժացուցէ զվիշտ մինչև յլեալն կէտ շնչոյս:

Աւր ուրեմն վաղճանեցաւ շինութիւն իրճթին, և տիկինն տ՛լա Դավրի ընծայեաց յաշտարճ զէգ իմն զաւակ: Արդւոյն Մարգարիտայ իմէր լեալ սնդիկնոս, և զնոյն պաշտօն աղսչեաց զիս տիկինն տ՛լա Դավրի բարեկամաւն իւրով Տանդերձ, յանձն առնուլ ՚ի Տանդիսի մկրտութեան նորա-

պարզե դասերն իւրոյ, որում Մարգարիտ անուն
 ետ Վերգինիա. “քանզի” գոչեաց’ “Թուի ինձ ե-
 թէ յառաքինութեանն մատչելի’ ՚ի հանգէս աստ-
 ուածատուր այս զաւակ. և երանեալս տեսցէ զա-
 ւուրս իւր: Ընդ առաջ ել ինձ Թշուառութիւնն
 միայն’ իբրև զերգևեցոյ յառաքինութենէն:”

Ապաքէն իբրև ապաքինեցաւ տիկին
 տ’լա Դավրի: հաւեալ էին երկու փոքրիկ տէրու-
 թիւնքն ընծայսբեր լինիլ գոյզն իմն երեխայրեօք:
 որ մտամբ իմն Թերևս զհետ եկեալ իմունս ըստ
 բերման վատտակոց’ ի զարգացումն նոցին: այլ սա-
 կայն յաւէտ իմն ընծայելի է անխոնջ և անպար-
 տասելի աշխատանաց երկոցունց զանգկացն: Դա-
 մինկոն (զի սապէս անուանէր զանգիկն Մարգարի-
 տայ) Թէ և զալիս ծերութեանն համբուրեալ’ և
 այնպէս էր տակաւին քաջամարմին և հուժկու,
 ամբարեալ’ ՚ի միտս ունելով զսուն ինչ գիտութիւն
 և զ’ի բնէ սուր հասողութիւն: Արօրէր անխոր
 զերկոցունց տէրութեանց զյաւէտ արգաւանդահող
 վայրն: և սերմանէր’ ՚ի տեղիս տեղիս զայնտիկ
 հատս’ որոց երկրին ընդունակ գիտէր: Յանալցա-
 գոյնս արկանէր զմայիչ, յարգաւանդս զցարեան,
 և ՚ի ճախճախուտս զորիզ սերմանէր: Առ ստոր-
 տովք բլրոց արկանէր զսերմանիս գոմի և վարնկոյ,
 ընդ որ բերեն ելմնել և սճ’նազարգել շովացեալ
 տալարթիւք իւրեանց: Յանշրգիս զքաղցրաճաշակն
 անկէր զգեանախնձոր, բամբակենիք փթթեալ

պերճանային 'ի դարեանդս և եղև գնաշարքք 'ի
 կառուստ պսր բոլորեալ ուռճանային 'ի յերկրի :
 'Ի դարակո սնուցանէր զտունկո սրճոյ, ուստի այն
 մանրահատ' ելանեն ստուականագոյն յոյժ : Զդա-
 խոտք աիռեալ տարածեալ զըզարար հովա-
 նոց իւրեանց 'ի վերայ թմբոց գետոյն և պսր ա-
 ծեալ շուրջ զբնակու թեամբքն՝ զամն ողջոյն
 ընծայարեր լինէին պտղովք դալարեօք : 'Ի վախ-
 ճան ամենայնի և ոչ մուսցաւ Գովինկոն դարմա-
 նել զտունկո ինչ ծխախոտի, առ 'ի զաշխա-
 տանս իւր յանկուցանել : Էր զի երթայր հար-
 կանել 'ի լերանց զիայտ կիզանուտ, և էր զի
 պարծպէր 'ի կախումն դարբկաց 'ի միջի ցանկին
 'ի հարթ յատակ յօրինելն զպողոտայս : Պաշ-
 տէր զՄարգարիտ ամենայն ակնածու թեամբ և
 չինչ ընդհատ 'ի նմանէ և զտիկինն տ'լա-
 Գովրի, զորոյ զզանդիկ պաշտակուհին Մարիամ
 յիւրն ածեալ էր 'ի կնու թիւն, յընծայման
 անդ Վերգինիայ յաշխարհ, և զոր կաթոգին
 սիրով սիրէր : Ծնեալ էր Մարիամ 'ի Մատա-
 կակար, ուստի և ածեալ էր ընդ ինքեան զար-
 ուեամն Էլուսելոյ զտառազմնս և զազգ իմն վը-
 շոյ յերկայն դալարեաց անտառին : Աւնէր ըզ-
 գործունէութիւն և զյատակութիւն և զհնաշ-
 արարհիկն ասել զհաւատարմութիւն : Փոյթ սո-
 բին էր հանդերձել զճաշ, ինտմել զպարարակս
 և երբեմն երբեմն տանել 'ի նաւահանգիստն

Լուգովիկոսի զաւերորդս՝ Թէ և ոչ շատ ինչ՝
 տնկագործութեանն՝ ՚ի վաճառ : Առ ՚ի տալ
 քեզ զՂիրդ պատկեր տնտեսութեան, որպէս և
 կահուց և կարասեաց երկուց փոքրիկ տէրու-
 թեանցս, յաւելից ընդ զորս արդէն յիշատա-
 կեցի զերկուս այժս զարգացեալս ընդ մանկանց,
 և զգամիւ մի որ սկէրն զգիշերայն :

Պարասպունն տիկնոջն տ'լա Դաւրի և
 Տամշիրաքի նորուն էր ՚ի մանուկն բամբակի
 մինչև ցերեկոյ : Զիրկ ՚ի յայնպիսեաց զոր ճար-
 տարութեան իւրեանց չէր շնորհեալ ՚ի յաջո-
 ղել, շրջէին ՚ի տան հոլանի ոտիւք, և զմա-
 շիկս պարհէին և եթ առ կիւրակէի, յորում
 առուր վաղքաջ ընդ առաւօտն ելեալ փութայ-
 ին կալ առաջի պատարագին յեկեղեցւոյն Սա-
 դուկ գրովի, և այս տուն Աստուծոյ այս՝ և ևս
 հեռաւոր քան զնաւահանգիստն Լուգովիկոսի,
 և այնպէս ուր ուրեմն յաճախէին ՚ի քաղաքն՝
 երկուցեալ յարհամարհանաց անտի ոմանց, ազա-
 նելոյն իւրեանց աղսգաւ զհանդերձս յանթափ
 երկնագոյն կտաւոյ բանկալայի, զոր սովորաբար
 զանդիկք առնուն զանձամբ : Բայց կարե՛ն ար-
 տաքին սեթևեթք որոց բաղձն իշխէ, կարե՛ն
 վճարել զփոխարէնն անուշակ երանութեան առ-
 տնին : Եւ թէ յովտ մի վշտանային յաշխար-
 հէ, այս թերևս տայր նոցա քաղցրանալ իւր-
 եանց սղքատիկ առնն : ՚ի տեսանելն Մարիա-

մու և Գոմինկանի 'ի բարձրութենէ աստի ըզ-
 դարձ տիրուհեաց իւրեանց 'ի Սաղուկ գրովէ,
 հաս առեալ փութային իջանել 'ի լեռնէն,
 առ 'ի ձեռն տալ նոցա 'ի վերելլա: Նկարեալ
 երևէր 'ի դէմ զանդկացն մեծ իմն ցնծութիւն 'ի
 տեսանելն զնոսա վերտօին: Գտանէին տղա 'ի
 դարձի իւրեանց զմաքրութիւն, զաղատութիւն
 և զայն ամենայն բարիս՝ որ 'ի վատտակոց ծնա-
 նին, և նշմարէին յարբանեակս իւրեանց զփոյթ
 եռանդն 'ի պաշտել: Ելով ընդ միմեանս կա-
 պեալ հանգուցիւ հանգունակ կարեաց և հա-
 մակրութեանց միօրինակ թշուառութեանց՝ ձո-
 նէին իրերաց զամենախնկելի և զփաղաքուշ տխ-
 րոս համշիրաքի, բարեկամի և քեռ, մի կամք
 էր երկաքան չլրոցն, մի իշխանութիւն և մի սե-
 ղան, ամենայնն մի էր առ նոսա: Եւ թէ դէպ
 լինէր զի կիրք իմն քան զբարեկամութեանն
 եռանդուն՝ յարուցանէր 'ի կուրծս նոցա զկա-
 ըի իմն սաստիկ և զանօգուտ վիշտս, ամբիժ կը-
 րօն և ողջսխոհ կենցաղաւարութիւնն ձգէին ըզ-
 տենչ նոցա առ միւսն կեանք, հանգոյն ծաւալիչ
 բոցոյն՝ որոյ այլ չինչ գտեալ յերկրի ինքեան
 ճարակ՝ ելանէ ծառանայ 'ի վեր 'ի յերկինս:


Տիկինն տ'լա Գավրի զանունի դործս
 երբեմն 'ի Մարգարիտ ընկեցեալ ապատան՝
 ելանէր արտաքս շրջիլ մեծաւոր և յայնմ մտա-
 հաճ և զուարճընծայ հայարանի շնորհուկս

առէ՛ր այնպիսեաց վշտակց թախծութեանց՝ որ յոյժ և յոյժ ընդ հոռոյս ելանեն մարդոյ, յետ առաջին սուղման յուղմանց մտառանջ տրամութեան :

՚Ի սիրայորդոր և ՚ի սրբազան սրբտեաց ՚ի բնութենէ անախի հլամայելոց, ելին ծագեցան կրկնակի ուրախութիւնք գորովազէտ մարցս երկացունց, որոց փոխօխ մտերմութիւնն ՚ի ձեռս բերէ՛ր զնորոգ իմն հզօրութիւն ՚ի տեսութենէ անտի զաւակաց իւրեանց՝ երկոքին ևս միօրինակ ծնունդք տժբալդ սիրոյ : Խնդութիւն իմն զգային յանձինս լուանալ զմանկունս իւրեանց ՚ի միտին ՚ի միում լոգարանի, դիւր զնոսա ՚ի միում լմշտոցի, և երբեմն երբեմն փոխել զմայրենի ծոցն անդարար, «լսէ՛ս զի շաղէոցեն ընդ բարեկամութեանն հանգոյց զայն ինքնագոյական սէր՝ որ ՚ի մտերմականն աստի ՚ի գործոց ծագիցի : “Օ՛ն անդր մտերլմդ իմ”, ասաց տիկինն ս’լա Դավբի ցՄարգարիտ, “Թո՛ղ անձնիւրն ՚ի մէնջ ունիցի զկրկին զաւակս, և անձնիւրն ՚ի զաւակաց՝ զկրկին մարս :” Օրինակ իմն, երկու ընծիւղք յարակցեալք յերկուս ծառս համատեռս, զինի բեկանելոյ բքոց զամենայն զբարունակս նոցին, ընծայարեբեոցին ևս համեղաճաշակ պտղովք, եթէ անցնիւրն տաքատեալ ՚ի մայրենի ՚ի բնոյն՝ պատուաստեոցին ՚ի մերձակայ ծառն, ո՛չինչ ընդհատ յօրինակէս ինձ

տէս դու զերկուս մանկունս զայսօսիկ, որք՝ զուրկ
յայլ ամենայն օճանաց, իբրև փոխադրեալ լինե-
ին՝ ի ծոց իւրեանց կենսատուաց, յինքեանս ձը-
գէին զբերմունս առաւել գորովականս քան որ
առ որդիս և դստերս, եղբարս և քորս: Այն
ինչ դեռ յօրոցի էին, մարք նոցա բանս՝ ի մէջ
առնուին՝ ի վերայ հարսանեկաց նոցին, և այս
պատկեր ամուսնական բարեբաւորութեան՝ օրով
ամաքէին զվիշտս իւրեանց՝ շատ անգամ և քա-
մէր յաչաց նոցա զարտատու դառն ցաւոց: Թըշ-
ուառութիւն միոյ մօր ծագեալ էր յանկուշե-
լոյն զամուսնութիւնս. իսկ միւսոյն՝ յարկաներոյ
զանձն ընդ օրինօք նորինս. մինն չուառացաւ փոր-
ձելով զանձն քան զիւրն ամբառնալ ատիճանս,
իսկ միւսն՝ խնարհելով յիւրմէ իսկ բարձրութե-
նէն: Սակայն և այնպէս՝ արգահատէին զանձինս
՝ ի յուսադրութենէ ատի, եթէ բարեբաւորիկ
ծնունդքն իւրեանց՝ հեռի՝ ի սուարիմ ժանդ
նախապաշարմանց անտի Եւրօպիոյ, որք վարա-
կեալ թունաւորեն զամենախնկաւոր սկզբունս
մարդկան երանութեան՝ վայելեցցեն միանգա-
մայն զբաղցրութիւնս սիրոյ և զբարիս հաւա-
սարութեան:

Ո՛չինչ թերևս գերազանց անցցէ քան
զսէրն՝ զոր նորաբողբոջ մանկունքս այսօքիկ ու-
նէին առ իրեարս: Եթէ զլալ հարկանէր Պաւ-
լոս՝ մայր նորա յակն արկանէր նմա զՎերգինիա:



և յայն տեսիլ ժամէր նա և խաղաղանայր : Ե-
թէ դէպք ինչ անցանէին ընդ Վերգինիա, Պաւ-
լոսի ճիշտ վեկուցանէին զայնմանէ՛ և Վերգինիա
լուէր նոյն հետայն 'ի լալոյ՝ իբրև զՊաւլոս տրտ-
մեալ տեսանէր : Շատ անգամ դէպ լինէր ինձ
տեսանել զնոսա մերկս ամենեւիմք, ըստ սովո-
րութեան երկրին, գայթն 'ի գայթին գնալով,
ունելով զձեռանէ իրերաց և զբազուկս իւրեանց
զպարանոցաւ իրերաց արկեալ ըստ օրինակի հա-
մատեղութեան երկաւորաց : Եւ ևս 'ի գիշերի
չառնուին յանձն անշատիլ յիրերաց, և անդ էր
տեսանել զնոսա, ընկողմեալ 'ի միում որորա-
նի՝ զթուռ և զլանջս իւրեանց սեղմեալ ընդ մի-
մեանս՝ զձեռս զուլամք իրերաց արկեալ և աղ-
խեալ 'ի բազուկս իրերաց խոնարհեալ 'ի քուն :

'Ի բանալ լեզուի նոցա՝ նախկին ա-
նունն զոր ուսան տալ իրերաց, էր անուշակ ա-
նունս եղբօր և քեռ, և քան զայս ո՛չ ինչ այլ
քաղցր գիտէ անուանակոչութիւն մանկականն հա-
տակ : Հրահանգութիւնն ձեռն ետ աճեցմանն նո-
րաբողբոջ մտերմութեան նոցին՝ ձկտեցուցանե-
լով զայն 'ի լրումն փոփոխ կարեաց իրերաց : Ա՛չ
յետ բազմաց՝ ամենայն ինչ որ հայէր յառտնին
անտեսութիւն, և փոյթ հանդերձելոյ զկերա-
կուր նոցին շինական, ել պաշտօն Վերգինիայ,
որոյ գործն ստէպ գովեստք և համբոյրք եղբօրն
պսակէին : Իոկ Պաւլոս՝ էր զի արօրէր զգա-

րատուն իւրեանց ընդ Դոմինիկոնի, և էր զի վարէր զհետ նորա 'ի ճաղագս՝ ունելով զփոքրիկ զգակուր 'ի յուս, ուր 'ի յաստանդելն թէ դէս լինէր ինքեան նշմարել զփաղցրահոտ ծաղիկ ինչ կամ զլսուող անուշակ և կամ զբոյն ինչ թռչնոյ՝ թող 'ի կատար ծառոց եղիցի՝ մագլցի ելելալ ածէր զայն առ քուրիկն իւր:

Թէ դէս լինէր քեզ պատահել մի ումն 'ի նոցանէ, պիտէր անշուշտ գրել եթէ չէր միւսն անտի հեռի: Մինչ յառուր միում իջանէի 'ի զոր արդ տեսանեսն 'ի լեռնէն, նըշմարեցի զՎերգինիա 'ի սահման անդր դրատին վազս առեալ դէս 'ի տուն, զգլխով զիւրն արկեալ զլօղիկ՝ 'ի հովանի առնել ինքեան ընդդէմ տարափոյ անձրեաց: 'Ի բացուստ զնա միայն գոլ վարկանելով՝ փութացայ 'ի թիկունս նմա հասանել, այլ որքան մեծ զարմանք կալան զիս 'ի տեսանելն զնա ունիլ զձեռանէ Պաւլոսի որ և իսկ գլխովին ծածկեալ էր ընդ նոյն ամպհովանեալ, երկաքանջիւրքն ևս յանհնարին ծաղր զգրգռեալ 'ի պատսպարելն իւրեանց 'ի միասին ընդ հովանեալ իւրեանցակերտն ամպհովանեոյ: Սերալի դէմք երկոցունցն 'ի հողմաւոյցն լօղիկ՝ ինձ յուշ ածին զորդիս Լեւոյ՝ փակեալ 'ի միում խեցեպատենի:

Յատուկ պարսպումն նոցա էր եթէ զիւրդ հաճոյացին և 'ի թիկն հացեն իրերաց:

քանզի զայլ իմն ո՛չ գիտէին ո՛չ զընթեռնուլ և
 ո՛չ զգրել: Ո՛չ երբէք խոյլ և խնդիր անցելոց ամ-
 բոխեաց զմիտս նոցա, և ո՛չ հետապօտու թիւն նո-
 ցին ձգեցաւ անդր քան զսահման ահա՛ն այս լի-
 բին: Ո՛չ իսկ բարժամտէին՝ եթէ անհաւնն տի-
 եզերք ամիտիէին՝ ՚ի փոքրիկ կղզի իւրեանց, և
 ամենեին միտք և յօժարու թիւնք նոցա ո՛չ եր-
 բէք բերէին ելանել քան զսահման նորա: Փո-
 փոխ խանդաղատանքն իւրեանց և մարցն իւրեանց
 պատաղեցուցանէին զներգործականու թիւնս հոգ-
 ւոց նոցին: Ո՛չ երբէք ընդերկար պարապումն
 յանօգուտ մակացութիւնս քամեցոյց յաչաց նոցա
 զարտօսր անկամութեան: Ո՛չ երբէք ծանրաբեռ-
 նեցաւ միտք նոցա բարոյական վարդապետու-
 թեամբք՝ անպիտան օրտից տգէտ զչարութեանց:
 Ո՛չ երբէք ուսան զմի՛ գողանարն, զի ամենայնն
 ՚ի հասարակի էր առ նոսա, և ո՛չ զժուժկալ լի-
 նիլն, զի պարզ կերակուր նոցա ՚ի կամս նոցին
 էր ապաստանեալ, և կամ զմի՛ սուտ ասերն, զի
 չունէին զառիթ զճմարտութիւնն դաղելոյ: Ո՛չ
 երբէք ահեցաւ առոյգ միտք նոցա նկարագրու-
 թեամբք պատկերաց պատժոց պատուհասից դան-
 ձելոց ՚ի Տեառնէ վասն ստամբակ մանկանց, քան-
 զի ընդ նոսա ծնաւ որդիական սէրն և ՚ի մայ-
 րականն գթոց աճեցաւ: Իսկ՝ որչափ առ Աստ-
 ուած պաշտութիւնն, զամենայն զոր միանգամ ու-
 սեալն էին՝ էր սիրել զնա բոլորով սրտիւ, և

Թէ՛ ի տանն Աստուծոյ զերկար պաղատանս վերառաքելոյ չգտանէին պարապ, ուր և հասանէին Թէ՛ ի տան, Թէ՛ ի բացի, և Թէ՛ յանտառի, անդէն առ տեղեան զկայ առեալ ամբառնային՝ ի յերկինս զիւրեանց անարատ ձեռս և զմաքրեալ սիրտս առաքինականն գործովք:

Ձայտօրինակ խաղայր անցանէր աւուրք նոցին մանկութեան ըստ օրինակի գեղեցիկ աշալըջոյ՝ որ յուսացուցանէն զսոյժառ օր: Ապաքէն կցորդեալ էին ընդ մարց իւրեանց՝ ի հոգս գերդաստանին: Այն ինչ աչալուրջ սքաղաղն աւետէր զսուրբ արեականն զիւր ոսկեճաճանչ գէսս ընդ երկնիւք՝ յառնէր Աւրգինիա, փութայր ի խնդիր ջրոյ՝ ի մերձակայ աղբիւրն, և ի դարձին պատրաստէր զնախաճաշիկն: Եւ իբրև ծագումն արեուն իջանէր գայր անկանէր ի վերայ անգորդանաց ժեռիցն՝ որք տարածեն ի վերայ ցանկին՝ ելանէր Մարգարիտ ընդ որդւոյն իւրում և երթայր ի բնակութիւն տիկնոջն տլա Դաւրի, ուր ամենեքին համախմբեալ վերառաքէին զառաւօտու աղօթս իւրեանց յերկինս: Այս պատարագ գոհաբանութեան յամենայնում աւուր կանխէր քան զնախաճաշիկն՝ զոր յաճախակի առ դրան խրճիւն ակումբ առեալ ուտէին, բոլորեալ նստեալ ի վերայ դալարագեղ սիւղոց ընդ հովանեաւ ջրատոտից, որոյ՝ մինչ բերկրազուարճ զովանոց շառաւիղքն

մատուցանէին՝ պտուղքն քաղցրաճաշակ ընծայ-
էին՝ ի սեղանն՝ ի բնութենէ անտի հանդեր-
ձեալ և պատրաստեալ և սաղարթքն ավուեալ
՛ի վերայ սեղանոյ զտեղին սնդոնի ընուին :

Լիու լի և հոգեպարար սնունդք զվաղ-
քաղ իմն ժլու թիւն և զօլու թիւն ետուն ոգ-
ւոց մանկանցս այտոցիկ • որոց մաքրու թիւն և ան-
գորբու թիւն ոգւոյն ըն թերցեալ լինիւր ՛ի դէմս
նոցա : Դիտակն Աէրգինիայ յերկոտասան ամի հա-
տակին զգեցեալ ունէր զվայելչու թիւն • առատու-
թիւն խարտեաշ գիտոց թ լիւի ածէին դիմաց
նորա • յոր խաժ ակունք և կորուխոյնեայ շրթունք
յաւելուին զմայլեցուցիչ իմն պայծառութիւն : ՛ի
ժամ բարբառերոյն բոցք հատանէին յաչոց նո-
րա կայտառութեան • և մինչ ՛ի լու թեան նս-
տէր՝ հայեցուածք նորա յերկինս ՛ի վեր ձգեալ
արտայայտէին զխորին իմն մտախոհութիւն կամ
մանաւանդ ևս զգողտրիկ թաղծու թիւն : Ապա-
քէն՝ պատկերն Պաւլոսի հաւեալ էր պարզել
ցուցանել զսուտոցի շնորհս վայելչականութեան :
Դրակաւ բարձր քան զԱէրգինիա՝ շիկամարմին՝
արծառննն • և տկանողիք նորա սեաւ լինէին ան-
շուշտ կարի թախանցիկ՝ երկուց հրաշայտ ա-
տեղոց պէս՝ եթէ երկայնասեր արտեանունք
նորա ոչ թեաքօղեալ ցուցանէին զնոտա ա-
նոյշս և հեղահամբոյրս : Երբէք չունելով
զհանգիստ՝ իբրև յանդիման լինէր քուրիին իւր

գնացեալ դադար առնոյր առ նովաւ : Էւ այն ժամ էր տեսանել զնոսա • վայելչականութիւնն , քաջ յարմարութիւնն դրակաց , և բոկիկ ոտք նոցա Տերիք էին տալ քեզ երևակայել տեսանել զվաղնշական յսպիտակ կճեայ անդրիանդինչ անկուի՝ ոմանց ծննդոցն Նեոբեայ՝ • եթէ ոչ ականողիք նոցին ցանկ նկրտեալ ընթեռնուլ՝ ի դէմս իրերաց զքաղցր իմն ժպիտ՝ որ սլատասխանեալ լինիւր և ևս սիրալիր ժպտմամբ հեշտութեան՝ ՚ի դերևս հանէին զայս վարկած և ցուցանէին զնոսա յաւետ երանելի երկնաքաղաքացիս՝ որոց բնութիւնն է սէր • և որ չունին այլ սէտտ բանից ՚ի յայտնութիւն հայեցողական զգացմանս այսորիկ : Իսկ տիկնոջն տ՛լա Դավրի որ քան զոր առաւելուին վիշտք և ցաւք ընդ մայրականն գորովոյ , ՚ի նշմարելն զվայելչութիւն ինչ շնորհաց՝ զնորաբողբոջ գեղեցիկութիւն իմն յաւուրց յաւուրս հեղանիլ զեղանիլ ՚ի դէմս դստերն իւրոյ : Ստէպ ասէր ընդիս • “ Ա՛հ , եթէ հասանիցի ինձ զարդիս զկեանս վըճարել , զի՞նչ ապա եղիցի իմայն Աւրգինիայ անինչ և անպոռոյ ”

Աւնէր տիկինն տ՛լա Դավրի զհօրաքոյր մի ՚ի գաղղիա՝ փարսպունն , մեծանունն , փարթամ , անցեալ զաւուրբք և խիտ աննուէրք Այնչափ անգութ և դժխեմ եղև սա առ դուստրն Եղբօր իւրոյ ՚ի ժամ ամուսնանալոյն , մինչ զի

վճուեաց որոշեաց հաստատեաց տիկինն տ'լա Դավրի՛ եթէ ոչ ինչ աղէտք և ոչ ինչ թշուառութիւնք հարկել անգամ կարացեն զինքն գիւմել առ այս աստուած և դժխեմ ազգական : Սակայն փոյթ 'ի դերև և 'ի չինչ հան զայս սէգ գժամուութիւն մայրենին գորով • գրեաց առ հօրաբոյրն իւր , եցոյց նմա զյաղակարճ մահ առն իւրոյ , զգտելն իւրոյ ընծայուծն յաշխարհ և զ'ի յոր անկեալն էր իւր տագնապ և թշուառութիւն՝ տարակաց ելով յիւրոցն հայրենեաց , առանց օգնականի և ծանրաբեռնեալ գտերբ միով : Այլ 'ի զուր , այլ ընդ վայր • չեղեն լեւի բանք նորա • սակայն և այնպէս թէ և 'ի բընուտ անգուտ սէգ և բարձրայօն , ոչ ինչ զանգիտեաց առաջի արկանել զանձն նախատանաց և թշնամանաց • և թէ և քաջիկ գիտէր զանուէր կամս մերձաւորին իւրոյ ամուսնանալոյն իւրոյ աղագաւ ընդ առն արգիւնուորի այո՛ այլ ոչ փարագնոտի , սակայն ոչ զղացաւ յըստէս ստէս գրելոյ՝ դէտակն կալեալ 'ի գութ շարժել ըզնա գոնէ 'ի վերայ Աերգինիայ : Եւ այնպէս՝ հարուտ ամք անցին և չեգիտ զյովտ մի հաստատութիւն մտաց նորա :

Հուսկ ուրեմն 'ի 1738 ամին , երիւք ամօք զինի ժամանելոյ Շահապ Պուռտօննէսին յայս կղզի , գիտաց տիկինն տ'լա Դավրի եթէ էր առ Շահապին թուղթ մի հօրաբեռն

իւրոյ : Անխոյժ զանպաճոյճութեամբն յորում գտանիւր՝ ՚ի ք[թ]ի[թ] ական հեւ առեալ պարզեցաւ ՚ի նաւահանգիստն Լուզովիկոսի : Մայրենի անկալութիւն և ցնծութիւնն յաղթեցին պարտեցին ամէն փոքունց զգուշաւորութեանց, որք մաւօնեալ մատնին՝ երբ միտք մարդոյ յուզեալ վերանան հօրաւոր զգացողութեամբք : Հօրաքոյրն ՚ի նամակին նախատէր զնա լինիլ անգուիւրցն չարադիպութեանց ՚ի պատճառս հարսնանալոյն թախառականի ուրեմն և վաշտուէր առն, ե[թ]է՝ անվայելուչ սէլն ած և ընդ ինքեան և զիւրն պատիժ պատուհաս, և [թ]է՝ ըզյանկարծահաս մահ առն իւրոյ պիտէր վերագրել երկնիցն վրէժինդրութեան, ե[թ]է՝ յոյժ բարիոքն էր աջողեալ հեռանալ մեկնիլ ՚ի տարկղզի՝ քան ելոյն ՚ի գաղղիս յամօթ և ՚ի նախատինս զիւրն առնել ընտանիս, և ե[թ]է՝ տալով զրաւ բանից իւրոց՝ ՚ի կղզւոյն ուր գաղթեալն էր, մի միայն սղերբք մնային տառապեալ : Չայսօրինակ հերիք դարձանս կուտակելով ՚ի վերայ գտեր եղբօրն իւրոյ՝ կնքէր զբանն իւր ներբողենիւ միով ՚ի վերայ անձին իւրոյ, “Չերգւիլ փախչիլ խոյս տալ,” կոկովտէր, “ասն յանհրաժեշտ չարեաց՝ որ յամուսնութենէ անտի ծնանին, հաստատեալ կնքեալ էր մնալ ամուրեայ :” Չճմարիան ասել, յաւակն և ապառուժ իւր բնաւորութիւնն ոչ երբէք տե-

զի տայր, բայց եթէ զփարագունա ունիլ ինքեան զուգակից, և յոյժ փարթամ այն՝ սակայն իւր համբուն միծուծիւնն և ոչ յարբունիս անգամ հանդիսացաւ հերկք շլացուցիչ, առ ՚ի հանգիտակշիռ առնել զայն ընդ դժխեմ տրամադրութեան մտաց և անյարիր դիտակի նորա. Յաւելեալ էր ևս ՚ի վերջոյ նամակին, եթէ զկնի հասուն կշռողութեան՝ ՚ի ինամս Շահապ տ՛լա Պուռտօննէսին սպտարեալ էր զդուտորն եղբօր իւրոյ: Այն արգարեւ չէր սակասեալ յայտմանէ, սակայն այնուիկ իմն եղանակաւ որ զարդիս ՚ի հասարակի է առ ամենեսին, և որ զբարերարն ևս ահռելի քան զյայտնի թշնամին առնէ, զի ՚ի ջատագովութիւն անծին իւրոյ՝ դիզեալ բարդեալ էր անգթաբար զբարբանս և զբասրանս ՚ի վերայ դատեր եղբօրն իւրոյ, մինչ առ երեսս կեղծէր գութք ունիլ ՚ի վերայ չարագիտութեանց նորա:

Տիկինն տ՛լա Դավրի՛ զոր ոչ ոք թարց նախապաշարմանց կարէր տեսնել և չճաննիլ վասն նորա զկարեկցութիւն և զյարգանս, ընկալեալ եղև ՚ի Շահապ տ՛լա Պուռտօննիսէն կարի իմն ցրտաբար, և իբրև նկարագրեաց առաջի նորա զիւրն և զիւրեան դատերն զաղէտ, ոչինչ ընդհատ յաւակնութեամբ ընկալաւ ըզպատասխանի՝ “Տեսցուք,” ասէ, “զի՛նչ մարթ է ինիլ—և այլ բազումք գոն կարօտաւորք—երո՛ւմ

ընդդէմ դարձար այսգոյն բառացի ընտանւոյ • մեծի ստգտանաց անգու ես դու:”

Դարձ արար տիկինն տ'լա Դավրի 'ի խրճիթն իւր • սիրան իւր տրտիէր ամենայն դառնութեամբ՝ որ յանյաշող ելիցն ծնանի: Անդ հասանելն 'ի տուն՝ անկաւ 'ի վերայ բազմականի միոջ • և զընկենլով զնամակ հօրաքերոն իւրոյ 'ի վերայ տրապզին, “Աւասիկ ուրեմն,” գոչէ ցհամշիրակն իւր, “ասաւասիկ մետատանամեայ անթարթափ անկալութեանն իմոյ տրխուր:” Եւ զի 'ի փոքրիկ երեխանին ինքն միայն գիտէր զընթեոնուլ, անդրէն 'ի ձեռս էառ ըզթուղթն և հաւեաց ընթեոնուլ բարձրածայն: Աւր ուրեմն յանկ ել ընթերցուածն և գոչեաց Մարգարիտ, “Զի՞ կայ մեր և քոց ազգայնոց: Աւրեմն բարձի թողի ելիք զմեզ Բարձրեալն իսպառ: Նա է մեր մի միայն Հայր: Թերևս ո՞չ մինչև ցարդ վայելէաք յերջանկութեան: Առի՞նչ ապա այս քուք և թախծութիւն: Երևի եթէ չունիս զարուժիւն սրտի:” Եւ տեսնելով զտիկինն տ'լա Դավրի ցնդեալ յարտասուս՝ հեղու զինքն 'ի վերայ լանջաց նորա • և սեղմելով զնա, “Մտերիմդ իմ,” գոչէ “բարեկամդ իմ,” այլ սակայն յուզմունքն իւր՝ իսկ գելուն զիսսան 'ի բերանի իւրում և հեղձուցիկ առնեն 'ի վերայ շրթանցն:

Յայս տեսիլ յարտասուս հարկանի Վերգինիա. և հաւէ մատուցանել 'ի շրթունս իւր և 'ի կուրծս մերթ զձեռս մօրն իւրոյ և մերթ Մարգարիտայ, այն ինչ Պաւլոս աջօք բորբոքելովք սրամտութեամբ՝ գոչէ; ձեռն 'ի ձեռն հարկանէ; գոփիւն գոփէ յերկիր՝ ոչ գիտելով զո՞րք երգիծանել ողբալի տեսարանիս զսատաւառ: Այս ջայլ և շիւանքս այոքիկ առօրին ածին զԴոմինկոն և զՄարիամ 'ի տեղին խոովութեան, և հաւեաց փոքրիկ խուզն արձագանգս հնչեցուցանել խառնափնդոր ձայնիցս ողբոց՝ “Ա՛յ տիկին—տիկին բարի—տենչալ! մայր իմ—մի՛ ողբայք:”

'Ի սիրապատար փորձոյ աստի վարատեցան փարատեցան անհետ ուրեմն եղէն ժախիժք տիկնոջն տ'լա Դաւրի, գիրիս ածէ Պաւլոսի և Վերգինիայ, և փարելով զնորօք՝ ստէ. “Դուք ո՛վ սիրելիքդ իմ, դուք ծնուցանէք 'ի յիս զայս ամենայն՝ զոր տեսանէքդ՝ տրտմութիւն, և այնպէս 'ի ձէնջ միայն կախի իմ ամենայն բերկրութիւնն: Այո՛ որդեանկք իմ, թշուառութիւնս ինձ 'ի հեռաստանէ է ժամանեալ; և սակայն շուրջ սրտեն զինև երջանկութիւնք:” Եւ չինչ ահանձ եղէն այսմ Պաւլոս և Վերգինիա, այլ զաղանելով զնոս խաղաղացեալ, այլ անդորբացեալ, ժմտնն և փայտայլնն զնա: Ահա՛ այսանակ դարձաւ նորոգեցաւ անդորրութիւնն միւս-

անդամ . և որ միանգամն անց՝ եցոյց զվաղանցուկ իմն փոթորիկ , որ միայն պիտենանայ ընծայել զնորոգ դալարութիւն գեղաղուարձն գարնայնայ :

Տիկինն տ'լա Դավրի՛ թէ և առ ընտանիս իւր զխաղաղութիւն կերպարանէր , և այնպէս երբեմն երբեմն հաղորդս առնէր զիս տուայտանաց և տառապանացն՝ որով սիրտն իւր ճնշեալ տառապէր :

Նազելի և համբոյր բոյս բարուց երկուց մատաղատունկ մանկանցս յաւուրց յաւուրս սրսրղեալ զօրանայր : Այն ինչ՝ յաւուր թիում կիւրակէի՛ ՚ի մերկանալ այդուն զգիշերն գնացեալ էին մարք նոցա կալ առաջի պատարսդին յեկեղեցւոջն Սադուկ գրովի նշմարեցին երկոքին սոքա զգանդիկ ոմն ընդ հովանեաւ շրդսխտախցն՝ որ հովանի առնէր ձեռակերտին իւրեանց : Տառապեալս այս այնպէս ծիւրեալ ծմրեալ և ծնկեալն էր , մինչև երևիլ գոգուրուական իմն ոսկերտի . չունելով զձորձ՝ քաւ ՚ի սրատառոյ անթափ կտաւոյ ինչ , զոր ՚ի խտտորնակս արկեալ էր ՚ի վերայ ազգերաց իւրոց : Եկն սա անկաւ առ ոտս Աերգինիայ , որ հանդերձէր զնախաճաշիկ վասն ընտանեաց : “Աղարմեսց ինձ ,” գոչեաց , “ողորմեան ինձ տիրուհիդ . գթան ՚ի վերայ թշուառացելումս : Ասաքէն ամիս մի թափառիմ ՚ի միջի լեբանցս , գոգ-

ցնս առ դուրս մահու գրաւեալ 'ի սովու ,
 և ցանկ հարածեալ յորտրդաց և 'ի բարակաց
 նոցին : Փախուցեալ եմ ես 'ի տեառնէ իմմէ՝
 'ի փարթամ և սուարիմ տնկագործէ միոջէ
 Սեաւ գետոյն : և որ զայսօրինակ անգթացեալն
 է 'ի յիս" , ցուցանելով զմարմին իւր չարաչար
 սպիացեալ 'ի թողից : “ Ասաքէն , ” յաւել
 ասել , “ յանդունդս ծովու խորասոյզ զիս առ-
 նել փուծայի , այլ իմանալով եթէ դուք անտ
 էք՝ ասացի ընդիս , յորմէ հետէ դեռևս գոն
 ոմանք սպիտակ անձինք քաղցրաբարոյք յերկրիս
 յայսմիկ , չսխտի ինձ այժմուս անձնամասն լինիլ :”

Խռովեալ Աերգինիայ 'ի յայս յետին
 բանից նորա , “ Մի աւաղուկ դու մի , ” ասէ ,
 “ մի ինչ վհատիր . ահա՛ քեզ հաց . ” և եգ ա-
 ռաջի նորա զհանդերձեալ նախաճաշիկն . զոր
 ողորմելին 'ի քթիթ ալան եկեր ոպառեաց :
 Իբրև շիջաւ քաղց նորա՝ եհարց ցնս Աերգինի-
 ա , եթէ հաճոյ էր զի ինքն իւրովին գնացեալ
 աղերս առաջի տեառն նորա արկանիցէ վասն
 նորա : “ Անշուշտ , ” յաւել ասել , “ քոյ
 վիճակն 'ի գուծ շարժեցէ զնա : — Եկ ուրեմն
 ցոյց ինձ զճանապարհն : ” “ Հրեշտակդ երկնայ-
 ին , ” գոչեաց ջնարդին , “ հետևեցայց քեզ
 ուր և կամք քոյ : ” Խնդրեաց ուրեմն Աերգի-
 նիա յեղբօրէն իւրմէ ընկերակցիլ ընդ ին-
 քեան : Զանդիկն եհատ նոցա ճանապարհ ընդ

ոլորտապտոյա և տարժանելի շաւիղս, ընդ մա-
 ցառս և ընդ լերինս՝ ընդ որս կարի տարժան-
 մամբ ելանէին 'ի վեր, և ընդ գետակս՝ յան-
 ցանել ընդ որս թայլեալ լինէին ընդ ջրով :
 Հուսկ ուրեմն ժամանեալ հասին առ ոտս գա-
 հի միող յեղերս Սեաւ գետոյն : Անդուստ ու-
 րեմն ախանեցին զախանեցին զգեղեցկադիր տուն մի
 շուրջ շրջանակի ածեալ տնկագործութեամբք,
 և զբազմութիւնս ստանկաց՝ մատուցեալ յանց-
 նիւր գործ : Տէրն նոցա՝ ծխաքարշ 'ի բերա-
 նի և տաճկինակ 'ի միում ձեռնն՝ ճեմս ա-
 ռեալ զգնայր 'ի միջի նոցա : Էր սա հասա-
 կաւ բարձր և վտիտ, դէմքն՝ թխատիպ, ա-
 կանողիքն՝ խորունկ, յօնքն՝ սեաւ կցակս ընդ
 միմեանց : Մտտեաւ Աւերգինիա զձեռանէ ունե-
 լով զՊաւլոսի, և կարի շփութեալ՝ աղերս մա-
 տոյց առաջի նորա շնորհել վասն սիրոյն Աս-
 տուծոյ ողորմելի ստանկին, որոյ քանի քայ-
 լիւք հեռի կայեալ 'ի թիկանց կուսէ՝ գլխո-
 վին զդողանի էր հարեալ : 'Ի սկզբան անդ՝
 կսկող իքս այս և ո՛չ մտադիր անգամ եղև ման-
 կանցն՝ զորս 'ի թամբատ ձորմս տեսանէր : Իսկ՝
 իբրև քաջ հասու ել վայելչութեանն Աւերգի-
 նիայ և խարտեաշ թաւ գիտոց նորա՝ զերծե-
 լոց 'ի ներքուստ անդուստ երկնագոյն գլխանոցին,
 իբրև լուաւ զգաշն հնչիւն ձայնի նորա՝ որ
 թրթռայրն, որպէս և ինքն իսկ գլխովին զգո-

ղի հարեալ յաղերսելն զերկայնմտութիւն նորին, ՚ի բաց էառ զԹխաքարշն ՚ի բերանոյ իւրոյ և ամբարձեալ զխարազանն երգուաւ դառնաշունչ իբս ահեղ իմն երգամբ շնորհել ստանկին ոչ վասն սիրոյ Բարձրելոյն, այլ նորին՝ որ յիւրմէ անտի զԹողութիւն հայցերն: Ուրեմն նշանացի արար Վերգինիա զանդկին մերձիլ առ տէրն իւր, և ինքն առ Ժամայն ել մեկնեցաւ անտի դառնալ ընդ Պաւլոսի ՚ի տուն:

Ելին ընդ գահաւանդն ընդ որ լընալն էին յառաօտուն, և շահեալ զարտեանն՝ հանգեան ընդ հովանեաւ ծառոյ միջ նքթեալ նքողեալ նկուն եղեալ յաշխոտանաց՝ ՚ի քաղցէ և ՚ի ծարաւոյ: Ընդ մերկանալն աշալրոց ելեալ էին ՚ի տանէ նօթի, և հատեալ զճանապարհ հինգ փարտանգաչսի: “Սիրելի Քուրիկ,” սոաց յայնժամ Պաւլոս, “սպաքէն անց գնաց ընդմիջեցաւ օրն, և հաւատեաւ գիտեմ զի նքթեալ ես դու և ծարաւի, ուտեստ իմն չկայ մեզ գտանել աստէն, բեր ուրեմն, եկ իջցուք միւսանգամ ՚ի լեռնէս և հայցեցցուք ՚ի տեառնէ զանդկին զճարակ ինչ:” “Քաւ, եղբայր իմ քաւ” պատասխանեաց Վերգինիա, “քաւ լիցի ինձ այդ, դժնեայ գէմք նորա զմեծ իմն զըմբաղ ծնուցանեն ինձ, յուշ լիցի քեզ զոր միանգամ մայրն մեր ասէր երբեմն, “չսց

անօրինի քար է 'ի բերան մարդոյ : " "Եւ
 զի՞նչ ապա արասցուք , " կրկնեաց Պաւլոս .
 " ում և պէտ ծառքս՝ զոր տեսանեսդ , չտան ինչ
 պտուղ կերլի . և ևս՝ ոչ գոյ ատէն թ[թուիկ]³
 և կամ լեմնն որով զքեզդ կազդուրել : " Մինչ-
 չև էր զրաւ տուեալ բանից իւրոց և ահա՛ լուան
 զխոխոնջիւն ինչ ջրոց ահագին գոչմամբ հո-
 սելոց 'ի մերձակայ քարաժայռէ միոջէ : Փու-
 թան ճեպին հասաննն անդր՝ և անցուցեալ
 զսրապակ իւրեանց յականակիտ 'ի յաղբիւրն ,
 ժողովեն զդոյզն ինչ կոտիմս առ ավամբք վտա-
 կին բուսեալս : Ապա յածելով 'ի խնդիր այլոց
 խմիք հզոր սնդեան՝ նշմարեաց Ալբալինիա ըզ-
 մատաղատունկ արմաւենի՛ մի : Պտուղն այսր ծա-
 ոոյ բերէ զնմանութիւն կաղամբի՛ և է՛ 'ի
 ծագս ծառոյն պատարեալ իւրովքն սաղար-
 թիւք . և ևս՛ է քաղցրաճաշակ և կազդուրիչ :
 Կանթն այն՝ չէ ինչ հաստ քան զուրունս մար-
 դոյ , և այնպէս ունի քան զվաթտուն ոտնաչափ
 բարձրութիւն : Փայտն շարամանեալ յարամուր
 թելից և պատեանքն այնչափ կարծր և կուռ՝
 մինչև գլացուցանել զդալապր . մինչ զի չկայր
 Պաւլոսի և ոչ ինչ դանակ : Արոշեաց ուրեմն
 հուր հարկանել զարմաւենեան , և ահա՛ այլ
 նոր իմն խութք ելին ընդ առաջ . չունէր Պաւ-
 ւոս զպողոպատ առ 'ի հաստանել զհուր , և կըզ-
 զին ողջոյն այն՝ երիզուտ և անկոխելի , և այնպէս

չաւատամ եթէ գտցի երբէք գայլախապ: Ձիւ-
 անդ և իցէ՛ հարկն հնարաւոր առնէ զամենայն •
 և շատ պիտելի իրս գտին արք կարօտաւորք:
 Հաստատեաց Պաւլոս ատակել լուցանել ըզ-
 հուր ըստ սարասի Հնդկաց: Առ զսրածայր վէժ
 մի, եբաց զփոքրիկ սոր յօտոս չորացեալ ծառոյ
 միոջ՝ զոր կալաւ ընդ մէջ ագռմէջից իւրոց, ա-
 պա սրեալ զայլ իմն չոր ոստ այլատեռ ծառոյ՝
 և եգեալ զսուր ծայրն՝ ի փոքրիկ սորն զոր ու-
 նէր ոտամբ: Հաւեաց արագ արագ պտոյտքել
 զայն՝ ի մէջ ձեռաց իւրոց, որ վայրիկ մի ևս և
 ծուխ արծակեաց, և կայծակունք հրոյ թօթա-
 փէին՝ ի շփման անդ երկուց ծայրիցն: Յետ ո-
 րոյ շեղչեաց Պաւլոս շուրջ զարմաւենեաւն
 զչոր խոտս և զտերևս և հուր հար զնովաւ, որ
 ՚ի թարթ ական անկաւ գլորեցաւ յերկիր:
 Ձեռն ետ և հուրն՝ ի կոճուպտել զերկայն՝ ըզ-
 թաւ և զսրածայր տերևան, ՚ի միջի որոց թա-
 գուցեալ կայր կաղամբն:

Ձկէս կաղամբին հմահում կերին
 Պաւլոս և Վերգինիա, և զմիւս կէսն խորովեալ
 ՚ի վերայ կայծականց, զոր գտին և ևս անուշակ:
 Ուրսխուլթեամբ ուտէին զայս աստուճ կերա-
 կուր՝ յիշելով զբարեբարոյն գործ զՎարեալն
 յառաւօտուն, այլ իբրև զմտաւ ածէին զտագ-
 նապ և զվիշտս՝ զոր այսչափ ընդերկար բացա-
 կայու թիւնն իւրեանց հարկիւ պատճառէր մարց

իւրեանց, բերկլուծիւն նոցա 'ի դառնութիւնս
 փոխարկիւր: Ստէպ կրկնէր Վերգինիա զայս
 քան. կրկնէր և վերստին դառնայր 'ի նոյն. իսկ
 Պաւլոս՝ որ զգայր յանձին զնոր իմն զգօրուծիւնս
 ճաշակմամբ պտղոյն՝ յուսողիւր առնէր զնա
 նախ քան զտարածափնն առուր լինիլ 'ի տան:

Յուշ եղև նոցա զկնի ճաշուն՝ եթէ
 չունէին զոք կարապետ ուսնացոյց, և ինքեանք
 ևս սոգէտ էին զճանապարհէն: Պաւլոս՝ զորոյ
 զողին ոճինչ խոչ և դժուարութիւնս նկուն առ-
 նել մարթային, “Սիրելի Քուրիկ,” ասէ ցը-
 Վերգինիա, “զարդիս զմիշաւուրբս ճնխր առնու
 արիխակն 'ի վերայ խրճիթին մերոյ, տես ահա
 անդ զլեառն Եռասայրի ընդ որ իջաք յառաւօ-
 տուն. բեր ուրեմն Էկ ելցուք 'ի յայն: Օհ
 Էկ 'ի չու անկցուք:” Իջին Պաւլոս և Վերգինիա
 ընդ դարեանդն Սեաւ գետոյն 'ի հիւսիսոյ կող-
 մանէ, և զմիտ ժամաւ զկնի ճանապարհ հատեալ
 հասին առ եղերս լայնածաւալ վտակի միոջ:

Մեծ մասն կողոյս նա և զարդիս իսկ
 այնչափ անձանութ է մեզ, մինչ զի և յոգունց գե-
 տոց և լերանց չունիլ իսկ զանուն: Գետս այս՝
 առ ամբարտակօք որոյ ուղևորքն մեր արձանա-
 ցեալ կանգնէին՝ փրփրածին թաւալագլոր հո-
 սէր խողայր 'ի վերայ ապառաժից: Շառաչիւնս
 ջրոցն այնպէս սատարի պակոյց զՎերգինիա, մինչ
 զի զոտս 'ի հունն անգամ մխել իշխել չստա-

կէր: Առ այսր աղագաւ եբարձ զնա Պաւլոս 'ի գիրկս իւր, և զայս օրինակ ծանրաբեռնեալ էանց ընդ գիւրասաղաս Տունն գետոյն՝ առ չինչ գրելով զկատարի սառանջիւն շրոցն: “Ս'ի լիցի քեզ ահիւ հարկանիլ,” ասէ ցԱւերգինիա. “զքեզ յիմ գրկի ունելով մեծ ևս զօրութիւն զգամ: Եթէ սամարտակոս և վէս բնակիչն այն Սեաւ գետոյն ժխտէր քեզ զներումն զանդկին, անշնչաւ միայնամարտէի ընդ նմա: “Ընդ ո՛ւմ,” գոչեաց Աւերգինիա. “ընդ անօրէ՛ն և անասուուած առն այնմիկ, . . . Ո՛վ Երկինք, որպիսի՛ վտանգ, որպիսի՛ փորձութիւնք: Բարէ՛: Ո՛վ, որչափ գթուարին է զբարիս առնել, և զե՛ր է զի այսչափ գիւրին է չարագործութիւնն:”

Իբրև անց Պաւլոս ընդ Տունն, ցանկայր զայս օրինակ բեռնաւորեալ ելթալ ըւզնացս իւր, և չինչ երկուանալով զօրանալ ընդ այսու բեռամբս ելանել ընդ լեառն Եռասայրի՝ որ ապաքէն կիսով խրատախաւ տակաւին հեռի էր. այլ ընդ հուպ քամեցաւ 'ի յուժոյ, ուստի հարկեալ 'ի վայր եդ զբեռն իւր և պառակեցաւ առ կողմամբ նորա: “Սիրելի՛ եղբայր,” ասէ յայնժամ Աւերգինիա, “ապաքէն մերձե՛նայ արփիակն 'ի մուտս, և ի՛ք 'ի քեզ տակաւին զօրութիւն ինչ վերամնացեալ, / իսկ ինձ չիք և ո՛չ յովս մի, հապն սիրելի՛դ իմ, բեր թո՛ղ զիս այսրէն և դնրձ դու 'ի տուն առ 'ի զվարանս մարց

մերոց փարատել :” . . . “Ք՛նա լիցի ինձ այդ
քուրիկ ,” ընդմիջեաց Պաւլոս , “ք՛նա լիցի ինձ
այդ հեռանալ մեկնիլ վճարիլ ’ի քէն : Գիշերն
եթէ ’ի վերայ հասցէ մեզ ’ի ճաղագի աստ ,
հարից ես զհուր , տապալեցից զմիւս ևս արմա-
ւենի , տաց քեզ զկարամքն և տերևովքն քեզ
ծածկոյթ կազմեցից ’ի գիշերոյն պահպանու-
թիւն :” Ելով տակաւիկ մի ոգի առեալ Վերգի-
նիայ՝ կոճալէ ’ի բունոյ ինչ հնացեալ ծառոյ
կքելոյ յամբարտակին վերայ զերկայնածիգ տե-
րև ինչ եղչերալեզուի : Այտքիւք տերևովք կը-
կեաց զտեսակ իմն կիտասրունգ օդի , որով պա-
տեաց զներբանս ոտից իւրոց՝ թաթաւեալս յա-
րեան ’ի խտուրթենէ դարբուկ ճանապարհին .
զի առ մեծ անձկանացն առնելոյ զբարի՝ զմուս-
ցուրթեամբ էր հարեալ ’ի շտապի անդ առնուլ
զիւրն տանտալիկ : Հովացեալ ոտից նորա ’ի զօ-
վարար անտի տերևոց՝ քշտեաց զտերղն մի եղե-
գան և հաւեաց վարել զգնացս իւր՝ յենլով
միով ձեռամբ ’ի ցուպն և միւսովն ’ի Պաւլոս :

Հաւ արարին ուրեմն յուշիկ յուշիկ
և խոշտալով ընթանալ ’ի միջի անտառին , և ա-
հա կորեալ չքացաւ անհետ եղև տեսութիւն
Եռասայրի լերինն՝ որով ուղղէին զգնացս իւր-
եանց , և ականն արևուն ’ի մուտս խոնարհելոյն
’ի բարձրութենէ անտի մայրաց և թաւախիտ
ոտոց նոցին : Առանց տեսանելոյ զայն զարտու-

զեցան ուրեմն յարահետ ճանապարհէն ուր է-
 ինն, և անկան յանելանելի իմն գոգցես լարի-
 րին թաս: 'Ի նիստ արար Պաւլոս զՎերգինիա՝ և
 ինքն վազս առեալ շամբուշ վարանէր աստ և
 անդ զերս ինչ 'ի դժուար ելանելեացն գտանել,
 և այնպէս ճար և ոչ չինչ կարողացաւ գտանել:
 Եւ սորա Պաւլոս 'ի կատար ծառոյ մտջ տար-
 ժանամբ՝ ուտի ակն ունէր գոնէ զԵռասայրին
 նշմարել, տակայն որ միանգամ աչաց նորա երե-
 եցան յանդիման, էին ոտաք մայրեաց, զոմանո
 որոց ներկեալ էր արփիակն 'ի մուտս՝ 'ի գոյն
 սակեթոյր: Արդէն ստուերք լերանց անկեալ
 էին 'ի վերայ ճաղագին: Հաւեաց հողմն լուել
 որպէս 'ի պահ երեկի: Լուռ թիւնն խորին տի-
 րեաց ահուելի անտառին, և միայն եղջերուաց՝
 որք եկեալ էին թերևս անդրէն զհանգիստ ինդ-
 բել՝ զնա խորլէին ձայնք: Վարկուցեալ Պաւ-
 լոսի եթէ որսոնք ոմանք լուիցեն զձայնն իւր,
 սկսաւ կանչել կարեօք չսի. “Եկայք, եկայք
 'ի թիկունս Վերգինիայ:” Այլ սակայն գան-
 դիւն ճարագին և եթ պատասխանի արար կանչ-
 ման նորա կրկնելով կրկին, “Վերգինիա, Վեր-
 գինիա:” Յուսակտուր եղեալ Պաւլոսի հուսկ
 ուրեմն իշանէ 'ի ծառոյն՝ յոգիս ասպատան ե-
 զեալ յաշխատանոց և 'ի սրտին տաղտալանաց,
 և սկսաւ խորհել ընդ միտս եթէ զիարդ հնար
 լինէր զգիշերն յապահօսի յանտառի անդ ան-

ցուցանել : Ա՛յ գոյր անդէն ո՛չ զովարար վտակ ,
 ո՛չ արմաւենի և ո՛չ իսկ չոր ոտտ ինչ ծառոյ
 որով հնարել հարկանել զհուր : Զգացեալ
 ուրեմն զթալուժիւն անծին իւրոյ , սկսաւ նայ-
 ապէս յողոց ելանել : Զայս տեսեալ Վերգի-
 նիայ , “ Մի լայր , ” ասէ , “ եղբայր իմ , մի
 քանքարտար • քոյդ քուք ինձ մահ պատճա-
 ուեացէ : Ես իսկ եմ արդարև քոյին ցաւոցդ
 պատճառ և ամենայն վշտոց՝ զոր արգ իսկ կը-
 րեն մարքն մեր : Ա՛յ անտանելեացս , տեսանեմ
 զի և ո՛չ զբարիս անգամ պարտ է մեզ վա-
 րել առանց ծնողացն մերոց գիտութեան : Ա՛յ
 անխոհեմութեանս , ” զայս ստացեալ տեղի ետ
 արաստուաց : Եւ ապա “ Եկ եղբայր իմ , ” ասէ
 ցՊաւլոս , “ Եկ յաղօթս կացցուք առ տէր , և
 նա լուիցէ մեզ : ”

Մինչև էին յամբողջ ազօթիցն
 ժամանեալ , յորժամ լուան զհաչիւն շան միոյ :
 “ Շունս այս՝ ” ասէ Պաւլոս , “ որտորդի ուրեմն է
 որ եկեալն է աստէն դարանամուտ լինիլ եղ-
 ջերուաց : ” Վայրիկ մի գինի հաղեաց շունն միւս-
 անգամ և ևս ուժգնութեամբ : “ Անշուշտ , ”
 դոչեաց Վերգինիա , “ զՊիտիլէն լեմ ես . . .
 այն արդարև մեր շան ձայնն է այս—ուրեմն
 այսչափ մօտ եմք բնակութեանն մերում , առ
 ոտս իսկ մերօճմն լերին : ” Վայրիկ մի ևս և եին
 եկաց Պիտիլէ առ ոտս նոցա՝ հաչելով ոռնալով

կծկնծելով և ցետելով զնոսա քծնութեամբք իւրովք : Չև ևս զսպշութիւնն իւրեանց փարատեալ էին 'ի սպառ : յորժամ տեսին զԴոմինկան հևս առեալ թասելով մերձենալ առ ինքեանս : Տեսիլ այոր ալևոր հափշկիս՝ յորոյ յառաւել խնդութենէն արտասուք քամէին յաչաց՝ ելոյծ և զնոսա 'ի դառնագին արտասուս առանց ատակելոյ և զբան մի արտասել : Չգաստացեալ ապա Դոմինկոնի, “ Ա՛յ ազնիւ մանկունք, ” գոչէ, “ ո՛հ թէ յինչպիսի 'ի վիշտս էք զմարս ձեր խորատուղեալ : Ա՛յ քանի զարմանք կալան զնոսա : յորժամ դարձ արարեալ յեկեղեցւոյն՝ ուր և ես գնացեալն էի ընդ նոսա՝ ոչ գտին զձեզ 'ի տան : Եւ ոչ Մարիամ՝ որ տուն մի հեռի խապաղեալն էր 'ի գործ՝ ժամանեաց ցուցանել մեզ եթէ ուր էիքն : Վաղօ առի ուրեմն յայտկոյս և յայնկոյս անկագործութեանն՝ 'ի միոյ 'ի միւսն ելեալ ծայր տակայն ընդունայն եղեն շանք իմ ամենայն 'ի գտանել զձեզ ուրեք : Հուսկ ուրեմն բերի զհնտարիկ հանդերձս ձեր, ցուցի զնոսա Պիտիլէին, որ իբրև թէ հասու եղեալ մտաց իմաց՝ իտկոյն սկսաւ հոտտել զհետս ձեր, և հանեալ զիս՝ անընդհատ շարժելով զձեան իւր տարաւ 'ի Սեաւ գետն : Անդ ուրեմն լուայ 'ի անկագործէ միոջէ, եթէ յառաւօտուն դարձուցեալ էիք նմա զզանդկուհին իւր և ինքն շք-

նորհեալ էր ձեզ զներուսնս ստանկին : Այլ՝ որ-
պիսի՞ ներուսնս չգիտեմ . տեսի զթշուառականն
պնտեալ կաշկանգեալ շղթայիւք՝ ՚ի կոճղ փայ-
տի , և երկաթի անուր եռած զիննի արկեալ
զպարանոցաւ նորա :

“Անդուստ ուրեմն կարասեաց ինձ
Պիտիլէ՝ անդղակի հոտառութեամբ ՚ի կատար
բարձրաւանդակին Աեաւ գետոյ , ուր զտեղի
առեալ հաչեաց կարեօք չտի : Այս էր առ կար-
կաշատս հ վտակի միոյ , առ երի տապալեալ ար-
մաւենւոյ միոյ , հուս պ առ կրակ ինչ որ տակա-
ւին արձակէր զծուխ : Հուսկ ամենայնի բե-
րեալ էած զիս աստ առ ձեզ : Ջարգիս հուս
եմք մեք առ ոստ Եռասայրի լերինն , չորիւք
փարոսնգաւ տակաւին հեռի ՚ի բնակութենէ
մերմէ : Է՛ առիս հոգեպահ կերակուր , առէք
կերէք և զօրութիւն զգեցարնէք : Ապա եդ ա-
ռաջի նոցա զպլակինդիս և զմիրգս և զմեծ գդուս
մի լցեալ օշարակաւ՝ զոր մարք նոցին էին յօ-
րինեալ ՚ի գինւոյ , ՚ի ջրոյ , ՚ի հիւթոյ լեմննի ,
ի շաքարէ և ՚ի նարգիլակէ՝ : Յոգաց ելանէր
Վերգինիա իբրև յուշ ածէր զողորմելի ստան-
կուհին և զվիշտս՝ զոր պատճառեալ էին մարց
իւրեանց : “Ա՛յլ երկինք ,” գոչէր , “ն՛յլ թէ
օրպէս դժուարին է զբարիս առնել .” կրկնէր
ստէպ զայս բան Վերգինիա , կրկնէր և ՚ի նայն
կրկնակի դառնայր :

Այն ինչ դեռ կազդուրէին սորա :
 հուր եհար Դոմինկոն , և ժամանեալ գտանել
 'ի միջի ժեռիցն զտեսակ իմն կորձացեալ փայ-
 տի : որ դեռ այն ինչ դալարագեղ՝ վառի և բոր-
 բոքի ճաճանչս արձակելով : արար նովաւ ջահ
 և ելոյց , արգէն ելով ժամ շլացութեանն հա-
 ւուց : Իբրև հանդերձեցան կազմեցան՝ գօտի
 ածին ելանել յուղի անկանիլ , և ահա այլ
 նոր իմն ել կրճլմն ընդ առաջ : Ոտք Պաւլոսի
 և Վերգինիայ չարաչար այտուցեալ՝ զգնալ չզօ-
 րէին : Ո՛չ գիտէր և ո՛չ կարէր Դոմինկոն բաց-
 որոշել՝ թողուլ զնոսա առ սեղեաւն և եր-
 թալ յայլուստ վիզն ածել : եթէ անգէն առ
 սեղեաւն զգիշերն անցուցանել : “ Ախո՛ս , հա-
 զար ախո՛ս ” ասէ : “ ժամանակին այն , երբ
 զձեզ զերկոսինգ՝ 'ի միասին յիմ գիրկ ունելով
 շրջէի համարձակ : Իսկ արդ՝ զի դուք յարբունս
 տիոց էք ամբարձեալ և իմ պալիս ծերու-
 թեանն համբուրեալ : ” Դեռ 'ի տառամտու-
 թեան յուղիւր միտք նորա , վարանէր դեռ 'ի
 միտս ճար ինչ գտանել , յորժամ քան քայլիւք
 հեռի նշմարին ջոկք Մահրուն Հնդկաց : Պա-
 րապետ շկատին յառաջ մատուցեալ իօսիւ
 սկսաւ ընդ Պաւլոսի և Վերգինիայ : “ Խաղա-
 զութիւն ընդ ձեզ , ” ասէ : “ մի՛ ինչ խոռ-
 վեպիք իմոլս յանդիմանութեամբ : Չէ ինչ յի-
 նն թաքուն բարեւաւութիւնն՝ զոր 'ի սեր-

կեանս արարիք աւուր, այո՛ տեսաք զձեզ յառաւօտուս անցանել զանդկաւ միով հանդերձ Սեաւ գետոյն:—Եւ գիտեմք զի գնացիք գութս արկանել առ նորա առաջի անօրէն տեսուն նորին. և ՚ի փոխարէն այսր բարելաւութեանն ձերոյ ՚ի վերայ ուսոց մերոց բարձեալ ածցուք զձեզ ՚ի խրճիթն ձեր:” Յսկն արկանել նորա զնշան՝ չորք ՚ի յաղթանդամացն յառաջ մատուցեալ կազմեցին զսարաս իմն դարգճի յատոց ծառոց և ՚ի բաղեղանց. յորում ՚ի նիստ զՊաւլոս և զՎերգինիա արարեալ՝ բարձին ըզնուս ՚ի վերայ ուսոց իւրեանց: Դովինկոն կարապետէր նոցա զառաջեաւ տանելով զշահ. և ինքեանք յառաջէին ՚ի միջի ցնծութեան պարուակին, որք երգս առեալ օրհնութեան՝ երգէին ՚ի ցոյց բարելաւութեան նոցա: Շարժեալ Վերգինիայ ՚ի տեսարանէ աստի՛ “Ո՞ր եղբայր իմ,” գոչէ ցՊաւլոս, “ոչ երբէք՝ ո՞հ. ոչ անվարձատրեալ թողուցու Աստուած զբարեգործութիւնն:”

Ապաքէն զգեցեալ էր այերաց ըզմուսյլ արջնաթոյր յորժամ մերձ եղին առ ոտս լերինն, յորոյ ՚ի կատար շեղջ շեղջ արկեալ էին խարոյկք: Ուր ուրեմն հաւեցին ելանել ՚ի վեր, յորժամ լուան զբարբառս որ գոչէն. “Ո՞վ որդեակք իմ, դուք էք:” “Այո՛, այո՛.” պատասխանեցին սոքա զանդկօքն հանդերձ. և

անդէն առ նմին տեսանեն զմարտ իւրեանց Մարեմաւ հանդերձ վազել առ ինքեանս՝ զլուցեալ 'ի ձեռին ունելով զշերտս: “Ուստի՞ գայք որդեակք իմ, ” գոչեաց տիկինն տ'լա Դավրի, “բարէ՞, յորպիսի՞ տագնապս խորատուղիք զմեզ: ” “Գամք մեք՝ ” դարձոյց Վերգինիա, “ 'ի Սեաւ գետոյ անտի, ուր գնացաք այլերս արկանել յերեսաց տառապեալ Մահրուն զանդկի միաջ, որում զառաւօտու նախաճաշիկն մեր ետու կերակուր, զի այնպէս լլկեալ նքթեալ և ծըմբեալն էր 'ի սովու, զի արհօրք օրհասին ճախր առնուին զգլխով նորա, և Մահրուն Հնդիկքս սոքա ածին զմեզ 'ի տուն: ” Գիրկս էարկ տիկինն տ'լա Դավրի դատերն իւրում առանց ատակելոյ ասել և ոչ ինչ, իսկ Վերգինիա զգալով զդիմաց իւրոց զթանալն յարտատուաց մօրն իւրոյ՝ գոչէ՝ “Այո մայր իմ, հատուցանես ինձ այժմուս ընդ ամենայն խստութեանցն՝ զորոց 'ի սերկեանս միայն առի զչափ: ” Մարգարիտ ևս յալշտակեալ 'ի ցնծութենէն գիրկս ածէ Պաւլոսի: “Եւ դու որդեակ իմ, ” գոչէ, “դու ևս զգործ մի բարի ետգ վճարեալ: ” — Իբրև ժամանեալ հասին 'ի դաստակերտս իւրեանց, արկին առաջի հնդկացն լիածեռն սեղան, որ դարձ արարին 'ի ճաղագս իւրեանց յետ մաղթելոյ զերկնայինն օրհնութիւն իջանել 'ի վերայ բարեբարոյ ճերմակ անձանցն այնոցիկ:

Ամէն օր ծագէր սոցա օր երջանկու-
թեան և անդորրութեան : Յաւակնութիւն և
նախանձն ո՛չ երբէք խռովեաց զանդորրութիւն
նոցին : 'Ի կղզի աստ՝ ուր որպէս և յայլ ամե-
նայն Բողեացիեայ հատուածս ամենայն ոք ան-
յադ ցանկութեամբ մտանէ զհետ ձամձամ և
փիծ պատմութեանց՝ սոցին առաքինութիւնն ,
'նա՛ և անուէն իսկ չէր ումեք ծանուցեալ :
Միայն իբրև ուղևոր ոք յանցս Սաղուկ Գրովի
խնդրէր 'ի տուարածականաց սմանց զո՛ ոք լի-
նիլն բնակիչ 'ի խրճիթս յսցասիկ , առնոյր ըզ-
պատասխանի ևս և յայնոցիկ որք ո՛չ ճանաչէին
զնոսա , “ Անձինք բարեբարոյք : ” Չայս օրի-
նակ ամօթիսածն մանիշակ թաքեալ ընդ թը-
փովք մսցառաց բուրէ զհոտ անուշից , մինչ
ինքն մնայ անտեսանելի :

Բարեգործութիւնն առ խնկաւոր
տունս այստիկ երևէր առաջին վաղճան մարդկայ-
ինս կենդանութեան : Մենաւորութեանն քնւ-
'ի շքթեցուցանելոյ զբարեսէր զնոցին զմիտս
և կամ վիսացուցանելոյ զնոցին բարուց զբոյս ,
ազատական թողեալ էր զնոսա առ ամենայն
գողորիկ զգածմունս : Խոկմունք զբնութենէն
բերկրեցուցանէին զմիտս նոցա Աստուածային յա-
փշտակութեամբք : Երկիրպագանէին բարու-
թեան այնմիկ Նախախնամութեանն՝ որ զօրա-
ցուցեալ էր զինքեանս շնորհել առատութիւն և

լիութիւն անալոցսգոյն վայրաց և զգեղեցիութիւն դարբկաց . և ևս՝ վայելել զայն ամենամաքուր և պարզ բերկրութիւնն՝ որ միշտ հաւոյական է և նորանոր :

Առաւել կորովի էր և ուշիմ Պաւլոս յերկոտատան ամի հասակին, քան զԵւրոսյայիս հնգետոստանամեայս . սեթևեթէր պճնազարգէր զտնկապործութիւնն իւրեանց՝ զոր Դոմինկոն միայն արօրէր : Արթէր ևս զհետ նորա՝ ի մերձակայ Տաղաքս և կարճնովին քանցէր զնորաբողբոջ տունկս լեմոնի, թուրնջի և թըթուիկի՝ որոյ բոլորչի կատար տիր գարնանագեղ . և ամբրաւենեոյ՝ որոյ քաղցր ստուղ բուրէ անոյ զհոտ նարնջի ծաղկի : Զտունկս չափահաս տնկէր շուրջ զիոքրիկ ցանկաւս : Եւ ևս սերմանէր զսերմանիս սյնպիսեաց տնկոց՝ որ ՚ի յաջորդ ամին կամ զծաղիկ և կամ զպտուղ առբերէին : Ակատիս պարապատեալ երկայն փնջովք ձիւնափայլ ծաղկանց՝ ի կախ լուսափայլ գորշապարհանգի պէս : Լիլակն Պարսից ամբառնալով ՚ի յօդս զվշագոյն բարունակս իւր լըրթագոյն : Փոքրասելս՝⁶ արմն որոյ զուրկ ՚ի բարունակաց ձևակերպէ զսիւնակ ընդելուզեալ դաւարագեղ սեխիւք, որոյ սաղարթ ՚ի ծագս բերէ զնմանութիւն տերեւոց թողոյ :

Զսերմանիս և զթինս խիթի ծառոյ՝ Թարմանալու, ամբի՝, տիտեռնատանձի, գուա-

վայի՞, հացւոյ և ներդաստերենն Եւզինեայ սերմանէր առատութեամբ, որոց շատ կէսն ապաքէն ընծայաբեր լինէին մատաղաւուրց մշակին և՛ հովանեօք և՛ ստղովք: Ժրաջան ձեռք նորա արդէն ճապաղեալ էին զՃնխութիւնս բնութեանն և յես երիզուտ մասին տնկագործութեանն: Բազմապիսի հալուէք, Հնդկաց թուղ հատարակ՝ պճնազարդեալ քրքմաթոյր ծաղկամբք շիտ շիտ պիտակաւոր կարմերիւիեան գունով, և փշուտ հնգանկիւնի հպակքան ուռճանային՝ ի մղտագոյն անդորդանս խարակաց, գոգցես թեակոխեալ ժամանել հասանել երկայնաձիգ բաղեղանց, որոց ծանրաբեռնեալ երկնագոյն ծիրանի ծաղկամբք կային աստ և անդ կախեալ զանխափայ կողաց լէրինն: Այնպիսի իմն կարգաւ դատակարգեալ էին ծառքս՝ մինչև ՚ի մի և եթ հայեցուած զբոլորն ականել: ՚Ի կենտրոնի հովտիս անկէր զտունկս փոքրիկս—՚ի թիկանց սոցա զթուխս—՚ի վերջոյ զբարձրաբերձ ծառս, յորոց վերայ փառաւոր ամբառնային վեհափառ մայրիք երկնաբերձք՝ սահման հստանելով շրջանակին: Զայս օրինակ լայնածաւալ այս ցանկ ՚ի կենտրոնէն երևէր ասն դալարագեղ ստիթիթէատրոն՝ ուռճացեալ պճնեալ ստղովք և ծաղկամբք, պարագրեւով զազգի ազգի ըռուբինս, զշարս մարգարեանոց և զանդո որիզոյ և ցարենոյ: ՚Ի յար-

մարութիւն բուսականաց ըստ իւրումն քանց
 զհետ երթայր խորհրդոց բնութեան : Թեւա-
 դրեալ 'ի նմանէ՝ արկանէր 'ի բարձունս զայն-
 պիտի սերմանս : զորս հողմոյն գիտէր ճապա-
 ղել 'ի վերայ դարակաց . և զթմբովք վտակաց
 սիւնէր զհաստ լուղականս յերեսս ջրոց : ամէն
 տունկ 'ի սեպհականն բուսանէր երկիր . և ամէն
 երկրի վիճակ երեւէր պճնազարդեալ բնու-
 թեանն ձեռամբ : Յարտեանաց ժեռից ասագին
 կարկանչմամբ իջեալ հեղեղաց՝ բացեալ էին 'ի
 հովտին : աստ՝ զականակիտ վտակ : անդ՝ զլայն-
 շի և զլճիտ հայելիս : 'ի յորս ցոլանային պայ-
 ծառ գալարութիւն : ծաղկապսակ ծառք : կը-
 քեալ պարեխք և կապուտակն եթերին :

Երկիրն՝ թէ և պարականն թէ և
 երիզուտ : և այնպէս մեծագոյն մասն արգասա-
 բեր ելանէին : Այո՛ զի և մեք սատար եղողք նմա
 յոյս վաղձան և՛ խորհրդով և՛ գործով : Եհաստ
 զճանապարհ իմն շուրջ շրջանակի զհովտին՝
 ուստի բազում առաջք հանէին 'ի կենտրոնն :
 Նա՛ և յևս խորտաբորտ վայրաց քաղեալ էր
 օգուտ՝ զդարբուկս 'ի կոկ ճանապարհ և ըզ-
 վայրենիս յընտանի տունկս խառնելով : Այտ-
 քիւք անբաւ բազմութեամբ գլեալ քարանցս՝
 որ զարդիս խցանեն զանցս և ցան և ցիր ճապա-
 ղին յերեսս կղզոյս՝ կանգնէր աստ և անդ
 զբրգունս . առ ստորտաովք որոց արկեալ հող

տնկէր զմացառս վարդենայ, զշրջախալս ծաղ-
 կանց Բարբեղանի և զայլ այնպիսիս՝ որ բե-
 րեն ելանել 'ի դարակս: Ո՛չ յետ բազմաց ինչ
 աւուրց խաւարաբորբ և անձեակ այն բրգունք
 սքողեալ ծածկէին զալարութեամբ, կամ ճա-
 ճանչեղ գունով գեղածիծաղ ծաղկանց: Խինձք
 ծառոց հնացելոց՝ կքելոց յամբարտակաց վտա-
 կին վերայ՝ ընծայէին զյարկեալ այլս անթա-
 փանցիկս յարևու, և զանուշակ զովանոցս առ
 տօթաժամու աւուրն: Ընդ այն ճանապարհ
 ժամանէր ելանել 'ի թաւուտ ինչ մայրեաց,
 յորոյ կենտրոպնին ջովացեալ աճողէին ծառք
 ակաղձունք սրտովք, աստ՝ անդ իմն ծաղկեալ
 հասկիւ ցորենոյ, անդ՝ դարաստան ստղածին
 ծառոց, այս ինչ մուտ երևելի առնէր զիւր-
 ճիթոն, այն՝ զանմատոյց արտեան լերին, 'ի
 ներքուստ անդուստ աճունաճիւղ սարբինային
 խիժի ծառոց և բաղեղանց՝ և ո՛չ չինչ երևէին
 և 'ի կիտաւուր, այն ինչ՝ արտեան այտորիկ սա-
 րեխիս ամբարձելոյն քան զլեառն՝ մատուցանէր
 զտեսարան ողջոյն ցանկին և հեռաւոր Ովկիա-
 նուն, ուր էր զի նշմարեաք զգալուստ նաւաց
 յԵւրոպոյիոյ և էր զի զգառնալ նոցա 'ի նոյն:
 'Է տարաժամիլ աւուրն ամենեքին ակումբ առ-
 նուին 'ի յայս ժայռ և վայելէին յանդոյր
 զքաղցր զովութիւն երեկորին, զանոյշ բուրումն
 հոտաւէտ ծաղկանց, զգաշն կարկանչիւն մեղմ-

աքայլ վտակայ և զվերջին խառնակեալ ներ-
դաշնակու թիւն լուսոյ և մ'թու թեան :

Եւ չինչ թերևս գեր հանդիտացի
քան զանուանս սմանց զմայլեցուցիչ առանձնանո-
ցաց լաբիրինթիո : Դարակն՝ զօրմէ արդ իսկ ա-
տացիս : և ուստի նշմարէին զիմս զ'ի հեռաս-
տանէ գալուստ : անուանիւր Գիւտ Բարեկա-
մութեան : Վանգնեալ էին անդէն Պսուլս և
Վերգինիս զվսլ իմն 'ի զբօսանաց սակի, ուր
իբրև նշմարէին զգալուստն իմ 'ի հեռաստա-
նէ : պարզէին զթաշկինակս իւրեանց 'ի նշան
գալտեան իմոյ, օրինակ անտի առեալ 'ի պալ-
ղերլոն զգրօշ 'ի վերոյ լերինն 'ի գալտեան
նաւուց : Այս պատկեր ետ ինձ քանդակել 'ի
պկին զմակագիր իմն : Յիմումս ուղեգնացու-
թեան չեմ ես այնչափ հաճեալ 'ի տեսա-
նել զանդրիանդս և ոչ այնչափ զմահարձանս
երկկայից, որչափ յընթեոնուլ զմակագիրս քա-
ջագէպ գրեալս : Թուի ինձ՝ եթէ կենդանի
ձայն ելեալ 'ի վիմէն ևս և յետ հարուստ
ամանակաց անցելոց՝ աղդ առնէ մարդոյ 'ի
միայնակութեան իւրում եթէ չէ ինքն մենա-
ւոր, եթէ՝ յոգունք ևս 'ի նմին իսկ վայրի ըզ-
գածեալ խորհեալ և ըմբերեալ են իւր պէս :
Մակագիրք երկկայից որ չեն 'ի միջի, ձգեն
հանեն զոգին ընդ անհուն միջոցս և խելամուտ
առնեն զմարդ անմահութեամբ նոյին՝ ցուց-

մտմբ եթէ խորհուրդ իմն և միտք առաւել ձգի քան զաւերումն ինքնակալութեանց :

Դրոշմեցի ուրեմն 'ի փոքրիկ կայմի դրօշակին Պաւլոսի և Վերգինիայ զյաջորդ տողնն Ուրաասիսի • —

Իցէ թէ , Յէր դեռ լոյս ստեղծ ' Քրիստոս շէլնեայ :

Եւ հոյքն հողմոց ' հոգնի ետցեն ' յար ' ի Յէր վերայ •

Եւ փեղքի ' զՅէր ' զտղջրաշունչ - ի - ի ' շնէլ յարեւոյ :

' Ի վերայ պատենի խիժի ծառոյն ' ընդ հովանեաւ որոյ մերթ ընդ մերթ հրահանգէր Պաւլոս խոկալով ' ի վերայ ալեւանջ ծափուն ' քանդակեցի զայս բան Վերգիիայ • —

Եւ շնէի ' որդեւ ' գեղեւ շնեւ ' ինն ' լի ' Լաւաւ - Թեւն :

Եւ ' ի վերայ դրան խրճիս տիկնոջն տլա Դավրի ' ուր շատ անգամ խմբէին ' ի միասին երկօքին ընտանիքս ' կացրդեցի զհետագայ բանն • —

Լաւն երկն - զած ' և ինն ' մի փգեք զսաբեւ - Թեւն :

Մտկայն ոչ ընդ հաճոյս ելին Վերգինիայ իմ Լատին տողքն • զի զոր միանգամ դրոշմեալն էի ' առաց , յոտս հողմացոյց դրօշակին իւրոյ ' կարի իմն երկար և հանձարեղ էին • “ յաւէտ ըզմալի լինէր ինձ , ” յաւել ասել , “ տեսանել մակագրեալ • Անգագար երերուն և յաւերժ կանգաղուն : ”

Երանակ գերդատսնացս զգացողութիւնն ձգէր տարածէր առ ամենայն ինչ շուրջ զինքեամբք : Ընծայէին զանուանս անուշակս ի-

րաց՝ ոչ ինչ այլազանս : Պարունակ իմն նարնջի , ջրասխտտի և հացույ շուրջ շրջանակի ածեալ զդալարագեղ սիզով՝ ուր երբեմն պարս վերտեալ կաքաւէին Պաւլոս և Վերգինիա՝ անուանիւր Միաբանութիւն : Հնացեալ ծառն՝ ընդ հովանեաւ որոյ տիկին տ'լա Դավրի և Մարգարիտ յաճախ պատմէին իրերաց զաղտից իւրեանց՝ կոչիւր Արտասուք սրբեալ : Եւ ևս ետուն զանուանս Բրիտաննիոյ և Նորմաննիոյ՝ փոքրիկ վիճակաց ինչ երկրի , ուր սերմանեալ էին զհաստ ցորենոյ , զելակս և զուլունս : Վամելով Դովինկոնի և Մարիամու զՀետ երթալով օրինակին տիրուհեաց իւրեանց՝ ի յուշի ունիլ և զմայրենիա իւրեանց՝ ի յԱփրիկէս՝ ետուն զանուանս Անբուլայ և Փուլեպայնտայ այնոցիկ սահմանաց՝ ուր բուտանէին դալար դեղքն , որով հիւսէին զտառադանս , ուր ևս տնկեցին գդգմենի մի , զայս օրինակ վտարանդի տունքս՝ արգասեօք առանձին կլիմայից իւրեանց գգուէին և ողջագուրէին զանոյշ և զառաջք տեսիլս՝ որ պարաւանդեն զմեզ ընդ հայրենիս , և ամբէին զվիշտս իւրեանց՝ ի նժդեհութեան : Աւրաղ , տեսեալ եմ ես բիւրաւոր փաղաքուշ անուանակոչութեամբ անձնաւորեալ զայնոսիկ ծառս և զվտակս և ըզվէմս՝ որ զարդիս տապալեալ կործանեալ և վեր ՚ի վայր շրջեալ , որ զարդիս՝ հանգոյն

դաշտավայրացն՝ Յունաստանի, և չինչ այլ երևեցուցանենք քան յաւերածոց և յաղղու յիշատակարանաց :

Ո՛չ ինչ ատակէր վարատել վարատել 'ի մտաց տիկնոջն տ'լա Դավրի զկաթոգին սէր նորա որ առ Հայրենիս, ո՛չ սամարտիկոս յաւակնութիւն մերձաւորի նորա, և ո՛չ իսկ զուարթարար և տիտիւն վայրն իւրոյն բնակութեան : Այն ինչ՝ բազմառատ բերք կլինիս հաճեցուցանէին զֆիմս ընտանեաց նորա, քաղցրանայր նմա խնամ տանիլ այնպիսեաց պտղոց՝ որ ինքեան յոյժ քնոցր էին զի էին բերք իւրն դեմառի :

Այլ թերևս Հանգիստն Վերգինիայ էր յաւետ զուարճալի վայրն ցանկիս, 'ի յունջս քարաժայռին Գիւտի Բարեկամութեան է խոռոչ, ուստի հեղիկ կարկանջամբ սողսկեալ հոտէ վտակ՝ դործելով առ ականն ըզփոքրիկ ճահիճ՝ 'ի միջի դալարագեղ դաշտի : Բերի ես Մարգարիտայ՝ 'ի ժամ ծննդեանն զՊաւլոս՝ զգագայոյն¹⁰ մի հնդկաց 'ի պարզե, զոր և ես յայլուստ էի ընկալեալ, և զոր տնկեաց նա 'ի սահմանի ճախճախուտ երկրիս, զի յառուր միւսմ ցուցցէ ծառն զթուական ծննդեան որդւոյն իւրոյ : Միւս ևս սովին դիտմամբ տնկեաց տիկինն տ'լա Դավրի յընծայման անդ Վերգինիայ 'ի լոյս : 'ի պտղոց

աստի ելին ընծիւղեցան ծառք կրկին դօքոյի ,
 յորս բովանդակէին ամենայն յիշատակարանք
 երկուց գերդաստանացս . մին 'ի ծառոցն կոչլւր
 Պաւլոսի , իսկ միւսն Վերգինիայ : Աճէին ամ-
 բառնային և սոքա հանգոյն մատաղատունկ ման-
 կանցն անզուգական բարձրութեամբ . և այն-
 պէս 'ի վախճան երկոտասան ամաց ամբարձան
 բարձրացան քան զդաստակերտան 'ի վեր : Ա-
 սպաքէն կահուղ ոստք նոցին զգեցեալ էին
 զյարգունութիւն , և բարունակքն դալար կա-
 խեալ կորացեալ 'ի վերայ դաշտի վտակին :
 Քաւ 'ի փոքրիկ տնկոցս , ունջ քարաժայռին
 'ի բնութեանն ստաստանեալ էր սլճնազարդու-
 թիւն : 'Ի լուրթ և գիճին կողաց նորա նշո-
 դէին աղջկամագք գարնային և շլագոյն ստոե-
 ղօք . և փունջք երերնատերև եղջերալեղուի
 կախեալ հանգոյն երկայնաձիգ ծիրանոգալար
 ժապաւենից ծածանեալ 'ի հողմոց : Զսոտա
 յաշորդէին շարիւ միով Մատակասկարեան փերի-
 վինկլոք՝ որոց ծաղիկք կարմրերիեան շահօքրա-
 մի պէս . և երկայնապատիճ կապսակոն՝ որոյ մե-
 խակն արիւններանդ առաւել շառագոյն քան
 զբուստ : Պալասամ՝ որոյ տերև 'ի սրտին մի-
 ջի , և ռահանն անոյջ՝ որոյ բուրումն որպէս
 շահօքրամի , լնուին զոգն հեշտալի բուրմամբք :
 Յանգորդանաց լերինն կախէին գեղաղէշ բա-
 ղեղունք հանգոյն ծածանեալ ասուոյ՝ զշքեղ

ընծայելով ամպհովանիս առ կողաց պալեիաց :
 Յանկուցեալ թռչնոց ծովայնոց յանդորրու-
 թեանց առանձնանոցացս՝ զգիշերն առ տեղեան
 գային անցուցանել : Տեսանէաք ընդ երեկս ըզ-
 քուլու և զ'ստինտ քերեկ առ ծովեզերքք՝
 կարգինալ ¹¹ ճախր առնոյր ընդ օդս և լու-
 տաիայլ թռչունն արեադարձին՝ որ ընդ արու-
 սեկին լքանէ զառանձնութիւնս Հնդկաց Ռվ-
 կիանին : Յանկալի էր Վերգինիայ հանգչել առ
 եզերք վտակիս այսորիկ պճնազարդերոյ վայրե-
 նի այլ գեղապանծ շքեղութեամբ : Նստեր
 յաւէժ ընդ հովանեաւ գօթօյնեացն և ածէր
 առ տեղեան զիւր այծս 'ի յարօտ : Եւ մինչ
 կազմէր ինքն զպանիր 'ի կաթանց նոցա , քաղը-
 րանայր տեսանել զնոսա ճարակել զաղջկամազս
 բուսեալս յանխախտս քարաժայռին՝ կախեալս
 զմիոյ 'ի շրջանակաց իբրև զվերնախարսիսէ : Արշ-
 ոեալ Պաւլոսի զխանդաղատանս և զսէր Վեր-
 գինիայ առ սոյնպիսիս՝ եքեր փոխադրեաց ըզ-
 հոյլս բունոց պէսպիսեաց թռչնոց 'ի մերձա-
 ւոր ճաղագաց : Հինաւուրց թռչունք յարեանա-
 լով ձագուց իւրեանց՝ յարգունացան 'ի նոր յայտ
 հասուած : 'ի պայմանեալ ժամու արկանէր սո-
 ցա Վերգինիա զորիզ , զկորեկ և զմայիզ ¹² : Այն
 ինչ յանդիման լինէր , տարմն սուլիչ , ամագա-
 վիթն՝ որոյ դայլայլիկ կարի քաղըր՝ կարգինալ
 և սեաւ թռչունն Վրիշաթ՝ որոյ փետուրք բո-

ցախայլ՝ թողեալ լքանէին զթաւուսս իւրեանց՝ ի շանէր փորակէտն կանաչ որպէս զմրուխտ՝ ի մերձակայ արմաւենւոյն. կաքաւն կաքաւելով վազվազէր՝ ի վերայ դալարեաց. ամէնն յախուռն մերձեային՝ ի նս զերթ թուխս մի վառեկայ. որոց զուարճութիւնն արօրանալ և սէրն առ միմեանս ուրախ առնէին զնա և զՊաւլոս :

Ո՛վ զխորդ սնցին աւուրք ձեր կանխահաս, մանկունք սիրայինք, զխորդ բարեգործութեամբք : Քանի՛ քանի՛ անգամ՝ ի սմին իսկ վայրի մարքն ձեր գիրկս արկեալ ձեզ՝ օրհնէին զԱրարիչն փոխանակ ընդ արգահաստանաց, զոր օր ըստ օրեանս պարզութիւնն ձերոյն առաքինութեան ցուցանէր հանգերձել առ վերջին աւուրս նոցա. այն ինչ արդէն միտթարէին տեսանել զձեզ սկսանել զաւուրս ընդ ամենեւրանեան գուշակութեամբք : Քանի՛ քանիցս իսկ ընդ հովանեաւ պարեխացս հաղորդ գտեալ եմ ես և ընդ նոսա գեղջկականն ձեր կերակրոց. ի համար որոց և չինչ կենդանի ծախէր զիւրն կենդանութիւն : Դոմենիք կաթամբ առ լի և կիթք հաւուց, պլակինդիք յորիզոյ՝ ի շղախտախ տերևոց վերայ, կողովք ամբօք, նարնջովք, ամբրաւօք, նռամբք և անանասօք¹³ լի և լի՝ ընծայէին ընդմիահետ զհօգխապարար ի որտիկ, զգեղեցիութիւնն յազգի ազգի գոյնս և զամենահեշտալի աւիշկս :

Զբուցատրութիւն նոցա պարկեշտ
 և պարզ որդէս զկերակուրն: Ստեպ խօսս 'ի
 մէջ առնոյր Պաւլոս զիւրոց զտերկեան աւուրն
 արարից և պատմէր ևս զոր միանգամ առնելոյն
 էր 'ի վաղիւն՝ ցանկ կերպաւորելով զնորանոր
 ձևս յանգորբութիւն փոքրիկ հասարակութեանն
 իւրեանց: Այս դարբուկ է՝ ստէ՝ երոյրս, և
 այն՝ ոչ բարւոք հաստատեալ գերդաստանին
 շրջանակ, երբեմն դալարահաս տարիինայք ոչ
 հերիք անպ էին հովանաւոր, և մտրթ էր
 զայլ իմն վայելուչ գտանել զտեղի վանս Վեր-
 գինիայ:

'Ի թօնուստ ամենեքին առ տնին ե-
 լով՝ ճապաղէին 'ի հիւսումն սիրայից 'ի դալա-
 րեաց և տառաղանոց յեղեգանց: Տրմուխք,
 փայտառք և կացինք՝ ամենայն դասաւորեալք
 ընդ երկայնութիւն որմոյն կախէին, և առ
 անօթովքս մշակութեան եղեալ կային երա-
 խայրիք՝ արդիւնք աշխատանաց, պարկք որիզոյ՝
 տրցակք ցորենոյ և տառաղանք առլի պտղովք
 ջղսխոտից¹⁴: Լիութիւնն հասարակօրէն ունի և
 ըստ իւրօմն չափու զիւրն հեշտութիւն, և
 ուսեալ էր Վերգինիա 'ի մօրէ իւրմէ և 'ի
 Մարգարիտայ կազմել զօշարակ և զդեղս զօ-
 րացուցիչս 'ի հիւթոց եղէգնաշաքարի¹⁵, նարնջի
 և կխորանի:

Իբրև մուծն զմծով անկանէր՝ ամենեքին համախմբեալ ընծրէին ՚ի միասին լուսով լամբատի միոջ. յետ որոյ տիկինն տլա Գազրի և կամ Մարգարիտ թեկն ածէին ՚ի պատմութիւնս ուղևորաց մուրեւոց ՚ի պէսպէս ճաղագս Եւրոպիոյ յորացեալս յեւրոզակաց. և ևս՝ ճապարէին յաղետալի և ՚ի մտացածին պատմութիւնս նաւուց մղելոց ջարդելոց ջաղխելոց ՚ի փոթորկէն ՚ի վերայ քարաժայռից անմարդաբնակ կղզեաց: Կ՛վ թէ զինորդ սըրտառուչ ունին դնէին վիպատանութեանն մանկունքն նոցա. որպիսի՞ ըզձանօք կարգային վերկինս արժանի առնել զինքեանս հիւրընկալութեան տյնօրինակ վատաբաղից: Հուսկ յետոյ անշատեալ ՚ի միմեանց՝ երթային այր իւրաքանչիւր ՚ի խուղն իւր ՚ի ննջլեն խոնարհիլ անըմբեր ակնկալեալ մերկանալոյ առաւօտուն զգիշերն առ ՚ի զմիմեանս միւսանգամ տեսնել: Է՛ր զի ջաղբ անձրև տեղալով ՚ի վերայ խրճծացն՝ թմբիր քնոյ արկանէր ՚ի վերայ մանկանցն. և է՛ր զի թևք հողմոց բերելով զ՚ի հեռատանէ ձայն ալեաց զմիմեամք մանրելոյ ՚ի վերայ ծովափանց՝ կախուցանէր զաչս նոցա: Օրհնէին վասն անձին փրկութեան զԱրարիչն իւրեանց՝ զորմէ զգայութիւն և մտք նոցա գամ քան զգամ անվկանդանայր ՚ի պատկերոց հեռաւոր վտանդաց:

Տիկինն տ'լա Դավթի ընթեռնոյր երբեմն լու 'ի լու ամենեցուն զսրտառուչ սրտմուծիւնս ինչ հին կամ նոր կտակարանին: Ունինդիւք նորա և ջինչ տրամաբանէին 'ի վերայ սուրբ գրոցն. քան զի Աստուածաբանութիւնն հիմնեալ էր 'ի խորհուրդս նոցա ըստ բնութեան. և բարոյականութիւնն՝ 'ի գործս նոցա ըստ աւետարանին: Չունէին զնշանակեալ աւուրս վասն զբօսանաց և զայլս վասն տրտմութեան: Ամէն օր էր առ տաս օր բարեկենդանութեան. և ամենայն ինչ շուրջ շրջակայ՝ սուրբ իմն տաճար. ուր յաւէտ երկիր սագանէին անհուն Իմացութեան՝ միայնոյ բարեկամին մարդկայինս սեռի 'ի յաւիտեան: Բարեյոյս բերումն նոցին առ գերագոյն զօրութիւն նորա լցեալ էր զմիտս նոցա արգասատանօք վասն անցելոցն, անվկանդութեամբ վասն առաջիկայիցն և յուսով վասն հանդերձելոց: Չայս օրինակ վարեալ մղեալ 'ի թշուառութենէն կանանցս այսոցիկ դառնալ 'ի վիճակ բնութեան, սարգեցին տաւառեցին 'ի հագիս իւրեանց և զաւակաց իւրեանց զայնպիսի զգացողութիւնս, որ յաւէտ բնական են մտաց մարդոյ և վայելուչ իմն զօրավիզն մարդուան 'ի թշուառութեան:

Այլ ըստ օրինակի ամպոց՝ օրք երբեմն յառնեն ունիլ զերեսս երկնի ընդ քօղով մ'թութեան, յորժամ անդոհութիւնն տի-

բապետէր սլտից միոյն 'ի փոքրիկ հասարակու-
թենէս : այլք ամենեքին դալակէին վարատել
փարատել 'ի մտաց նորա զցաւագին յիշատակոն :
յաւէտ զգացմամբք քան եթէ ձեռնարկու-
թեամբ : 'ի գործ դնէր Մարգարիտ զիւրն
զուարթութիւն : Տիկինն տ'լա Դավրի ճապա-
ղէր յԱստուածաբանութիւնն անոյշ : Զսիրա-
լիբ գգուանաց իւրոց բուռն հարկանէր Վեր-
գինիա : Պաւլոս զսերտ անկեղծութիւնն իւր
ցուցանէր : Եւ ևս Մարիամ և Դովնկոն փու-
թային ծուկային ըլարծել զըստ կարեաց իւր-
եանց օճանն և լալ ընդ լացօղո : Սոյն օրի-
նակ յօդին ընդ միմեանս անզօր տունկք առ 'ի
զգէմ ունիլ մրրկին :

'ի Պարզ եղանակս տարւոյն յա-
մենայնուժ կիւրակէի չուէին գնային 'ի տուն
Աստուծոյ 'ի Սաղուկ գրով : ուոյ զանգակա-
տունն ահա անդ 'ի դաշտավայրին : Զկնի աստ-
ուածային պաշտամանն յաճախակի գային տը-
նանկք ընդունիլ 'ի նոցանէ զօճան ինչ և զնը-
պատտ : Է՛ր զի վատսբատտիկ ոմն հարցանէր զխոր-
հուրդ : և է՛ր զի մանուկ ոմն ածէր զնոտա առ-
խօթացեալ մայրն իւր 'ի մերձակայ սահմանին :
Հանապազ կրէին ընդ ինքեանց զդեղս յատ-
կեղս խօթութեանց երկրին : զոր մատակարա-
րէին այնպունակ քաղցր եղանակաւ՝ որ պը-
տակէ զփոքրիկ շնորհս յարգիւ անկշիռ : Գեր

քան զամենայն 'ի ճաճ աշողէր սոցա վարատել
 փարատել զխօթուծիւնս մտաց անբարեբերելիս
 'ի միայնուծեան շատ ևս կ'ընդերայ: Այնուիկ
 աներկեանուծեամբ խօսէր զԱստուծոյ տիկինն
 տ'լա Դավրի, զի խօթեցելոյն 'ի Ժամ ունկն-
 դրուծեանն առննթեր իւր հաւատալ տե-
 սանել զնա: Դարձ առնէր Վերգինիա 'ի տուն
 արտասուածուրմ աջօք, սիրտն տրօփէր առ
 ցնծուծեանն՝ գտանելոյ զաղաք առնելոյ զբա-
 րիս: Յետ զայս օրինակ վճարելոյ զբաղցր սյցե-
 լուծիւնս, յարադէին զգարձ իւրեանց քերե-
 լով 'ի կողաց զառ 'ի շեղ լերինն, մինչև Ժա-
 մանեալ հասանէին 'ի բնակուծիւնն իմ, ուր
 հանդերձեալ կազմեալ էի զսեղան առ թըմ-
 բովք փոքրիկ գետակին, որ սողակեալ խաղայ
 գնայ առաջի խրճիթին իմոյ: Ընծայեցուցանէի
 յայսպիսի դէպս զգաշխուրանս ինչ հին գինւոյ,
 առ 'ի շուք գնել ճաշուն մերոյ Հնդկայնոյ
 զուարթացուցիչ բերովքս Եւրոպոյ: Դէպ լի-
 նէր մեզ երբեմն պատասխիլ միմեանց առ ծովե-
 զերբ յակունս փոքրիկ գետակաց, որ ոչ ա-
 ռաւելուն միծուծեամբ քան զվտակս: Ածէաք
 'ի տնկագործուծեանն զբոյսս, յորս և յաւե-
 լուաք զոր միանգամ ընծայէր մեզ ծովն առա-
 սուծեամբ: Բազմեալ 'ի վերայ քարաժայռի՝
 ընդ հովանեալ թաւամազն արեւածաղիկի, քաղց-
 րանայր մեզ ունկն գնել շառաջածայն խոր-

տակմանց լեռնացեալ կոհակաց 'ի ներքոյ ոտից մերոց և երգոց ջրաբնակ քալուին :

Ճաշուն մերոյ զկնի յաջորդէին երգք և սար երկուց նորահաս մանկանցն : Նուազեր Վերգինիա գերջանկութիւն տուարածական կենայ և զթշուառութիւն այնոցիկ՝ որ մղեալ 'ի զօշոքալութենէ և 'ի սիրոյն մամնի հունել ընդ անհուն և ամեհին Ավիլան , քան եթէ գործել զերկիր և վայելել զանդորրաւետ արդիւնս նորա : Է՛ր զի յաջողէր 'ի մնչկատակութիւն ընդ Պաւլոսի ըստ սարասի հաւիշկաց : Նախկին բարբառ և ոճ խօսիցն մարդկութեանս է մնչկատակութիւն , տարածեալ ծաւալ է ընդ ամենայն աշխարհ . և այնպէս բնական է և ազգու , մինչև 'ի ճահ ուտանիլ Բոլէացի մանկանց 'ի խաիշկաց : Նկարագրելով Վերգինիայ 'ի միտս իւր զոր միանգամ զառ 'ի մօրէն իւրմէ զլուեալն 'ի պատմութեանց զօրտառուչ և զազգու դէպոսն ձեացուցանէր գեղեցիկ պարզութեամբ : Է՛ր զի 'ի ձայն ապարկին ¹⁶ Դամինկանի հանդիսանայր 'ի դալարագեղ զաշտի ունելով 'ի Կլուխ զթակոյի ջրոյ՝ մերձելով վերջերաքայլ առ ազբիւրակն առնուլ անտի ըզջուր : Դամինկոն և Մարիամ կերպարանելով զՄաղիանացի խաշնարածս՝ շեռուն նմա թոյլ մերձենալոյ և հերքեցին խոժտութեամբ : Զսրտեսեալ Պաւլոսի յարձակեցաւ 'ի թիկունս նա-

րա, ցրուեաց զհովիւսն, ելից զսահորն շրով և եգ 'ի գլուխ Վերգինիայ, ապա բոլորեալ 'ի Քաղատ նորա զսոսկ ծաղկանց Մատակասկարեան փերիվինկլուաց, որ յաւետ շքեղացոյց զքնքշութիւն մարմնոյ նորա: Ապա և իմ յարեալ 'ի զբօսանս նոցա՝ զՀռոդուէլ կերպարանէի, տալով Պաւլոսի զՍեպիովրա դուստրն իմ 'ի կնուծիւն:

Մերթ կերպարանէր Վերգինիա ըզվատաբաղցն Հռութ՝ դարձ 'ի հայրենիա առնելով աղկաղչ և սկնդուկ, ուր՝ յետ այսչսի ընդերկար տարակացութեան եգիտ զինքն որպէս եթէ յօտար աշխարհի: Դովինդոն և Մարիամ ձեակերպէին զհնձոյս: Վերգինիա հետեւելով զհետ նոցա՝ քաղէր աստանդեալ զբուս հասկս ցորենոյ: Յանձին բերեալ Պաւլոսի ըզմեծարոյութիւն նահապետի միոջ՝ հարցանէ ցնա, որում առնէ նա զպատասխանի դողդոջուն ձայնիւ: Անօրին շարժեալ 'ի գթութիւն՝ շնորհեաց աղաւինութիւն անմեղութեան և սոսնջակամութիւն թշուառութեան: Ելից առատութեամբ զգող Վերգինիայ, և ածելով զնա առաջի մեր իբրև առաջի ծերոց քաղաքին՝ եցոյց զկամս իւր առնելոյ զնա յիւրն 'ի կնուծիւն: Յայս տեսիլ յուշ ածելով տիկնոջն տ'լս Դավրի զմարտնութիւնն յիւրոց աղբայնոց, զսյրութիւնն իւր, զքաղցր սոսնջակամու-

Թիւնն՝ զոր եցոյց ինքեան Մարգարիտ, որպէս
և զփաղաքուշ յոյն բարեբաստիկ միաւորու-
թեան մանկանց իւրեանց՝ ոչ կարէր զուսպ
ունիլ զարտասուս, և զգացողութիւնն՝ զոր
այսգունակ յիշատակք տան յարուցանեն՝ քա-
մէր յաչաց ունկնդրացն ողջոյն զայնպիսի յոր-
դառատ արտասուս, որոց ծագումն է միանգա-
մայն՝ ՚ի վիշտս և ՚ի բերկրութեան :

Այնպիսի իրական շարժմամբք աշո-
ղեալ լինէին Թատերական այս բանաստեղծու-
թիւնք, մինչև գոգել տալ զմարդն փոխածեալ
՚ի դաշտս Աիւրիոյ կամ Պաղեստինոյ : Չէսք
մեք զուրկ ոչ ՚ի շքագիր զարգուց, ոչ ՚ի լու-
սաւորութեանց և ոչ ՚ի կայարանաց պատկանա-
ւորաց առ Թատրոնական նկարագրութիւնն : Տե-
տարանն յաւէտ զտեղի առնոյր ՚ի մուտս ճաղա-
գին, որոյ Թատինցիկ մատուցն ձեակերպէին
շուրջ զմեք զյոպնաթիւ կամարակապս սաղար-
թեանս, որ պատսպարէին զմեզ ՚ի բռնութենէ
սոթոյն ընդ օրն ողջոյն, իսկ յորժամ ընդ հո-
րիզոնն իջանէր արիիակն, ճաճանչք նորա խոր-
տակեալ ՚ի վերայ բունոյ մայրեաց՝ ձգէին ընդ
մէջ աղջութեան անտառին զերկայն գիծս լու-
սոյ շքեղս և յոյժ զուարճալիս : Է՛ր զի լայն շի-
սկաւառակ նորա երևէր ՚ի ծագս ծառատնկոյ
միող՝ պարզելով ցուցանելով զմի միայն շլացու-
ցիչ գունտ պայծառութեան : Սաղարթք ծառոց

'ի ներքուստ անդուստ լուսաւորեալ 'ի քրքմա-
 թոյր ճառարգայթից նորա' փայլեալ ցլանային
 հանգոյն տպագլինի և զմխտոյ : Լուրթ և մա-
 մուսպատ բունք նոցա գոգ 'ի վաղնջական խրնծի'¹⁷
 սիւնս յեղափոխեալ տեսականէին , և օգականքն
 մեկուսացեալք անկուինչ 'ի սաղարթախիտ հո-
 վանիս անդր զգիշերն անցուցանել' սքանչա-
 ցեալ տեսանել զպայծառութիւն երկտորդ ա-
 ռաւօտու : ողջունէին տունջենական աստղն
 բլւրազգի պարերգութեամբք :

Յայսպիսի գեղջկական խնջոյս' փոյթ
 'ի վերայ հասանէր մեզ գիշեր , իսկ օդոյն մաք-
 րութիւն և քաղցրութիւն կլիմային' և չինչ
 արգել լինէին մեզ զգիշերն 'ի ճաղագին ան-
 ցուցանել , անքոյթ 'ի վերոյ եղանակին' ելով
 և ոչ նուազ անքոյթ 'ի վզենակաց աւաղակաց :
 'Ի վաղիւն 'ի դարձին մերում առ իւրաքան-
 չիւր բնակութիւնս մեր գտանէսք զամենայնս
 անթար յիւրում տեղոջ : 'Ի կղզի աստ' մինչ-
 չե էր տուրևառութեանն սարդեալ 'ի ներքս
 մուծեալ զծարաւ շահաստանութեան' աննեն-
 գութիւնն և անկեղծութիւնն տիրեալ թագա-
 ւորէին : մինչև յոգունց իսկ 'ի յարկաց չունիլ և
 զգիակ , և աղին լինիլ աւարկայ իմն հետաքրք-
 րութեան բաղմաց 'ի բնակչաց :

'Ի միջի հեշտալի զուարճութեանց
 յաչս ընդունելի կլիմիս տիկինն տլա Դավրի և

եթ ամուսնայր զշոյտ յաջորդութիւն տունչեանն
 'ի գիշեր, որ զօրանայ 'ի մէջ արևադարձից,
 և որ վրէպ զտիւուր միտս իւր կացուցանէր 'ի
 վայելչութենէ այնմիկ ժամու լուսոյն երեկոյրին,
 որոյ քաղցր նտեմութիւնն տիր Տաճկարար է և
 ողջունելի քնքուշ և վշտագին զգացողութեանց :

Չգոյր Պաւլոսի և Վերգինիայ և
 ժամացոյց և՛ օրացոյց, և զիրկ ևս էին 'ի ժամա-
 նակագրական, 'ի պատմական և յխնատասիրական
 մատենից : Աւուրք կենաց նոցա թուեալ լինէ-
 ին զշրջանօք բնութեանն : Չափէին զժամն ա-
 ւուրն ստուերօք ծառոց, զեղանակս տարւոյն բե-
 ռովք ծաղկանց կամ պտղոց և զտարին թուովք
 նուագաց հնձոց : Քաղցր և փաղաքուշ այս ե-
 րևոյթք սիւռէին զանձառելի իմն շնորհ 'ի զը-
 րոյցս նոցին, “ Ահն ժամանակ է ճաշելոյ, ”
 ասաց Վերգինիա, “ ստուերք շրտխտից առ
 արմատոյն անկանին, ” մերթ ևս “ մերձեալ է
 սրահ մնայելոյն այերաց, թ թուիկք փակեն զտե-
 բևս իւրեանց : ” Հարցին ոմանք 'ի դրակից ընկե-
 րակցաց նորա, “ ե՞րբ եկեացես առ մեզ, ” —
 “ 'ի ժամ եղեգան շաքարի, ” պատասխանեաց
 Վերգինիա, — “ յոյժ ողջունելի ուրեմն եղիցի
 սցցելութիւնն քոյ, ” դարձուցին նորահաս ըն-
 տանակիցք նորա : Յորժամ հարցանէր զք զտի-
 օցն իւրոց և զՊաւլոսին, “ եղբօրն իմոյ, ” ա-
 տեր, “ չափեալ են ամք կենացն ըստ մեծի ծա-

ուոյն գագառփնի աղբերականն, և իմքն են ըստ
 Թուոյ աւուրց փոքրիկ գագառփնին. յաշխարհ
 ընծայելոյն իմոյ և այսր, երկոտասանիցս պըտ-
 ղաբերեցին ամբենիք, և նարնչենիք ծաղկեցան
 երկիցս տանն և չորից անգամ: ” Աստիք նոցա
 Թուէր եթէ շարկապեալ էին ընդ ծառոց հան-
 դոյն այծամորդից ¹³ կամ յաւերժահարսանց ¹⁹:
 Ձէին ակահայր իմն պատմական Թուականու-
 Թեան՝ քան եթէ աստեաց մալց իւրեանց,
 այլ իմն ժամանակագրութեան՝ քան եթէ գա-
 րաստանաց իւրեանց, և այլ իմն իմաստատիրու-
 Թեան՝ քան եթէ գործել զբարիս, և յանձն
 զինքեանս առնել՝ ի կամս բարձրելոյն:

Չայս օրինակ աճեալ զարգանային
 մանկունքս բնութեան: Ա՛չ ինչ հոգ ամբո-
 խեաց զխաղաղութիւն նոցա, ո՛չ ինչ սրկորուստ
 պղծեաց զարիւն նոցա, և չինչ անտեղի կիրք
 թիւրեալ ապականեաց զսիրտս նոցա: Սէր, ամ-
 բծութիւն և Աստուածպաշտութիւն տիրա-
 պետէին ոգւոց նոցին, և իմանալի շնորհքս պար-
 ղեալ ճապարհեալ էին ՚ի դէմս, ՚ի վայելչակա-
 նութիւնս և ՚ի շարժուածս նոցին: Եւ ևս յա-
 ռաւուօսս կենաց ունէին զամենայն զծաղկատիր-
 Թիթ առոյգութիւնս, և անշուշտ տոյն օրինակ
 երևեցան նախածինքն մեր ՚ի դրաստին Ադինայ,
 յորժամ ելեալ յԱստուածականն ձեռաց զպ-
 ուաշինն յականեցին, մերձեցան և խօսեցան ընդ-

միմեանս որպէս եղբայր և քոյր : Հեզ , պարկեշտ և աներկմիտ Վերգինիա իբրև զԵւա , և Պաւլոս որպէս զԱդամ միաւորեալ ունէր ընդ արութեան զմանկականն պարզմտութիւն :

Լուայ ես բիւրիցս ասել ցՎերգինիա 'ի դարձին իւրում յաշխատանաց , “ Յորժամ նկուն լինիմ վաստակաբեկ , տեսութիւնն քո կազդուրէ զիս : Յորժամ տեսանեմ զքեզ 'ի հովտին 'ի բարձանց անտի լերինն , երևիս դու ինձ իբրև զկոկոն շարագեղ վարդի դարատին մերոյ : Յորժամ երթանաս 'ի տուն մօր մերոյ , կաքաւուն սրապաց երագեղութիւնն 'ի գտանել զձագս իւր , և զեղազան տեսին՝ առ քե և նուազին : Յորժամ զրկեն զիս մայրիք 'ի տեսութենէ քոյոյ , չկարօտիմ ականել առ 'ի գտանել զքեզ վերտոին : Օգն՝ զոր դու շնչառես , և դալար դեղն՝ ուր հանգչիս դու , շորթեն պարհեն 'ի քէն զայնպիսի ինչ՝ զոր զեւորդ անուանելն չակահիմ : Այն ինչ հուպ լինիս ինձ՝ մերձաւորութիւնն քոյ արբեցուցանէ զամենայն զգայութիւնս իմ : Ասպուտակն վերին եթերին նուազ զմայլեցուցիչ՝ քան զծովն ականողեաց քոց , և դայլայլիկն ամադավիթ թռչնոյն նուազ դաշն , նուազ ներդաշնակաւոր՝ քան զվանկիւնն ձայնի քոյ : Եթէ շօշափեմ զքեզ մտտամբս և եթ , շինուած մարմնոյս անձին իմոյ գլխովն զդողանի հարկանի 'ի բերկ-

րու թե՛նէն : Եւ շ լինի՞ քեզ օրն՝ յորժամ ան-
ցաք մեք ընդ քարուտ գետն Եւասայրւոյն : Պար-
տասեալ այն և յոյժ կ' թուցեալ էի նախ քան
զժամանեալն առ եղերս նորա : տակայն այն ինչ
բարձեալն էի զքեզ 'ի գիրկս իմ : Թուէր ինձ
Թեւ ունիլ զթռչնոյ : Խօսեաց՝ ասն ինձ : որ-
պիտի՞ հրասուրանօք զմայլեցուցանես դու զմիտս
իմ : Արդե՞օք իմաստութեամբ քոյ : Սակայն
մարքն մեր յաւետ հանձարեզ են քան զանձն-
իւրն 'ի մէնջ : Արդե՞օք ողջագուրմամբքդ : Եւ
այնպէս փարին նոքա զինև և ևս յաճախագոյն
քան զքեզ : Թուի ինձ՝ եթէ միայն բարու-
թեամբ քոյ է : Ա՛չ զմուսացութեամբ հարկեց
երբեք զբոկիկ գնալ քո 'ի Սեաւ գետն : առ
'ի զնեբուճն ողորմելի Թախառական ստանկին
վան հայցել : Ահա՛ սիրելիդ իմ : ընկնլ
զայս ծաղկափթիթ սոսո նարնջե՛նոյ՝ զոր ընտ-
րեցի 'ի ճաղագին . դի՛ր զայդ 'ի սնարկեց ընկող-
նոյն քոյ . — ճաշակեան զայս խորիտիս մեղու՛ զոր
յարտեանաց անտի ժեռի միոջ ածի վանն քո :
Սակայն խոնարհեաց նախ 'ի լանջս իմ և ես
եղէց հաստատեալ :

Ապա դարձուցանէր Վերգինիա . “ Ա՛յ
տե՛նչալիդ իմ եղբայր : ճառագայթք արփա-
կանն յելս անդ ծայրակարմիր՝ սիւեալ յան-
դորդանաց պարեխաց վերայ՝ նուազ բերկրե-
ցուցանեն զիս քան զտեսութիւնն քոյ : Սիրեմ

զմայրն իմ, սիրեմ և զքոյն, այլ յորժամ անուանեն նորա զքեզ որդի իւրեանց, բիւրիցս առաւել սիրեմ զնոսա: Յորժամ պսակին զքեզ որչափուրմամբք իւրեանց, զգամ ես յանձին յաւէտ զգալաբար՝ քան յորժամ ես ինքն գգուեալ լինիմ: Հարցանես ցիս՝ եթէ զմէ՞ սիրես զիս: Ջի՞ է զի ամենայն արարածք սընեալք ՚ի միասին սիրեն զմիմեանս: Հայրաց յոգականս սնեալս ՚ի միում բնի — սիրեն նորանման մեզ — նման մեզ և հանապազ ՚ի միասին կան: Յ՛ւշ, զիսորդ կանչեն և պատասխանեն միմեանց՝ ի միոյ ծառոյ ՚ի միւսն: Այսանակ և՛ յորժամ բերեն արձագանգք յունկն իմ զեղանակս երգոց քոց՝ զսր նուագես սրնգաւ ՚ի կատար լերին՝ կրկնեմ ես զբառան կացեալ ՚ի յատակ հովտին: Եւ ՚ի վերքան զամենայն սիրեցի զքեզ և ես յորէ անտի յայնմանէ, յորժամ կամեցար դու մենամարտիլ վասն իմ ընդ տեառն զանդկին: ՚Ի յորէ անտի բիւրիցս ասացեալ եմ ընդիս, “ Ա՛վ, զի սիրտ եղբօրն իմոյ այսչափ ազնիւ է բարի է, այլ զի մեռանէի ես ահարկեալ վասն նորա: ” Զօրհանապազ աղօթեմ ես առ Աստուած վասն մօրն իմոյ և քոյ, վասն քո և վասն տառապեալ պաշտակաց մերոց, իսկ յորժամ արտասեմ ես զանուն քոյ՝ սիրտ իմ յեռանդն հարկանի, աճիլ թուին աղօթք իմ: Սրտեռանդն ըզձիւ մաղթեմ ՚ի Տեառնէ

և չինչ չարիք անցանիցեն զքե : Է՛ր երթաս
այսչափ հեռագոյնս և ելանես՝ ի բարձունս՝
ածել ինձ պտուղ և ծաղիկ : Ա՛յ որչափ խոն-
ջեալ ես և պարտասեալ .” — և փոքրիկ թաշ-
կինակաւն իւրով սրբէր զքիրանս՝ ի ճակա-
տէ նորա :

Բայց և այնպէս յետ սակաւուց ըզ-
գաց Վերգինիա ծփիլ սրտին իւրոյ նորօրինակ
ազգեցութեամբբ : Ծովակունք նորա քաղցրա-
հայեացք կորուսին զփաղփիւն իւրեանց, կո-
րուսին և այտքն զթարմութիւն իւրեանց, և
մարմին նորա գլխովին կթոտեալ հարաւ ի
թալկութիւն : Ա՛չ ևս հանգչէր պարզութիւնն
՛ի ճակատ նորա, և ո՛չ ՛ի վերայ շրթանցն այլ
խաղային ժպիտք : Յանկարծ զուարթանայր ա-
ռանց խնդութեան, և տրտմէր յանկարծ ա-
ռանց վշտագնութեան : Խոյս տայր իւրոց անա-
րատ զբօսանաց, զերգեէր ՛ի համբոյր գործոց
իւրոց, և փախչէր ՛ի սիրալիր ընկերակցութե-
նէ իւրոցն մերձաւորաց, մեկուսանայր յածէր
յևս հոժ և յանքոյթ առանձնոցս տնկագործու-
թեանն, անդլակի պնտելով զհետ այնորիկ հան-
գտեան՝ զոր ո՛չ ուրեք գտանել մարթանայր :
Է՛ր՝ զի ՛ի տեսանել զՊաւլոս մերձենայր առ
նա ինդագին, և այն ինչ մատչիլ կամէր յող-
ջոյն նորա, յանկարծահաս իմն ամբոխումն խը-
ռովէր զնա, շառագնութիւնն ծաւալեալ ՛ի

վեր երևէր 'ի գունաթափ 'ի դէմն նորա, և ականողիքն ո՛չ ևս ատակէին յականել զեղբօրն իւրոյ զդէմն: Ջայս տեսեալ Պաւլոսի՝ ասէ ցնա. “ Բարաժայռքս զգեցեալ են զդաւարութիւն, և թռչունքն մեր երգս առհուն ընդ տեսանելն զքեզ, ամենայն ինչ շուրջ զքեւ պայծառ են և զուարթ. զի՞ է ասպա, զի՞նչ այն որ զքեզդ տրտմեցուցանէն: ” Գալակէր ուրեմն համողել զնա ողբագուրամբք իւրովք, այլ նա դարձուցեալ զդէմն խոյս տայր դողալով առ մայրն իւր: Գգուանք եղբօրն իւրոյ յարուցանէին զտիր մեծ յուզմունս 'ի սիրտ նորա ամբոխեալ: Շուարեալ և սխրացեալ Պաւլոսի՝ ո՛չ զօրէր ակահել զխորհուրդ այսգոյն նոր և օտարօտի քստմուլթեան:

Եկն եհաս ասան ամառն՝ որ երբեմն ածէ զաւեր յընդ արեազարծիւք եղեալ սահմանաց վերայ, և սիռեաց զաւեր իւր 'ի կղզոյս վերայ: Մերձ էր լուսնի Դեկտեմբերին, այն ինչ արփայն յայծեղչեր արձակէ ձգէ զգաղաթնահայեաց հրայրեացս իւր 'ի վերայ Մովսիսիոյ յընթացս երկն եօթնեկաց: Հողմն հարաւոյ, այն՝ որ բռնանայ գըրեան եթէ ընդ ամի ողջն՝ այլ ո՛չ ևս փչէր: Միւնաձև անհետեթ մրրիկք փոշւոյ ելեալ յարահետ ճանապարհաց՝ ծառանան ծայրանան ընդ օդս, ցելուն հերձանին ամենայն մասունք

գեանի • կիզանին ամենայն դալար գեղք • չեր-
մին շողիք ելանեն մականան 'ի կողաց լերանց •
և գետակք յաղթահարուստք ցամաքին չորանան •
կիզանող գոլշիք բռունք արտաշնչեն դաշտք •
որ 'ի մուտս անդ արիւնոյն երևէին հանգոյն
հրայրեցութեան • յաշորդէր գիշերն • այլ չա-
ծէր զովութիւն հրատապ մ' թնոլորտին • և
գունտն լուսնակին արիւնեբանգ • համբարծեալ
'ի միգապատ հորիզոնի' երևէր վեհքնական
մեծութեամբ : Տուարք կ' թուցեալք կացեալք 'ի
կողաց դարեանդից' պարանոցածիգք գէպ 'ի
յերկինս' յոգիս պարզել ապաստան եղեալ առ
շնչառութեանն • ուսուցանէին հովտաց կրկնել
արձագանգօք զդառնաղէտ պոչիւնն իւրեանց •
'նս' և տուարածն իսկ հապշիկ տապաստ յեր-
կիր անկանի և թարթափի առ ծայդ մի զովու-
թեան • այլ արեւակն հրստապ թնի անցեալ էր
ընդ ամենայն մասունս երկրին • և ոգեոպառն
մ' թնոլորտ հնչեցուցանէր վանկէր զճիւղ միջա-
տաց' որք իծբծէին անցուցանել զպտպակ իւր-
եանց յարիւն մարդոյ և կենդանեաց :

'Ի միում 'ի խորշակահար աւուրց
աստի յարեալ Վերգինիա անհանգիտ և վըշ-
տագին • և դարձաւ վերստին 'ի ննջիւն խոնար-
հիլ • սակայն և չինչ իւիք մարթացաւ գտա-
նել զգուն կամ զհանգիտ : Ուղղեաց ուրեմն
զգնացս իւր լուսով Տիկնոջն²⁰ երկնից առ աղ-

բիւրն կոյս և անբժիթ ակամբ յառեցաւ յակն նորա, որ՝ թէպէտ և խորշակահար՝ ցընցիլանայր տակաւին՝ ՚ի լրթագոյն կողաց խարակին արծաթափայլ թեւից սէս: Ջընկէց զինքն՝ ՚ի տաշտ աղբիւրականն, յորոյ ՚ի զովութենէն ոգի առեալ վերստին՝ տեղի ետ բիւրաւոր փառաբուշ յիշատակութեանց արթեւեւաց: Յուշարար անձին զգրօտանս մօրն իւրոյ և Մարգարիտայ, ՚ի լուանալ զինքն ընդ Պաւլոսի՝ ՚ի նըմին իսկ կոնքի: Յիշեաց եթէ զխարդ Պաւլոս պարհեալ այնուհետև զլոգարանն միայն վանինքեան՝ պեղեաց զայն, և արկեալ զաւագ ՚ի յատակ նորա՝ տնկեաց շուրջ զափամբքն զանուշահոտ տունկս: Էտես անկեալ ՚ի վերայ հունի բազկաց և լանջաց իւրոց զանդրադարձութիւն ծառոցն գապտով տնկելոցն՝ ՚ի ժամուծննդեան իւրոյ և եղբօրն իւրոյ, որք ամբարձ ՚ի վերայ գլխոյն իւրոյ՝ պատատեալ էին զդաւար բարունակս իւրեանց ընդ պտղաց: Թուէր նմա բարեկամութիւնն Պաւլոսի և ևս քաղցրագոյն քան զհամատարամ բուրմունս անուշից, ևս ջինջ քան զականակիտ աղբիւրն, անվկանդ քան զմիակցեալ արմաւենիս, և սպա հառաչեաց: Ջմտաւ ածելով ուրեմն զսահ գիշերոյն և զխորին առանձնութիւնն՝ աղմկեցաւ միտք նորա միւտանգամ: Ջահի հարեալ յանկարծ ընդօտ սարտնու՝ ՚ի վտանգաւոր հովանեաց անտի

և 'ի ջրոց այնոցիկ՝ որ քան զհրատապ արևունն ճառագայթս թուէր նմա ջերմ լինիլ. հապա՝ ճեպեաց առ մայրն իւր գտանել անտի զսպաւինութիւն: Ստէպ առ անձկութիւնն զվիշտս իւր հոլանելոյ սեղմէր 'ի մէջ բռանց իւրոց զձեռս մօրն իւրոյ. հարիւրիցս առ ձեռն լինէր նմա անուանել զանունն Պաւլոսի. այլ՝ տաղտապանք սրտին ո՛չ թոյլ առնէին շրթանց նորա զզօրութիւն արտասելոյ. և խոնարհելով զգէմս իւր 'ի վերայ լանջաց մօրն իւրոյ՝ ատակէր և եթ առոգանել զնա իւրովքն արտասուօք:

Թէպէտ և հեշտեալ 'ի վերայ հասնէր տիկինն տ'լա Դավրի սկզբանց անձկութեան դստերն իւրոյ. և այնպէս ո՛չ 'ի ճահ դատէր խօսիլ ընդ նմա առ այսր աղագաւ. « Աւղղե՛ա՛ զքեզ որդեակ իմ, » ասէր. « դիմե՛ա՛ առ Աստուած, որ ըստ հաճոյս տրամագրէ զողջութենէ և զկենաց մարդոյ. Զքէն այժմուս զփորձ առնու առ 'ի վարձատրել քեզ առ յապոյս: Յիշե՛ա՛ զի ածեալ եմք յաշխարհ միայն առ 'ի յարգել զառաքինութիւնն: »

Խորշակն ասնարին ձգէր յովկիանոսէն զջաղի շագլիս, որ մակացեալ ծառացեալ ընդ օդս 'ի վերայ կղզւոյն փարագրեալ կուտակեցան զանդորդանօք լերանց. յորոց մառախլապատ սպառուածոց մերթ ընդ մերթ թօթափէին կայծակունք հրոյ: Առօրին լսելի եղին

որոտմունք, փայլատակունք ճայթմամբ զամպս պատառեն և վարժեն զճաղագս, զդաշտավայրս և զծորս կրկնել յարձագանգս զզարհուրելի և զսարսափելի որոտմունս, անծրեք տեղատարափ սահանատարաս՝ կարկանջմամբ զլսելիս խլացուցանէին. ուղիք անհնարինք փրփրածինք թաւալագլոր գլէին՝ ՚ի կողաց լերինս, ծովացաւ յատակն հովտիս, դարձաւ եղև փոքրիկ կղզի դաշտակն գետնոյն՝ ՚ի վերայ որոյ աստեալ էին խուղքն, և մուտք հովտիս ՚ի սահանական պատուհան, ընդ որ յախուռն խաղային հեծեծալով ջուրք, կաւ, մայրիք և վէմք:

՚Ի նմին վայրի ամենեքին սոսափեալ զուիացեալ հօլոնեալ ահումբ առեալ յաղօթս կային առ Տէր ՚ի խրճթի տիկնոջն տլա Դաւրի, որոյ յարկն հերձաւ ընդ մէջ ՚ի մարտուցող ՚ի բուռն հողմոց: Այնպէս պայծառ և ըստէպ էին փայլատակունքն, մինչ զի թէ և դըրունք քաջ աղիսեալք՝ պատուհանք աղիսաղիսեալք, ամենայն ինչ ՚ի բացավայրին պայծառ նշմարիւր ՚ի բազմայող ճառագայթիցն: Անվկանդ արութեամբ երթևեկս առնէր Պաւլոս ընդ Դամիսկոնի ՚ի միոյ խրճթէն ՚ի միւսն, առ չինչ գրելով զզայրացութիւն փոթորկին, աստ՝ նեցկաւ ամրացուցանելով զվիճակ ինչ, անդ՝ արկանելով զլսեչակ և դարձ միայն առ ընտանիս իւր առնելով, առ ՚ի զնոցին զզարհօրանս փա-

բատել՝ յուսով անցման վաթորկին: Եւ ահա
դադարեցաւ դարեցաւ դղացաւ թուլացաւ անձ-
րեն 'ի պահ երեկին. կանանաւոր հողմունք. հա-
րաւոյ հաւեցին զշարունակական զննթացս իւր-
եանց. հալածեցան մրրկածուփ թուխսք յա-
րեմուտս հիւսիսոյ. և արիին 'ի մուտս սիւեաց
միւսանգամ զուկեթել վարսս իւր ծաւալեաց
'ի յաշխարհ:

Ջառաջինն ցանկացաւ Վերգինիա եր-
թալ 'ի Հանգստեանն իւրոյ 'ի տեսութիւն:
Մերձեցաւ առ նա Պաւլոս վեհերօտն քայլել
և մատոյց զնպատ քաղկին իւրոյ. ընդ որ
Ժպտելով հաւանեալ նորա՝ աջակցեալ ելին 'ի
միասին 'ի խրճթէն: Փայլէր պայծառութիւնն
յանամպ 'ի յօդս. ելանեն ծայրանան արծա-
թափայլ գոլոշիք 'ի գազաթանց լերանց ա-
կօտածև երգիծելոց 'ի վրախրածին հոտանաց:
Հեղեղք անհնարինք ամենևիմք խրամտտեալ և
եղծեալ զդարաստանն՝ յոգունց պողածին ծա-
ռոց մերկացեալ էին արմատք. և անբաւ շեղչք
աւազոյ ծածկեալ զշարս մարգագետնոց՝ խցեալ
էին զլուալիս Վերգինիայ: Սակայն և այնպէս
կանդաղուն կային գազաովիքն՝ անկորուտ ու-
նելով զիւրեանցն դարարութիւն. բայց ոչ ևս
շուրջ պատէին զնոքօք մարգագետինք: սարիի-
նայք և ոչ իոկ թռչունք՝ քնւ 'ի սակաւուց
ամադայլիթ թռչնոց, որ արձանացեալ կայցեալ

’ի կատար մերձակայ քարաժայռին՝ կականաւոր երգս առեալ ողբային զկորուստ ձագուց իւրեանց :

Յայս տեսիլ աղիողորմ և ամայացեալ գոչեաց Վերգինա : “ Ածեր եղբայր իմ զթռչունս աստ : և ահա՛ այն չէ ինչ անխայեալ ’ի նոսա : Դու ինքնդ տնկեցեր զայս դրաստ : և ահա՛ քանդեալ վանդեալ յապականութիւն է եղեալ : Ամենայն ինչ ուրեմն եղծանին որ ’ի վերայ երկրի : ամենայնն չքանան չքոտին : և միայն երկինք ճշարտակին այսմ փոփոխութեան : ” — “ Անկործ : ” պատասխանեաց Պաւլոս : “ իցե՛ թէ կարող լինէի տալ քեզ զինն երկնային : Այլ զի չիք ինձ և ոչ մի ինչ երկրային : ” — “ Է՛ առ քեզ , ” դարձոյց Վերգինիա շառագնութեամբ : “ ունիս դու զկենդանագիրն Սրբոյն Պաւլոսի : ” Ուր ուրեմն զրաւեաց զբանս իւր : յորժամ Պաւլոս սլացաւ սրացաւ ’ի գիւտ նորա ’ի մօրն իւրոյ ’ի խրճիթ : Պատկերս այս էր փոքրիկ կենդանագիր իմն անսպատաւորին Պաւլոսի : զոր ’ի հարուստ ամանակաց անտի իւրն մանկութեան կրէր բարեպարիշտն Մարգարիտ ’ի պարանոցի իւրում : և զոր յետ ծնանելոյ զորդին իւր կախեաց զպարանոցէ նորա : Վասն զի ’ի ժամանակս յղութեանն իւրոյ դէպ եղև՝ զի յորժամ բարձի թողի մառօնեալ էր յամենեցունց

ի վերայ աշխարհի, այն ինչ յառեալ նկատէր զպատկեր բարեօէր մենակեցիս, ծնունդն իւր ձգէր յինքն, կամ գէթ այս օրինակ երևակերպեաց զմանութիւն ինչ յարկելի շահատակիս: Առ այսր ազագաւ անուանեաց զորդին իւր Պաւլոս՝ տալով նմա պաշտպան զտուրբն զայն, որ անցոյց զկեանս իւր հեռի ՚ի մարդկանէ. որք զկնի պատրելոյ բարձի թողի լքքին զնա: Յետ ընդունելոյ Վերգինիայ զպատկերն զայն փոքրիկ ՚ի ձեռաց Պաւլոսի, ստէցնա ակնկորելով. “Տենչալի եղբայր իմ, այն խոստանամ չհրաժարիլ երբէք յայմանէ մինչ դեռ տակաւին ունիցիմ զշունչ, և ոչ երբէք զմոռացու թեամբ հարից՝ եթէ զոր միանգամ ունէիրն ՚ի վերայ աշխարհի՝ ետուր զայն դու ինձ:” Յայս բան բարեկամական, յայս անակնկալ փոխադարձ մտերմութեան և քաղցրութեան փորձ փորձեաց Պաւլոս գիրկս նմա արկանել, այլ անդէն և անդ խոյս տուեալ թեացաւ պարզեցաւ անտի, թողեալ զՊաւլոս յսկալիւս և ՚ի զարմանս դրաւեալ՝ ոչ բաւելով ակահել զմիտան նորօրինակ այս բարուց:

Ի նմին ժամանակի ատաց Մարգարիտ ցտիկինն տ՛լա Դավրի. “Ձի՛ է զի ոչ միաւորեմք զմանկունս մեր ամուսնութեամբ. սիրեն նոքա զմիմեանս կաթողին սիրով:” “Տակաւին դեռահասակ են”, պատասխանեաց տիկինն տ՛լա

Գալթի, “ և ամենեւեմ անբատ: Որպիսի՞ վըշտադնութիւն մեզ տեսանել զՎերգինիս ընծայել յաշխարհ գոծբաղդ մանկունս, մինչ ոչ թերևս ունիցի զՏերիք կարչն ’ի դիեցուցանել զնոսս: Ծաղկեալն ալեօք հաիշիկն քոյ Գովնկոն ոչ բաւեցցէ թերևս ուժել յաշխատութիւն, ապիկար է Մարիամ և անաւագ, իսկ ես՝ սիրելիք իմ՝ տեսանեմ զի յընթացս հընդետասան ամացս տիր քաղեցան զօրութիւնք իմ, կեանք մարդոյ թռանին թեանան ’ի ջերմին գաւառս, և ’ի գլուխ ամենայնի՝ որ միանգամ անկեալն եմ ընդ Ննշմամբ թշուառութեան: Մի միայն ակնկալութիւնն մեր միայ ուրեմն Պաւլոս, մնացուք մինչև կազմութիւն մարմնոյն զգեցցէ զուրուազութիւն, մինչև զօրացի թեարկել խնամ ածել մեզ իւրովքն վատասկօք: Զարդիս չէ՛ քեզ անծանօթ, զի ըսուլ և եթ բաւեմք զուռն զկարօտութիւն, իսկ եթե ուղեորէաք զՊաւլոս առ վայր մի՛ ի Հնդիկս, աշտեցի թերևս նմա գնել զտանկ մի՛ ի ձեռն առ և տրութեան, և ’ի դարձին իւրուժ յայնժամ մուտորեցուք զնոսս, զի աւատամ եթե ոչ որ յաշխարհի կարէ այնպէս երջանկացուցանել զդուստրն իմ՝ որպէս որդին քոյ: Օհն՝ հալցցուք նախ և զգրակիցն մեր: ”

Ըստ այնմ և հարցին յինէն զսորհուրդն իմ, ընդ որ և ես համամիտ եղէ:

“Ճովք հնդկաց, ” նկարագրեցի նոցա, “ խաղաղ են և անվրդով, և ’ի բարեյաջող եղանակս տարւոյն հաղիւ երկարածգի խննտպարհորդութիւնն քան զԹոթնեակս վեց: Թղկեսցուք մեք վանն Պաւլոսի զսակաւ բաստս ’ի դրացութեան մերում, ուր սիրելին է ամենեցուն: Եթէ ստարիցեմք նմա յովտ մի անթափ բամբակօք, որ առ չինչ պիտենանայ մեզ առ ’ի չգոյէ ճարակի, սուն մի ոսնիսզիւք՝ որ պիտառոցի մեզ ’ի պէտս այրեցման և եթ, և դոյզն ինչ ռեանիւ՝ որ գտանի ’ի ճաղագի մերում, վաճառեցն այտքիկ՝ մեզ ում և պէտ՝ թէաութիւնքս յաջողութեամբ ’ի Հնդկիս: ”

Յանձն առի ես խնդրել զհրամանն Մոնախուր տլա Պաւլոսինէսին, առ այսր ուղևորութիւն, սակայն կալայ ես զառաջինն ծանուցանել Պաւլոսի զայմանէ, և որչափ մեծ զարմնք կալան զիս՝ յարժամ սն կատարելութեամբ իւրք գեր քան զհասակին իւրոյ աստիճան ասաց զիս, “ Եւ զի՞ է զի ցանկաս դու՞ զի զերդեւեցայց ես յիմոց ընտանեաց, առ ’ի խնդիր մուրացածոյ և առժամանակեայ մեծութեանց: Իցէ՞ թէ առաւել արդիւնաբեր եղիցի առևտրութիւնն քան զերկրագործութիւն, որ հատուցանէ ընդ միոյ յիսուն և հարիւր: Եթէ քարքեմք՝ եթէ գերդամք ճապարիւլ ’ի տուրեառութիւն, զի՞նչ այլ քան

զայս վայելչագոյն, տանել 'ի շէնս զաւելորդս մեր առանց ուժանալոյ իմոյ 'ի Հնդիկս: Ատենցիս մարքն մեր՝ զի յեցեալ է Դոմինկան յալիս ծերութեան, և թէ՛ ելլով իմ դեռ դեռահասակ, ընտեմ զօր հանապազ զուրուազութիւն արուորութեան: Իսկ եթէ՛ 'ի բացակայութեան իմում դէպք ինչ անցանիցեն և 'ի վերջան զամենայն ընդ Վերգիինիա, որ արդէն իսկ ընկճեալ Ք'նշի... Ա՛չ. ո՛չ կարեմ ես բացորոշել բացակայել 'ի նոցանէ: ”

Զմեծ իմն զգրմբազ ծնուցին ինձ բանքս այսոքիկ. այնու զի չէր թագուցեալ յինէն տիկինն տ'լա Դավրի զդատերն իւրոյ զվիճակ, և զանձուկն իւր անշատելոյ զնոսս 'ի միմեանց առ ժամանակ մի: Ա՛չ իշխէի 'ի վերհանել Պաւլոսի զբանս զայսոսիկ:

'Ի սմին ժամանակի գալուստ նաւու միոյ 'ի Գաղղիոյ՝ եբեր տիկնոջն տ'լա Դավրի ըզքարտէս իմն հօրաքեռն իւրոյ: Հրշտեալ 'ի մօտալուս օրհասին յահալետաց, որ և եթատիկէր 'ի թնփ անցանել 'ի սիրտ այսգոյն անազդակ, աւաքեալ 'ի յերկեան խօթութեանէ՝ որ կ'թուցեալ ներգեւեալ շլտտեաց զնա. ծիւրեալ ճղճմեալ 'ի ծերութեանէ՝ խնդրէր 'ի դատերէն եղբօրն իւրոյ դարձ առնել 'ի Գաղղիս, այլ եթէ՛ անաւագութիւն անձին իւրոյ ո՛չ ներէր ձեռնամուխ լինիլ յայսոսիս ընդ-

Երկար ուղևորութիւն, երգմանցուցանէր զնա
 դանեոյ ուղևորել զՎերգինիա, զոր խոստանայր
 Քաճել յուսմունս բարիս, աջողել վասն նորա
 զամուսնութիւն շքաւոր և թողուլ զնա՝ ի Ժա-
 ոանգութիւն Տարսուութեանց իւրոց : ողջոյն :
 Տաղնապք անհնարինք կալան զամենեսին ընդ
 զրաւիլ վերծանութեանն : Դավինկոն և Մա-
 րիամ հարան յարտաուուս : Պաւլոս յաիշութիւն
 սրտին առ սրտմտութեանն : Իսկ Վերգինիա յակ-
 ճիւղս՝ յառեալ ՚ի մայրն իւր, ոչ զօրէր և
 զբան մի արտասանել :

“Եւ թողցե՛ն զմեզ,” գոչեաց Մար-
 գարիտ ցտիկինն տ՛լա Դավրի : “Ո՛չ, մտերվմդ
 իմ, ոչ, զքեզ ոչ թողցո՛ւ,” սրտասխանեաց
 տիկինն տ՛լա Դավրի, “և զձեզ ո՛վ որդեակք
 իմ, ոչ թողցո՛ւ երբէք — ընդերկար ձգեցանս
 կեանք իմ ՚ի միջի ձերում, սնորտ է ինձ ըզ-
 պէտս նորա առաջի ձեր վճարել : Բնոցր ե-
 ղև մտերմութիւնն՝ որտի իմոյ, քաղցր և երա-
 նութիւնն՝ զոր ՚ի սէր ձեր զգացի — եթէ վտան-
 գեացի կեանքն իմ, անցեալ թշուառութեանց
 իմոց պիտի առագրել — սիրտ իմ յանհնարինս
 վերաւորեալ յանգութեանէ ազգականի միոջ
 և կորստեամբ առն իմոյ՝ առաւել արգահա-
 տեցաւ և երջանկացաւ առ ձեզ ընդ յարկաւ
 աղքատիկ խրճթացս, քան զոր միանգամ ամե-

նայն մեծութիւնք ազգականին իմոյ բաւեն
տալ ինձ յիմ իսկ 'ի հայրենիս :

Յայս փաղաքուշ բանս նորա ամե-
նեցունն աչք յորդեալ զեղանն արտասուօք ցնծու-
թեանն : Պաւլոս գիրկս արկեալ տիկնոջն տ'ա-
րաւրի՝ գոչէ . “ Եւ ո՛չ ես՝ ս'ի մայր իմ՝ թո-
ղից զքեզ բնաւ . — ո՛չ երբէք ճանտպարհորդե-
ցից 'ի Հնդիկս . — ամենեքին մեք աշխատեսցուք
վասն քո . ամենեքին մեք լսուսցուք զկարիս քոյ :
“ Իսկ յամենեցունց միջի , նա՛ որ ցուցանէր ըզ-
տունն շարժումն 'ի բռնութեանց կրից , և որ
թերեւս առաւել ևս զգայր քան զամենեօնն՝
էր Վերգինիա . քաղցր զուարթութիւնն ընդ
օրն ողջոյն՝ ծնունդ անդորրութեան սրտին՝ ելից
զամենեօնն բերկրազուարճ հաճութեամբ :

'Ի վաղիւն ընդ մերկանալ աշտը-
ջոց , այն ինչ վերառաքէին զսովորական առա-
ւօտու պատարագն իւրեանց փառաբանութեան ,
եկն Գոթիկոն զեկուցանել նոցա , եթէ աղնուա-
կան ոմն հեծեալ՝ պաշտեալ յերկուց զան-
դկաց՝ գայր գէս 'ի անկադործութիւնն : Մոն-
ոիուր տ'ա Պուռտօնէան էր սա , որ եմուտ
'ի խրճիթն՝ ուր զամենեօնն եգիտ լազմեալ
շուրջ զնախաճաշիկ սեղանով : Վերգինիա ըստ
սովորութեան երկրին հանդերձեալ էր զսուրճ
և զօրիզ եփեալ 'ի ջուր . յոր յաւել ևս զե-
փեալ եամիս և զթարմ գազառփայս : Տերեք

ջըսխոտի զտեղին սինդոնի ունէին, և վե-
 ճեկք գղմենւոյ ճեղքեալ յերկուս՝ զթերին
 ախոսէից լնուին: Մեծ զարմանք կալան զդե-
 հապեան ընդ անզարդութիւն տանն, որ և դար-
 ձեալ առ տիկինն տ'լա Դաւրի ասէ ցնա, թէ-
 պէտ և իրակութիւնք հասարակաց ոչ երբէք
 թոյլ առնէին ինքեան ձեռնամուխ լինիլ 'ի
 գործառնութիւնս անհատից, և այնպէս բազում
 իրաւունս ունէր բարեգործութեանց իւրոց:
 “ Աւնիս դու տիկին, ” յաւել ասել, “ զՏօ-
 րաքոյր մի 'ի Փարիս՝ փարազուն և կարի փար-
 թամ, որ և իսկ ակնունի զի փութացիս տե-
 սանել զնա, քանզի ցանկայ թողալ զքեզ 'ի
 ժառանգութիւն ամենայն ճոխութեանց իւրոց: ”
 Տիկինն տ'լա Դաւրի պատասխանեաց նմա՝ ե-
 թէ անաւագութիւն անձինն ոչ ներէր ին-
 քեան բուռն հարկանել զայսգոյն ընդերկար
 ճանապարհորդութենէ: ” Գոնէ, ” կրկնեաց
 Մոնսիուր տ'լա Պուռտոննէս, “ անմարթ է
 քեզ առանց անիրաւութեան վրէպ կացուցա-
 նել զայս չքնաղապեղ սատանուհի՝ զդուստրն
 քո յայսպիսի հարուստ ժառանգութենէ: Ա՛չ
 ծածկեցից 'ի քէն՝ եթէ հօրաքոյրն քոյ թա-
 խանձեալ է զիս ստիպել զքեզ վերադառնալ
 'ի քոյն հայրենիս, և ևս՝ զստանալն իմ զա-
 ռաջնորդական թուղթս, որով կարգեալ լինիմ
 վարել զիմս իշխանութիւն առ այս վախճան՝

եթէ հարկն ստիպիցէ : Այլ զի անձուկ իմ է 'ի կիր արկանել զհեղինակութիւնն իմ առ երջանկութիւնն և եթ բնակչաց հատուածիս , ակն ունիմ 'ի խոհականութենէդ՝ զի մտադիւր անտայցես յայս պատարագ սակաւուց ամաց , յորմէ կախի բարօրութիւն դատերն քոյ յաշխարհի և երջանկութիւն քոյց մնացեալ աւուրց : Առ ի՞նչ ապա եկեալ եմք յայս կղզիս : Ո՞չ ապաքէն առ ստացումն մեծութեանց : Եւ զի՞նչ այլ քան զայս վայելչագոյն՝ դարձ առնել և գտանել զայն 'ի հայրենիս քոյին : ”

Զայս օրինակ ասացեալ՝ զնէ 'ի վերայ տրապզին զպայուսակ մի լի մարչլովք , զոր ունէր մին 'ի ստրկացն 'ի յուս : “ Զայս , ” յաւել ասել , “ շնորհեալ է հօրաքոյրն քոյ վասն կարևոր նախապատրաստութեանց ճանապարհորդութեան բամբշին : ” Ապա մեղմօրինակ իմն ստգտանելով զտիկինն ա՛լա Դավրի առ անվոյթ առնելոյն զիմել առ ինքն 'ի կարօտութեան իւրում՝ գովեաց և այնպէս զանկանդ արութիւն սրտի նորա : Առ այս բան դեհապետին պատասխանի արար Պաւլոս , “ Մայրն իմ զիմեաց առ քեզ տէ՛ր՝ յաւուրս նեղութեան իւրոյ , այլ զի դու չարաչար ընկալար զնա : ” “ Զմիւս ևս ունի՞ս տիկին դու՝ զորդի . ” Եհարց Մոնսիուր ա՛լա Պուռտօննէս ցտիկինն ա՛լա Դավր : “ Ո՞չ տէ՛ր , ” պատաս-

խանեաց տիկինն տ'լա Դավրի. “ սա է որդի Տամ-
շիրաքին խնյ. այլ զի սա և Վերգինիա միօրի-
նակ սիրելի են մեզ երկոքին ” : — “ Պատա-
նիդ դու, ” յայնժամ ասէ բղերշին ցՊաւլոս,
“ յորժամ ուն մի հմտանայցես փորձոյ աշխար-
հի, տեսցես եթէ զիսորդ պատրողութիւնն
սողոսկեալ յարամրի յիշխանութեան մարդկան՝
և տայ նմա ընծայել արուեստակեալ մոլու-
թեան զայն ամենայն՝ որ յաւէտ անկ և պատ-
շաճ է պարկեշտ արդիւնաւորութեան : ”

Ի խնդրոյ տիկնոջն տ'լա Դավրի
բազմեցաւ Մոնսիուր տ'լա Պուռտօննէս առ ըն-
թեր նորա ՚ի սեղանն՝ ուտելով զնախաճաշիկ
խարշեալ սրձոյ և որիզոյ : Յաւէտ իմն զուար-
չացաւ նա ընդ կարգաւորութիւն և մաքրութիւն
թագաւորեալ ընդ յարկաւ աղքատիկ խրճթացն,
ընդ համաձայնութիւն երկոցունց բարեհամբոյր
գերդաստանացն, և ընդ փոյթ եռանդն հինա-
ւուրց պաշտակաց նոցին. “ Աստէն, ” ասէ յայն-
ժամ, “ տեսնեմ զփայտեայ աղլոս միայն, սա-
կայն գտանեմ զզուարթերես դէմն և զսիրտս
ոսկիս : ” Զմայլեալ Պաւլոսի ընդ քաղցրաբա-
րոյութիւն շահապին՝ ասէ ցնա. “ Յանկալի է
ինձ տէր՝ գրել ՚ի համար քոյոյ բարեկամի. զի
այր բարի ես դու : ” Հաճութեամբ ընկալաւ Մո-
նսիուր տ'լա Պուռտօննէս զայս կղզտկան յարգու-
թիւն, և կալեալ զձեռանէ Պաւլոսի՝ խօստա-

ցաւ նմա զիւրն յաւերժականն բարեկամութիւնն :

Ջկնի ճաշուն ոշոգի առեալ նորա շտիկինն տ'լա Դավրի՛ ծանոյց նմա եթէ յեա տակաւուց խաղայր գնայր նաւ մի վարել զճանապարհն Գաղղիոյ՝ ուստի 'ի գէպ էր հրաժեշտ չտալ յուղևորելոյ զդուստրն իւր յայսպիսում գիպող ժամու, եթէ՛ յանձն առնէր զնա տիկնաջ միում իւրումն ազգայնոյ, որ և իսկ ճանապարհորդակից էր լինելոց 'ի նմին նաւու, և թէ՛ չէր օրէն առ չմեկնելոյ 'ի գոտերէն իւրմէ առ սակաւ ամս հրաժեշտ առնուլ յայսանակ հարուստ ժառանգութենէ : “ Զօրաքոյրն քոյ ” յաւել ասել, “ ո՛չ յաւելցէ 'ի կեանս իւր քան զամս երկուս և եթէ, զոր հաստատեցին ինձ բարեկամք նորա : Քնջ խորհեաց ապա : Ա՛չ ցանկ յայց ելանէ մեզ բաղդն : Զնոյց զբարեկամս քոյ : Ամենայն ոք կորովատի՛ս՝ հաւան ընդ իմս ելցէ խորհուրդ : ” Այսմ պատասխանի արար տիկինն տ'լա Դավրի, եթէ “ և չինչ այնպէս ըզձալի ելալ ինքեան քան զդուստրն իւրոյ երջանկութիւն յաշխարհի, 'ի կամս նորա առնէր ապաստան զչուէլն 'ի Գաղղիա : ”

Ուրախ էր տիկինն տ'լա Դավրի յարգել զպատեհն անջատելոյ առ ժամանակ մի ըզՊաւլոս և զՎէգինիա առ և ևս պականելոյ զերջանկութիւն նոցա առ յայսոյս : Ոշոգի ուրեմն

անեալ զդուտորն իւր՝ ասէ ցնա՝ “ Հայեանց
 դուտորդ իմ՝ Հայեանց՝ տէս զի զանդիկքն մեր
 յեցեալ են յալիս ծերութեան — Պաւլոս է
 դեռ դեռահասակ — Համբուրէ Մարգարիտ զա-
 լիս ծերութեան, և ես անաւազ՝ ապաքէն ոտն
 առ ոտն բերիմ առ դուրս մահուան: Եւ՝ ո՞վ
 աղէտիցս, եթէ պակասեցայ ես ՚ի կենցաղոյս,
 զի՞նչ ինչ ո՞չ անցանկցէն ընդ քեզ ընդ մատ-
 նածդ ՚ի յընչից յանապատի աստ, յայնժամ
 եղևիս միայնակ առանց ուրուք օգնականի՝ ո-
 բում մարթ իցէ տալ քեզ զվիզն, հարկեցիս
 յանդղակի յաշխատութիւնս առ ՚ի զֆոյին տա-
 ռապեալ իքութիւն տանել յաշխարհի: Այս
 պատկեր՝ օրդեանկ իմ՝ լցուցանէ վշտօք զհոգիս:”
 “ Ո՞վ մայր իմ, ” պատասխանեաց յայնժամ
 Վերգինիա, ” տահմանեալ է զմեզ Ատուած
 յաշխատութիւն և ՚ի վատտակ — ուսայ ՚ի քէն
 աշխատիլ և օրհնել զնա զօրհանապաղ: Ո՞չ
 երբէք անտես արար զմեզ Տէր, և ո՞չ անտես
 երբէք արտօցէ: Նախախնամութիւն նորա տք-
 նի յաւէտ ՚ի վերայ թշուառացիւց: Չոյս՝
 տենչալի մայր իմ՝ զոյս դու ինքնդ կրկնէիր
 ստէպ ՚ի լուր իմ — Ո՞չ կարեմ բացօրոշիլ
 մայր իմ՝ ո՞չ կարեմ անջատիլ մեկնիլ փարա-
 տիլ վճարիլ ՚ի ձէնջ:” — “ Մի միայն նպա-
 տակ իմ՝ օրդեանկ իմ ” կրկնեաց տիկնն տ՛լս
 Ռավրի, “ է՛ զքեզ երջանիկս առնել և ա-

մուսնացուցանել յաւուր միում ընդ Պաւլոսի՝ որ ոչ է հարազատն քոյ — խորհեաց՝ եթէ ըզքէն միայն կատի բարօրութիւն և բաղդ նորա:”

Առտան տարիաւոր գրէ, եթէ աշխարհ ամենայն տգէտ են զկրից իւրոց, սքօղէ զաչս իւր նովին պարտակաւ՝ զոր արկեալն է՝ ի վերայ սրտին, այլ յորժամ վերացուցանէ զայն գգուող ձեռն փայփայիչ, գաղտնածածուկ սիրոյն անձկութիւնք յանկարծ վկանդեալ խորտակեն զսահմանն, տեղի տան յայնժամ փաղաքուշ մըտերմութեանն՝ այն ամենայն աչալուրջ զգուշութիւնք և գաղտնութիւնք, որով ճնշեալ սիրտն պատեալ էր զզգայութիւնս իւր: Յաւէտ իմն զգածեալ Վերգինիա՝ ի նորոգ փորձոյ աստի խանդաղատանաց մօրն իւրոյ՝ պատմէ նմա եթէ զխորդ անհնարին էին տագնապքն՝ որոց վկայ միայն ինքն Աստուած, եցոյց եթէ սարզ տեսանէր զշնորհս Նախախնամութեանն՝ ի սարգեւելն անդ ինքեան զգորովագութ մայր, որ հաւան ընդ իւրն ելով հակամիտութիւն՝ առաջնորդէր ինքեան իւրովքն խորհրդովք, եթէ՝ զօրացեալ այսուիկ օժանդակութեամբ՝ ամենայն խոհականութեամբ պէտք էին ինքեան կալ մնալ առ մայրն իւր, ոչ ինչ հոգալով վասն ներկայից և առանց ինչ կասկածանաց վասն պարգայից:

Տեսեալ տիկնոջն տ'լա Դավրի եթէ յընտանի խօսակցութեանց աստի ել ծագեցաւ ամենեկին օտար քան որումն ակն ունէր կատարած՝ ասէ. “Տենչսլի որդեակ իմ՝ ո՛չ ևս բըռնաբարեցից զյօժարութիւնս քոյ. խորհեաց անաշխատ, սակայն թաքն՝ ի Պաւլոսէ զզգացումն քոյ:”

Այն ինչ ՚ի մուտս լինէր արիին, մտանէ ՚ի սենեակն՝ ուր տիկինն տ'լա Դավրի և Վերգինիա հոլոնեալ էին՝ խոստովանահայրն նոցա: Սա էր քարոզիչ մի կղզւոյն՝ զոր յլէր դեհապեան: Ընդ մտանելն ՚ի սենեակն, “Փանք Աստուծոյ,” զոչէ. “որդեակք իմ, տուք փառս Աստուծոյ, վճարեցաւ թշուառութիւնն ձեր, ամենայն. մերձեալ է բաղձն. փարթամութիւնք չորսութիւնք հասեալ են առ դրունս ձեր: Ահա առիկ ժամն ընդունելի, մարթ է ձեզ զարդիս ունկն մատուցանել քաղցր թեւադրութեանց բարեսէր սրտից ձերոց և բարութիւնս առնել աղքատաց: Գիտեմ զոր միանգամ ասացեալ է ձեզ Մոնտիուր տ'լա Պուռտոննէսին, և զոր միանգամ դուքդ պատասխանեցիք: Անաւագութիւն անձինդ՝ տիկին՝ պարտաւորի գեեղ կալ միալ աստատին, իսկ դու՝ օրինորդ՝ և զնոտի բաղբաղայս անգամ տալ ինչ ո՛չ ունիս: Պարտ է ձեզ հպատակ կալ կամաց արարչին, պարտ և հնազանդիլ ձերոց հինաւորց ազգայ:”

նոց՝ թէ և անարդարագունից: Պատարագ իմն
ուրեմն խնդրի՝ ի քէն, զոր հրամայէ Տէր: Ետ
նա զանձն իւր վասն քո, սուր ուրեմն ըստ
նորայն օրինակի և զքեզ ինքնդ վասն բարօ-
բութեան քոյոց ընտանեաց: Գիտեմ զի ուղե-
գնացութիւնն քոյ՝ ի Գաղղիա պտակեացի երջան-
կութեամբ: Ինչ ոչ երկուանամ ուրեմն զի
հաւան ընդ այս լիցիս ճանապարհորդութիւն՝
իմ սիրելի աղջիկն: ”

Վերգինիա կորակնեալ՝ պատասխանի
արար նմա զսիալով. “ Ո՛չ ինչ ժպրհեցայց՝ ե-
թէ հրաման Տէառն է՝ այդմ ընդդէմ գնել: Ե-
ղիցի, կամք Տէառն օրհնեալ եղիցի, ” ասաց
ողբալով:

Եւ ուրեմն խորհրդածուն տանել
զաւետիս աշտըութեան առաքելութեանն իւ-
րոյ, ծանուցանել բոլեշխին, և տիկինն սիլա-
Դավրի առաքեաց զԴովինկան կոչել զիս՝ ի խոր-
հուրդ ուղեգնացութեանն Վերգինիայ, հակա-
ռակեցի ես այսմ խորհրդոյ չուոյ նորա: Ազ-
բիւր իմն երջանկութեան գոլ թուի ինձ, զի
նախագասեացուք բաղդին զօդուտ բնութեան,
և մի՛ երբէք ՚ի խնդիր ելցուք այնմ՝ ի հեռա-
ւորս՝ որ գտանի ՚ի ծոցի մերում: Այլ զի՞նչ
մարթ էր անուունիլ ՚ի խոհական խորհրդոց
իմոց ներհակելոց պատիր երևութից փաղիխն
մեծութեանց, զի՞նչ ՚ի յանպաճոյ՝ ձեռնար-

կութեանցս ընդդիմադրելոց՝ ի նախադաշարմանց աշխարհի և ի հեղինակութենէ իմեքէ՝ զոր տիկինն տ'լա Դավրի ունէր ՚ի սուրբ համարի: Բամբիշս այս ՚ի բերմանէ և եթ յարգանաց հարցանէր յինէն զխորհուրդ. զի արդեամբք վճարեցան խորհրդածուծիւնք նորա, յետ լսելոյ զընտրուծիւն խոստովանահօրն իւրոյ: Նա՛ և Մարգարտ իսկ՝ որ քաջ հասու այն ելով օգտել որդւոյն իւրոյ հարստանալով Վերգինիայ՝ մինչև ցայնժամ հակառակեալ էր չուայ նորա, դադարեցաւ ՚ի ներհակելոյ: Իսկ Պաւլոս՝ տգէտ զընտրուծենէն և խուսեալ ՚ի գաղտնածածուկ խօսակցուծեանց տիկնոջն տ'լա Դավրի և Վերգինիայ, տեղի ետ անկաւ ՚ի խորին թախծուծիւն: “Նիւծիւն նոքա զիմն ընդդէմ իմոյս խաղաղուծեան,” գոչեաց. “այնու զի այնչափ վոյթ ունին զիւրն յինէն թաքուն սահելոյ:”

՚ի նմին ժամանակի հուշակ հարեալ ՚ի կղզւոջն, եթէ յայց ելեալ էր բաղոն քարաժայռիցս այսոցիկ, և ահա՛ տեսնէսք զամենայն աղգս վաճառականաց մագլնի ելանել ընդ բարձրաբերձ անդորդանս նոցա, և սարգել տիռել յաղքատիկ խրճիթին զամենահարուստ ճոխուծիւնս հնդկաց աշխարհին: Ամենագեղեցիկ գիւմիթիք կոստելովայ, թաշկէնք Փսլլիագաթայ և Մուչլիբանդարայ, հասարակ, շերտա-

ւոր և ասղնէնկար շիլայք Դաքքայի պայծառ որ-
պէս զլոյս: Եւ ևս միւս վաճառականք պարզեալ
տարածեցին զփողփողուն մետաքսեայս Սինէացոց
աշխարհին, սպիտակ, կանաչ և կարմրախայլ,
փայլուն և ողորկ դիպակք Դամասկացի, վարդա-
գոյն թափտայք, աղգք աղգք տատինաց, պե-
լանջից և սնդոսց Տոնկիւնոյ հասարակք և ծաղ-
կազարդ փողփողեալք, պիկենք կակուղ որպէս
զաղուամազ, սպիտակախայլ և մոլոշիկ նանքինք
և կալիկովք Սատակասկարեանք:

Հաճութիւն տիկնոջն տ'լա Դսովրի
էր, զի որ միանգամ յաչս դատերն իւրոյ թուէր
գեղեցիկ՝ զայն գնոյ գնեացէ, և Վերգինիա
ընտրէր զայնպիսիս՝ զոր միանգամ հաճոյ և ըն-
գունեի յաչս մօրն իւրոյ և Մարգարիտայ և
որդւոյ նորին լինիլ համարէր: “Այս” ասէր,
“սխտանացի առ շուք հանդերձից տանն, և այն
կարևոր թերևս եղիցի Մարիամու և Դոմինկոնի:
“ Ի սուղ ժամանակի պայուսակն մարչլաց դար-
ծաւ մարմնն անհադի նախ քան զիւրն հո-
գալ զսխտոյս, և ինքն պարտաւորեցաւ ընդու-
նել զմասն ՚ի պարգևեաց յիւրմէ անտի բաշ-
խելոց գերգաստանին պարու:

Աշտագնեալ Պաւլոսի ընդ այս պար-
վես բաղդին՝ զոր գիտէր լինիլ գուշակու-
թիւն մեկնելոյն Վերգինիայ՝ եկն յետ սակաւ
աւուրց ՚ի բնակութիւնն իմ: “Բուրիկն իմ

Տե՛րուանայ 'ի մէնջ .” գոչեաց սրտաբեկու-
 թեամբ . “ արդէն վճարեցա՛ն ամենայն պատ-
 րաստականութիւնք ճանապարհորդութեան նորա :
 Աղէ՛ . Եկ , երդմնեցուցանեմ զքեզ , հրապու-
 րեան զմայր նորա և զիմն , զի մի՛ թողցեն ըզ-
 նա — զի՛ արգել լիցին նմա :” Ոչ յակքարեցայ
 հրաժեշտ առնուլ 'ի թախանձանաց պատան-
 ւոյն . թէ և քաջ պիտակ էի առ չինչ զօրա-
 նալոյ յանդիմանութեանց իմոց :

Եթէ Վերգինիա գեղանի երևէր
 զգեցեալ զըսդպքն Բանկալայի և զշառ թաշ-
 կինակ կապեալ զգլխոջն , ո՛րչափ ևս առաւել
 ուրեմն աճողեալ էին գեղսզանութիւնք նորա՝
 յորժամ թլիփ ածեալն էր շքադիր զարդուք
 բամբշաց երկրիս : Շիլայ սպիտակ քան զծիւն ,
 դրուագեալ վարդագոյն կերպասիւ՝ երգունէր
 զշնորհազարդ հասակ նորա , Լանջանոցն երկկու-
 ղի զվայելութիւն փոքրիկ բայց նազելի գիտա-
 կան նորա առաւելոյր . և խարտեաշ գէսքն թաւ-
 արծի շփոթեալ էին անփութութեամբ ընդ
 անպաճոյճ գլխաշքին : Լի էին լիճք լուսյն ար-
 տայայտութեամբք թաղծութեան . և յուղմունքն
 կրից՝ որով սիրտն տոչորիւր՝ ծածկէին զգէմս
 նորա շառագնութեամբ , և ձայնի նորա զհըն-
 չիւն իմն տային ամբօխեալ : Հակադրութիւն
 վշտատեսիլ դիմաց նորա և շքեղ հանդերձիցն
 և ևս նազելի զնա երևեցուցանէր , նա՛ և ան-

Հնար էր յականել կամ լսել նմա առանց կարեկցութեան : Անդոհութիւնքն Պաւլոսի գամքան զգամ զօրացեալ ճնշէին զնա , և Մարգարիտ ո՛չ ևս կարելով բմբերել տեսանել զօրդւոյն իւրոյ զտուայտանս՝ ոշոգի առեալ և ասէցնա . “ Ընդէ՞ր որդեանկ իմ , ընդէ՞ր գգուեալ տածես զյոյս պատիր և սնտոի , որ և ևս դառնացուցէն զգերեւանայն յուտոյդ : Ժամ է արգ զի հոլանեցից մերկացից թարգմանեցից քեզ զգաղտնիս խորոց կենդանութեանն մերոյ : Բամբիշ գաւտորն տ՛լա Դաւրի սերի՝ ՚ի մօրէն՝ ՚ի փարթամ և յաղնուազուն տոհմականութենէ . մինչ զի դձու որդի ես միոյ աղկաղկ գիւղական աղջկան , և յաւէտ չարագոյնն՝ զի անհարազատ որդի իմ ես դու : ”

Ա՛չ կարաց Պաւլոս ապահել զյետին բանս՝ զոր ո՛չ երբէք լուեալն էր , և խնդրեաց յայն սակս զխորհուրդ նորին : Արու՛մ պատասխանեաց մայր նորա . “ չունիս քեզ՝ ո՛վ որդեակ իմ՝ զհայր հարազատ : ՚ի տիս մանկութեան իմոյ հրապուրեալ ՚ի սիրոյն՝ յանցաւոր գտայ տկարութեան միււմ , որոյ դու ո՛վ վատաբաղդ՝ դձու ես պտուղ : Յանցանք իմ վրիպեցին զքեզ ՚ի հովանաւորութենէ հօր ընտանեաց , և փախուսան իմ՝ ՚ի տանէ՝ ընտանեաց մօրն քոյ : Ա՛րկ անբաղդութեանդ , չունիս դու յաշխարհի զայլ ոք ազգական քաւ յինէն : ” Զայս ասա-

ցեալ ե՛հեղ զ՛հեղեղս արտասուաց: Առ այս բան գիրկս էարկ նմա Պաւլոս. “ ո՞վ տենչալի մայր իմ, ” գոչէ. “ փոխանակ զի չի՞ք ինձ յաշխարհի այլ ևս մերձաւոր բաց ’ի քէն, սիրեցից զքեզ առաւել քան զառաւել: Այլ՝ զորպիսի՞ր գաղտնութիւն փեռեկեցեր ինձ. Այո՛ արդարև տեսանեմ ահա՛ զսրտաճառ օտարանալոյն գտերն տ’լա Դավրի յայս երկու ամիս. և յէ՞ր սակս կամի հեռանալ ’ի մէնջ: Ո՞հ, քաջ ճանսչեմ զի արհամարհէ զիս: ”

Ժամանեալ ապա և ճաշուն ժամու՛ բազմեցաք ամենեքին շուրջ զսեղանով. այլ յոգնադիմի զգացողութիւնքն՝ որով մեք ամենեքին ամբօխեալն էսք՝ նուազ ախորժակս թողուին մեզ ուտելոյ. և ընդ լռութեամբ անցուցաք զճաշն: Ջառաջինն Վերգինիա ել արտաքս և բազմեցաւ ’ի սոյն իսկ վայրի: ուր մեք ’ի ժամուս բազմեալ կամք: Հարկ հետեւեցաւ նմա Պաւլոս և նստաւ առնթութեր նորա: Եկն եհաս գիշերն. մի ’ի զուարճալի գիշերոց անտի յաճախելոց ընդ արևազարծիւք՝ զորոյ զգեղեցկութիւնն և շինչ ժամանեցէ նկարել մատիտն²¹: Տիկինն երկնից ամբարձեալ ’ի միջակէտն Ոլիմպոսի՛²² զորոյ զարծաթափայլ դէմս սքօղէ ին ամպք՝ վանէր հալածէր գնտա ’ի ձեռն շառաւիղաց իւրոց: Լոյս նորա սղօտափայլ տիրեալ էր լերանց կղզւոյս, որոց անգորդանք փառլիեալ

փայլէին արծաթափայլ դալարութեամբ • խա-
 ղաղուծիւնն թագաւորէր 'ի յօդս • լէպք 'ի
 միջոյ մայրեաց, հովտաց և յարտեանաց խա-
 րակաց զքաղցր ճուղղիւն և զգաշն կռինչ օ-
 դականաց՝ որ հրճուեալ զուարճանային ընդ
 գիշերոյն պայծառութիւն և ընդ մաքրութիւն
 մթնօլորտին : Շիւաղ միջատաց լտելի լինիւր 'ի
 միջոյ դալարեաց • ցոլացեալ փողփողէին աստեղք
 'ի վերին եթերին, զորոց զթրթռուն և լու-
 տաճաճանչ գունտս՝ պայծառ ցոլացուցանէին ով-
 կիանսսին կուրծք : Յառեալ յածէր Վերգինիա
 զաչս իւր ընդ լայնածաւալ և խաւարաբօղ ե-
 ղերտս նորա, զոր կրակք նաւակաց ձկնորաց
 երևելի առնէին 'ի ծոցոյ կղզւոյն : Նշմարեաց
 'ի մուտս նաւահանգստին զլոյս ինչ և զտուեր
 իմն ուղբամած • այս էր լոյս ճրագին պա-
 հակերաց և մարմինն նաւուն՝ յորում նաւար-
 կել ունէր 'ի յԵւրոպիա, և որ կնիմ և պատ-
 րաստ ելով պարզել զարմոնս իւր՝ սպասէր խա-
 րիսիս արկեալ հողմոյն փչելոյ : Զգածեալ նորա
 յայսմ տեսութենէ՝ դարձոյց զերեսս իւր առ
 'ի Պաւլոսէ զիւրն թագուցանել արտասուս :

Սակաւ մի հեռի ատի բազմէպք
 տիկինն տ'լա Դավրի և ես 'ի ներքոյ ջրախօտից •
 և լուծիւն գիշերոյն ձեռն ետ մեզ որոշակի
 ունին գնել խօտակցութեանց նոցա՝ զոր անլը-
 թար ունիմ անմուռաց :

Հաւեաց Պաւլոս զառաջինն խօսիլ ընդ նմա. “ Չուէս դու՝ ասէն ցիս՝ յետ երից աւուրց: Ա՞նչ երկնչիս ուրեմի արկանել զանձնդ՝ ի վտանգ ծովու՝ որոյ ՚ի ձայնէն և եթ զարհուրեալ զահանդիս: ” “ Պարտ է ինձ ընուլ զսարսուտութիւնն իմ, ” պատասխանեաց Վերգինիա, “ հնազանդ իմոցս ելով ծնողաց: ” “ Այլ թողուս զմեզ, ” դարձոյց Պաւլոս, “ վասն հեռաւոր ազգականի միջ՝ զոր ոչ երբէք տեսեալդ ես: ” “ Ա՞յլ աղետիցս մեծի, ” գոչեաց Վերգինիա, “ ո՞ր տայր ինձ՝ եղբայր իմ՝ վարել զաւուրս իմ աստէն առ տեղեալս. այլ զի մայրն իմ ոչ հաճի ընդ այս: Կամք հեռան է՝ ասաց խոստովանահայրն զի երթայցեմ. և զի կեանք մարդոյս փորձ իմն է միայն: ”

“ Եւ զի՞նչ ապա, ” գոչեաց Պաւլոս, “ զայսչտի պատճառանս գտանես վասն չուելոյդ, և ո՞չ զմին վասն աստէն մնալոյ: Ա՞հ, է է և այլ իմն՝ զոր ոչ յիշատակեցեր: Ա՞յլ անհնարին ձգողութեանց մամոխային, Նոյնհետայն գտցես ՚ի նոր աշխարհին՝ յոր դէմ եդեալ գնաս՝ զայլ ոք որում տացես զեղբօրն անուն, զոր ոչ ևս ընծայեացես ինձ: Ընտրեցես զեղբայրս զայս ՚ի միջոյ այնպիսեաց, որ արժանի քեզ լիցի իւրովքն ազգատոհմօք և մեծութեամբն այնուիկ՝ զոր չունիմ ես քեզ մատու-

ցանել : Այլ՝ ո՛ւր մարթացիս գտանել զեր-
 ջանկութիւն մի քան զայս ռատնագոյն : Ա՛ր ցա-
 մաք հաճոյագոյն՝ տալ քեզ կարացէ զմուա-
 ցութեամբ հարկանել զսէրն քոյ որ առ վայրն
 ծննդեանդ : Ա՛ւր գտցես զընկերութիւն մի քան
 զայս տենչալի՝ որում այսքանակ սիրելի ես դու :
 Քիտրդ բերցես կեալ առանց սովորական ողջա-
 դուրմանց մօրն քոյ : Քի՛նչ ինչ ո՛չ անցանիցէ
 ընդ նա արդէն յամս յառաջատեալ , յորժամ
 ՚ի սեղանի ո՛չ ևս զքեզ առննթեր իւր տես-
 ցէ ՚ի տան , յորժամ ՚ի գնացս՝ ո՛չ ևս հաստա-
 տեցի ՚ի քեզ : Քի՛նչ ապա հասցէ մօրն ի-
 մում՝ որ սիրէն զքեզ նովին գորովով : Քի՛նչ
 ինչ ես ՚ի մխիթար ասացից նոցա , յորժամ ըզ-
 քոյդ լացցեն հեռաւորութիւն : Ա՛չ խօսիմ ինչ
 անագորոյն՝ ո՛չ խօսիմ զինէն , այլ զի՛նչ եղե-
 ցի ինձ՝ յորժամ ընդ առաւօտս ո՛չ ևս տեսից
 զքեզ , յորժամ երեկոյն ո՛չ ևս միաւորեցէ
 զմեզ , յորժամ յառեալ ականեցից ՚ի ծառն
 գագառփի տնկեալս ՚ի ժամ ծննդեանն մերոյ՝
 ՚ի հարուտ ամանակաց հետէ և այսր վկայս
 փոխադարձ բարեկամութեան մերում : Ա՛հ ,
 փոխանակ զի՛ այլ իմն նոր վիճակ հրապուրէ
 զքեզ , փոխանակ զի՛ ՚ի խնդիր ելանես յեր-
 կիր ինչ օտար ՚ի քոյոյն այնոցիկ մեծութեանց ,
 որ չեն իմոցս աշխատանաց արդիւնք , թո՛յլ ա-
 րա ինձ ուրեմն ընկերակցիլ քեզ ՚ի նաւին՝

յոր մտանեա : Քաջալերեցից զքեզ • զօրացուցից զարուժիւն սրտի քո 'ի միջի այնց փոթորկաց՝ յորոց նա՛ն և 'ի ցամաքի խոկ զարհուրիս 'ի կատաղութենէն : Աողմնեցուցից զգլուխ քոյ 'ի վերայ լանջաց իմոց : Զեռուցից զսիրտդ 'ի վերայ իմոյն : Եւ 'ի Գաղղիա՝ ուր 'ի խնդիր գնաս մեծութեան և փառաց՝ քնդցր եղևցի ինձ կատարել զգնուածոյին զործ 'ի պաշտել զքեզ : Երանելի միայն 'ի քումդ երջանկութեան՝ գլուցեա զիս յապարանս անդ, ուր զքեզ գգուեալ և պաշտեալ տեսից, զէթ բաւականին առատ 'ի նուիրել քեզ զմեծագոյնն 'ի պատարագս՝ փըջելով զյետին շունչն իմ առ ոտս քո : ”

Սաստկութիւն յուղմանն հեղձուցիկ արար զխօսան 'ի բերանի նորա, լուաք ապա զձայն Վերգինիայ, որ հատկլեալ 'ի հեկեկանաց՝ արտասանեաց զայս բան, “ Վասն քո գնամ ես՝ եղբայր իմ՝ վասն քո՝ զոր տեսանեմ հանասրազ կորանալ ընդ ծանր աշխատանօք առ 'ի զկրկին զազկազկ ընտանիս խընամել : — Եթէ ընդգրկեմ զայս դիպող ժամս հարստանալց, է առ 'ի վճարել քեզ բիւրապատիկ ընդ ամենայն բարութեանց՝ զոր մեզ արարեր : Իցէ՞ թերեւս այլ իմն մեծութիւն արժանի քումդ բարեկամութեան : Զի՞ է զի խօսիս ընդիս զտոհմականութենէ քումմէ : Աարծե՞ս դու՝ եթէ հնար լինէր ինձ կրկին ստա-

նալ զեղբայր մի հարազատ, մարթ է՞ր ինձ զնա՝
 նախադասել քան զքեզ: Ա՞յլ, Պաւլոս Պաւլոս,
 և ևս սիրելի ես դու՛ և ևս տենչալի ես ինձ
 քան զեղբայր: Վկայ են ինձ Երկինք՝ եթէ որ-
 չափ խիտտ է ինձ հեռանալ ՚ի քէն: Օգնեան
 ինձ ուրեմն, ձեռն տուր աղաչեմ թափել կոր-
 զել զիս յայնմանէ անտի՛ զոր քան զկեանս իմ
 յարգեմ առաւել, մինչև օրհնեացեն երկինք,
 մինչև երջանիկս արասցեն զմերն միաւորութիւն:
 Այլ՝ եթէ մնայցեմ կամ երթիցեմ, կեցցեմ կամ
 մեռանիցիմ, խորհեաց զինէն զլնորդ և կամիս:
 Ա՞յլ թշուառութեանս, ատկէի հանդուրժել
 զգուանացն քոց, սակայն աղետից քոց և վշտաց
 տանել չգոմ բաւական: ”

Յայս բան գիրկս արկանէ նմա Պաւ-
 րոս, սեղմէ ՚ի վերայ լանջացն և գոչէ սաստ-
 կապէս. “Երթայց ընդ սմա՛ երթայց, և չինչ
 անշատեցէ զմեզ: ” Փութացեալ հասլ տուաք
 մեք առ նա, և տիկինն տ՛լա Դավրի ասէ ցնա.
 “Արդեանկ իմ՝ եթէ և դու գնասցես՝ զլնորդ
 կեցցուք մեք: ”

Իսկ նա զօրհալով կրկնեաց զբառսն.
 “Արդեանկ իմ — որդեանկ իմ — դու ո՞յլ մայր
 իմ, ” գոչեաց, “դու կամիս անշատել մեկ-
 նել զեղբայրն ՚ի քեռէն: ” Ի միասին սնաք եր-
 կոքինս ՚ի ծոցի քում. ՚ի միասին և ստածե-
 ցաք ՚ի վերայ ծնգաց քոց, ուտաք ՚ի քէն սի-

բեւ զմիմեանս • բիւրիցս և մեք կրկնեցաք զայս օրինակ • զիարդ ապա զնա յինէն անշատել կամիս : Յուղարկաւորես զնա յԵւրոսիա՝ ՚ի բարբարիկոն աշխարհն յայն • որ քեզ զապաստանարան իմն ՚ի տալ ապուսեաց • և առ ազգայինս՝ որ զքեզ բարձի թողի անտերուսն թողին : Ասացես թերևս ինձ՝ զի չունիմ ինչ իրաւունս ՚ի վերայ նորա • և եթէ՝ ոչ է նա քոյրն իմ : Այլ ըստ իս՝ իմ ամենայն ինչ սն է միայն • մեծութիւնն իմ • տոհմս • ընտանիքս • բարիք իմ ամենայն զսն գիտեմ միայն : Եւ չիք այլ դք : Մի էր յարկն մեր • մի և օրոցն • և մի եղիցի գերեզման : Եթէ երթայցէ • և ես հետեւեցայց նմա : Արգելցէ՞ զիս գերհապետն : Մարթէ՞ նմա արգելուլ զիս ՚ի յամալոյ զանձն իմ ՚ի ծով : Հնար է՞ նմա արգելուլ զհետեանան իմ ՚ի լող անցանելով առ նա : Ո՛չ այնքան մահառիթ ինձ ովկիսն եղիցի՝ քան որպէս ցամաք : Փոխանակ զի ո՛չ կարեմ կեալ ընդ նմա • գէթ անշնչացայց առաջի աչաց նորա • հեռի ՚ի քէն՝ ո՞վ անագորոյն մայր • ո՞վ կին անգթասէր : Իցէ՞ թէ ալիք թաւալագլոր խաղացուցանելով զգիսկունս մեր ՚ի վերայ ապառաժից ծովեզեր՝ տացեն քեզ կորստեամբ կրկնակի որդւոց զյաւերժական առիթ խայթման խղճի մտաց : ”

Յասեւ Կորա զայս գիրկս արկի նմա :
 Քանզի վհատութիւնն բարձեալ էր զբանն 'ի
 նմանէ : Բոցք անհնարինք հատանէին յաչաց նո-
 րա • մեծամեծ կայլակք քրտանց կախեալ 'ի
 վերայ դիմացն՝ ծունկքն զգողի հարկանէին •
 և սիրտն՝ անհնարին տրովիւնս արձակելով՝ բա-
 բախէր ընդ հրատապ լանջացն 'ի Ճահ :

Երկուցեալ Ալբրախիսայ 'ի ցաւոց աս-
 տի գոչէ • “ Ա՞ր եղբայրդ իմ տենչալի՞ խոտա-
 նամ այն՝ վկայ կոչեմ զգրօսանս մանկական տի-
 ոց մերոց, զվիշտս քոյ և զցաւս իմ և զամե-
 նայն որ միանգամ 'ի յաւիտեան պարաւանդել
 զերկուս վատաբաղդ էակս կարող հանդիսացին,
 զի եթէ մնայցեմ՝ կեցից և եթէ վասն քս • և
 եթէ երթայցեմ՝ գարձայց յաւուր միւում լի-
 նիլ քոյն : Վկայ եղերուք և դուք, գնք որ
 խնամեցիք զմանկութիւնն իմ, որ տրամադրէք
 զաւուրց իմոց, որ տեսանէքդ զարտասուս : Երդ-
 նում յերկինս որ լսէ ինձ, 'ի ծով զոր պիտի
 հատանեմ, և յօգս յայս զոր շնչեմ, և զոր եր-
 քէք ոչ սպականեցի ստութեամբ : ”

Որպէս կակղէ արեգ և լուծանէ ըզ-
 տառնատառոյց սար 'ի կատար Ապէնիոն²³ լե-
 րանց, սապէս և բուռն կիրք պատանւոյն տե-
 ղի տուեալ վարատեցան 'ի ձայնէ այնուրիկ՝ զոր
 սիրէին : Խոնարհեցոյց զգէմս իւր կորակներալ
 և տեղի ետ արտասուաց հեղեղաց : Գիրկս ածէ

Նմա մայր նորա՝ խառնելով զիւրն ընդ նորայն արտասուս, այլ՝ և՛ ինքն ասպարան խօսել անգամ ո՛չ զօրէ : Յնդեալ ցրուեալ որոշեալ տիկնոջն տ՛լա Դավրի՛ առէ ցիս, “ Ո՛չ ևս ասակեմ ըմբերել այսպիսեաց : Սրտաբեկ և վըշտալից՝ մերձ է ոգւոյս մեկնիլ պարզել յինէն : Անյաջող ուղևորութեանս չէ՛ ՚ի ճահ զօրանալ : Օ՛րն անդր, հաճեաց տանր զօրդին իմ՛ ՚ի տուն քո : Ո՛չ երբէք կափոյց քունն զաչս մեր յայս աւուրս ութն : ”

“ Սիրելի բարեկամ, ” ասացի ուրեմն ցՊաւլոս, “ քուրիկն քոյ կացցէ միասցէն աստէն, խօսեսցուք ՚ի վաղիւն ընդ բդեշխին : Թո՛յլ արա ուրեմն ընտանեաց քոց հանդարտիլ, և եկ զայս գիշեր առիս անցուցանել : ”

Տեղի ետ լուութեամբ տանել զինքն ՚ի բաց, և ՚ի վաղիւն՝ այն ինչ վարդագոյն արփիակն ծաւալէր ընդ երկիր՝ յարուցեալ ընդօտ և դառնայ ՚ի տուն, յետ անցուցանելոյ զգիշերն զայն աղմկայոյզ խռովութեամբ :

Այլ ընդէ՛ր երկարեցից զվէպ պատմութեանս, չի՛ք բնաւ՝ բայց եթէ մի միայն հայեցուած մարդկայինս կենաց, որ բերցէ մեզ զբերկրականն հաճութիւն ՚ի նկատելն զայն : Ըստ օրինակի գնտոյն՝ յորոյ վերայ թաւալիմք, սրնթաց ընթացքն մեր ըու և եթ զօր մի, և եթէ միոյ մասին աւուրս սյց առնէ լոյսն :

միւսոյն լինի խաւարն իշխան :

“Ո՛հ հայր իմ ,” պատասխանեցի յայնժամ , “ յանկ արս երդմնեցուցանեմ զքեզ՝ զպատմութիւնդ՝ զորոյ սկիզբն պայծառ գունեցեր : Եթէ երջանկութեանն պատկերք յոյժ հաճոյականք են , թշուառութեանն՝ տիր խըրատականք եղիցին : Ասո՛ , զի՛նչ եղև ապա թշուառական պատանւոյն : ”


Առաջին առարկայն՝ զոր ետես Պաւլոս ՚ի դարձին իւրում՝ Մարիամն էր . որ ելեալ ՚ի կատար քարաժայռի միոջ՝ յառեալ ականէր ՚ի ծովն կոյս : Ընդ տեսանելն զնա ծայնէ առ նա ՚ի հեռաստանէ . “Ո՛ր է Աերգինիա :” Դարձաւ Մարիամ ՚ի թիկունս կոյս . ետես զփոքրիկ տէրն իւր և սկսաւ լալ : Շամբշեալ Պաւլոսի յետս ընդ կրունկն խոտորեցուցանէ զգնացս իւր . վաղս առեալ հասց տայ ՚ի նաւահանգիստն : Ահա՛ անդ լուաւ եթէ ընդ մերկանալ աշալրջոց մտեալ էր Աերգինիա ՚ի նաւ . և նաւն նոյնհետոյն պարզեալ զարմիտնս հողմոյն՝ ոչ ևս նշմարիւր : Առօրին դարձ առնէ ՚ի անկադործութիւնն . առանց խօսելոյ , առանց արտասելոյ և չինչ անցանէ ընդ այն :

Թէպէտ կոյտ քարաժայռիցն որ ՚ի թիկանց մերոց գոգցես ուղղահայեաց երևին , սակայն դաւարագեղ հողաբլուրքն այնոքիկ՝ որ թարատեն զարտեանս նոցա՝ նմանին աստիճանաց :

որոց ձեռնտուութեամբն մտնի է ելանել ընդ
 դժուարակոխ ռահս 'ի կոնոնն այն կուք և ան-
 մատչելի խարակաց անուանելոց Բուժակ: Առ-
 ստորոտովք կոնոնիս է երկայնեալ զառ 'ի վայր
 երկիր ամբարձածիք ծառովք հովանաւոր, որ
 այնքան բարձր է և սեպացեալ, մինչև երևիլ
 ճաղագ ինչ 'ի յօդս սոսկալի վախիւք շրջա-
 պատեալ: Ամօք յանկուցեալք շուրջ զարտեա-
 նօք խարակացն՝ ուղերձեն զվտակս անհամարս,
 որ յանհնարին բարձրութենէ անտի ահագին
 կարկանչմամբ թնի անկանին 'ի խորխորին
 հովիտն այն յայնկոյս լերին, զի 'ի բարձուէ
 աստի ոչ կարեմք զնոցին լսել խոխոջիւն: 'Ի
 բարձանց անտի հնար է նշմարել զօգուտ մասն
 կղզւոյս դահաւանդիւքն հանդերձ, որոց շքե-
 դատանձ իմն պսակեալք են կատարք, և 'ի մի-
 ջլի սոցա զՊետրոսբաթ և զԵռասայրին՝ որոց
 դաշտք պրակօք ահաղձունք, նա՛ և մտնի է
 տեսանել անտի 'ի մի հայեցուած զովկիանն լայ-
 նածաւալ, և ևս ականել զկղզեակն Պուռպօնեան
 քառատուն հրասախաւ ձգեալ առ արևմուտս
 կոյս: Ահա՛ յարտեանէ անտի սարսուելի խարա-
 կացն պշուցեալ հայէր Պաւլոս 'ի նաւն՝ որ
 բարձեալ տանէր զԱլեքինիա, և որ տան
 փարսանգաւ արդէն հեռացեալ 'ի ծով՝ երևէր
 նման արջնաթոյր գիզոյ 'ի միջլի ովկիանին: Ան-
 ցոյց առ տեղեաւն զշատ կէսն աւուր՝ ակնապիշ

յառեալ 'ի սոյն առարկայ, որ երբ աներևոյթ լինի, տակաւին երևակերպէ Պաւլոս տեսանել զնա. և յորժամ 'ի վաղձանի հետքս այտքիկ փարագրեալք զպատկերակերպութեամբ նորա՝ անհետ լինին և չքանան 'ի թանձրախիտ մըռայլ հօրիզոնին՝ միայ յամեհի 'ի սար անդր անդադար բաղխեալ 'ի հողմոց, որ ոչ երբէք դղնան առ 'ի զկատարս կաղամբենեաց և խիժի ծառոց շարժելոյ. որոց կերկերեալ և աշխարանուագ շրշիւնն նմանօրինակ հեռաւոր ձայնից երգեհոնաց զախորժելի իմն 'ի մարդ ազգէն տխրութիւն: 'Ի սոյն իսկ վայրի գտի զՊաւլոս՝ կորացուցեալ հակեալ զգլուխն առ քարաժայռն. և զհայեցուածն երկրապիշ բերեալ 'ի յերկիր: Հետեւեալ իմ զհետ նորա ընդ մերկանալ աշալթոց՝ համոզեցի զնա ուրեմն յետ ոչ սակաւ թախանձանաց իջանել 'ի բարձրութեանց անտի և դառնալ առ իւրն ընտանիս: Ածի զնա 'ի տնկազորժութիւնն, ուր առաջին գրգիռ մտաց նորա 'ի տեսանելն զտիկինն տ'լա Դավրի՝ եր թշնամանել զնա դառնապէս 'ի սակս զինքն պատրելոյ. — Ասաց տիկինն տ'լա Դավրի զի յերրորդ պահու առաւօտուն յարուցեալ աջողակ հողմոյ՝ և նաւուն կազմ և պատրաստ ելով զիւրն պարգել թռչարան՝ գայ գեհապետն ընդհանուր պաշտօնելիք իւրովք և քսրոզչաւն հանդերձ, գայ պատգա-

ՊՅԻԼՈՍ ԵՒ ՎԵՐԳԻՆԻԱ



Դ՛ս սոյն Եսի վայրէ շտեղ զՊաւլոս՝ Էսրայու-
ցեալ հալէալ շէշուենն առ Կարթայան ։
էջ 108 ։

բակաւ միով 'ի խնդիր Վերգինիայ, և թէ՛ և չինչ ունին մատուցանելով ընդդիմութեանց և արտասուաց նորին և Մարգարիտայ, և կրկնելով թէ չու նորա լինէր վասն հասարակաց բարօրութեան՝ սուեալ 'ի բաց տարան զնա առնն օգեսպառ: “Գոնէ՞,” ասաց Պաւլոս, “եթէ տուեալ լինէի նմա զիմս հրաժեշտականն ողջոյն, թերևս հնար լինէր ինձ 'ի ժամուս եղանիլ խաղաղիկ և անդորրացեալ: Ասէի նմա, “Ո՞վ Վերգինիա, եթէ՛ մինչ 'ի միասին եղաք՝ խօսք իմն և առք ելեալ է 'ի բերանայս քեզ վշտացուցիչ, շնորհեան աղաչեմ նախ քան զթողուլդ զիս 'ի յաւիտեան:” Ասէի և ևս. “Վրասնակ զի վիճակեցայ ոչ ևս տեսնել զքեզ, ընկնով ո՞վ Վերգինիա՝ զվերջին հրաժարականն ողջոյնն իմ 'ի յաւիտեան, ողջ եր սիրելիդ իմ. կեանց հեռի յինէն շտտացեալ և երջանիկ:”

Իբրև ետես զմայրն իւր և զտիկինն տ'լա Դավրի զլալ հարկանիլ, “եթէ՛յք,” ասէ ցնոսա, “պէտք է ձեզ զարգիս զայլ ոմն գտանել առ 'ի զձերն ջնջել զարտասուս.” առաջ հրոսելով արտաքս 'ի տանէն՝ յածեցաւ ընդամենայն կողմունս տնկագործութեանն: Յածէր յաւէտ ըզձանօք 'ի վայրս յայնտիկ՝ որ յոյժ սիրայինն էին Վերգինիայ: “Ջի՞նչ խնդրէք յինէն,” ասէր այժից և ուլուց նոցին՝ որք մայելով զհետ նորա կրթէին. “ոչ ևս տես-

ջիք զնա՝ որ ձեռամբն իւրով զձեզ բուծանէր :
 “Գնաց և ևս՝ ի սարփինայն՝ ՚ի Հանգիտոն Վեր-
 գինիայ. ուր տեսանելով զԹռչունս թեւապա-
 րել շուրջ զինքեամբ՝ գոչեաց. “ ո՛վ, ո՛ ողոր-
 մելի թռչունք՝ մի՛ թռչիք ՚ի զուր, ՚ի զուր մի՛
 խնդրէք զնա՝ որ ջամբէր ձեզ զկուտ. ” և տե-
 անելով զՊիտիլէ վաղվաղել յայսկոյս և յայն-
 կոյս առ ՚ի զնա գտանել, “ Վա՛շ, ” գոչէ
 յանհնարինս յոգևոց ելանելով. “ ոչ բնաւ, ո՛չ
 ոչ տեսցես զնա միւսանգամ : ” Էրթայ ՚ի վաղ-
 ճանի և բազմի ՚ի քարաժայռին՝ ուր ՚ի նախ-
 րնթաց գիշերին խօսակցեալ էր ընդ նմա. և
 ՚ի դէմս ովկիանին՝ ուր ետես զանհետ լինիլ
 նաւուն որ տանէր զնա՝ ելաց դառնապէս :

Պահէաք անդլակի զհետոնորա՝ եր-
 կուցեալ յաղետալի իմն արկածից ՚ի սաստիկ
 յուզմանց մտացն : Մայր նորա և տիկինն տ՛լա-
 Դավրի երգմնեցուցին զնա կարի սիրապատար
 եղանակաւ, մի՛ յաւելուէ ՚ի վիշտս իւրեանց իւ-
 րոցն յուսաբեկութեամբ : ՚ի վաղճանի շողմեաց
 զմիտս նորա տիկինն տ՛լա Դավրի՝ առատապէս
 տալով նմա զայնպիսի մակադրական անուանս,
 որ տիր ՚ի ճահ յարմարեցան արծարծանել ըզ-
 յոյս նորա : Անուանեաց զնա իւրն որդեակ՝ իւրն
 սիրելի՛ որդի, զոր ընտրեալ էր վասն դստերն
 իւրոյ : Համոզեաց զնա դարձ առնել ՚ի տուն
 և առնուէ զսուն ինչ յոյն և կարշնեղութիւն :

Բազմեցաւ ուրեմն ընդ մեզ 'ի սեղանս առ ընթերս
 այնր տեղւոջ՝ զոր մանկութեանն իւրոյ ընկեր
 սովոր էր ունիլ, և որպէս թէ տակաւին ա-
 ռաշակայ՝ խօսէր ընդ նմա և առաջի արկանէր
 զայնպիսիս, զոր յաւէտ հաճոյական նմա ճանա-
 չէր, և ապա ընդոստնլով յերևակայական անըր-
 շոց աստի՝ սկտաւ զլալ հարկանիլ: Ճաստադեցաւ
 յառուս ինչ 'ի մի հաւաքել զամենայն իրս Ալբր-
 գինիայ, և ևս՝ զյերտին փուռնն ծաղկանց զոր
 կրեաց նա, և զփիճեկն գոքոյին՝ որով սովոր էր
 ըմպել, և զկնի տալոյ բիւր համբոյրս այնոցիկ
 միացորդաց բարեկամին իւրոյ՝ որ ըստ ինքեան
 և ևս պատուականագոյն գանձ զոր կարէր տալ
 աշխարհ՝ թաքոյց զայնս 'ի ծոցի իւրում: Այն
 այնքան քաղցր անուշահոտ բուրուճի սաթեն-
 ւոյ՝²⁴ որքան ինչք սիրելեաց մերոց: 'Ի Աւաղճանի
 տեսանելով եթէ անձկութիւնքն իւր և ևս
 առաւելուին զվիշտս մօրն իւրոյ և աիկնոջն
 տ'լա Գափրի, և թէ կարօտութիւն ընտանեաց
 իւրոց պէտս ունէր անդլակի աշխատութեան,
 հաւեաց ուրեմն ընդ Գոմինկոնի ձեռնամուխ
 լինիլ 'ի նորոգութիւն դարատանիս:

Զկնի տակաւուց պատանիս այս՝ որ
 մինչև ցայնժամ և չինչ տարբերիւր 'ի Արիսլաց²⁵
 նկատմամբ որ միանգամ անցանէին յաշխարհի
 ցանկացաւ ուսանիլ յինէն զարհեստն ընթեռ-
 նոյ և զգրելոյ, զի թղթակից լինիլ կարօտէ

ընդ Վերգինիայ: Եւ ևս ցանկացաւ վարժիլ յարուեստին երկրագրութեան, զի ունիցի ըզջիրդ պատկեր աշխարհին՝ յոր ելանիցէ նա, և ՚ի պատմութեան՝ զի յաշոյլեսցէ հասանել քարուց ընդակցաց նորին: Ա՛վ հզօրագոյն ազդմանց սիրոյ, որ առաջնորդելով հպատականաց նորին՝ ապաքէն հրահանգեալ էր զնա յարհեստին հողագործութեան և յօրէնս սատարելոյ զպարականոն երկիրն յօգուտ և ՚ի գերզեցկութիւն: Նա՛ և հաւանական իսկ է զի կաթոգին անրջոց սոյն իսկ անքուն և բուռն կրիցս պարտին մարդիկ ո՛չ սակաւ արուեստս և մակացութիւնս, յորոյ ՚ի գերեւանացն ծնանի իմաստասիրութիւն՝ որ հրահանգէ զմեզ ըմբերել չարեաց հպատակութեամբ: Ջայսօրինակ բընութեանն արարեալ զսէր հատարակաց իմն հանգոյց ողջին էիցս պարանօղ՝ կարգեալ է զայն իբրև նախկին հաւակ ընկերութեան մարդկան և իբրև նախկին ոտնփոխ առ գիտութիւն՝ որպէս և առ զուարճութիւն:

Ո՛չ այնքան հաճեցաւ Պաւլոս ընդ աշխարհագրութիւնն, որ փոխանակ ընդ նկարագրելոյն զանցնիւր աշխարհաց զպատմութիւն, առաջի միայն առնէր զնոցին քաղաքական սահմանացն տեսութիւն: Պատմութիւնն՝ և յաւէտ ևս արդեան պատմութիւնն առ սուն մի հաճեցուցին զֆիմս նորա: Տեսանէր ՚ի նմա

զհանրական և զպարբերական շարիս, զորոյ որիշ նշմարել զառիթն չզօրէր, մարտք աննուէրք, անհիմունք և աննպատակք / Ժողովուրդք անսկզբունք և բրինձք անագորոյնք: Անտրեր յաւէտ ընթեռնուլ զկեղծաբանութիւնս, սր գոլով առանձին զգացողութեամբք և օգտիւք մարդկան լի՝ նկարագրէր զլիւճակս կենաց նմանօրինակս իւրեանն ինքեան: Ոչինչ մտտեան այնչափ բերկրեալ հաճեցոյց զնա որպէս զՏելեմաքոս²⁶, 'ի նկարագրութեանց անտի պատկերաց տուարածական կենաց և այնպիսեաց կրից՝ որ բնական են մարդկայինս սրտի: Անթեռնոյր բարձրածայն առաջի մօրն իւրոյ և տիկնոջն տ'լա Դավրի զկտուրս առաւել ազդուականս ինքեան, և յորժամ սիրապատար յիշատակք հասեալ ներգործէին 'ի նա, հեղձուցանէին յուղմունքն զնորին բարբառ և հեղեալ կեղուին արտասուպք զլիւճն լուսոյ: Երևակայէր տեսանել 'ի Աերգինիա զհանձար Անտիոպեայ²⁷, զթշուառութիւն և զխանդաղատանս Եւխաարեայ²⁸: Յոյժ տարօրինակ զգացողութեամբք ընթեռնոյր զնորամուտ պաճուճաբանութիւնս մեր՝ զեղեալս ապերասան առածիւք և բարուք: Եւ իբրև ասէին ցնա՝ եթէ մտացածին առատկելիքօ զՃգրիտ իմն պատկեր զԵւրոպացւոցն ընկերութեան առնէին առաջի, ոչ անբանաբար զգողի հարկանէր, զի մի և Աերգինիա զեղծեալ

դինքն զմտացու թեամբ հարկանիցէ :

Ապաքէն ամ մի և կէս անցին 'ի բաց առանց ընդունելոյ տիկնոջն տ'լա Դավրի զլուրինչ 'ի դատերէն իւրմէ : Յընթացս այսչափ հարուստ ամանակաց միայն լուեալ էր երբեմն զանքոյթ ժամանմանէ Վերգինիայ 'ի Գաղղիա : Հուսկ ուրեմն նաև մի 'ի վարերն զճանապարհ Հնդկաց՝ զտեղի առեալ աստէն : Եբեր տիկնոջն տ'լա Դավրի զպատատ մի և զգիր նորին ձեռագրիծ : Թէ և բամբիշս սիրուն խնամ կալեալ էր չըվիրաւորել գրու թեամբն զզգացողութիւնս մօրն իւրոյ, կարի գիւրին էր և այնպէս նշմարել զթշուառութիւն վիճակի նորա : Այնգունակ բնաւորապէս նկարագրեալ էր քարտէսն զվիճակ նորա և զհանգամանս, մինչ զի գողցէս բառ առ բառ ունիմ զայն 'ի յիշատակի իմում :

“Տենչալի՛ Մայր իմ՝

“Չընդունելով իմ 'ի քէն զրոյց զյոգունց իմոցս ձեռագրիծ սխտակաց ուղղելոց առ քեզ՝ երկնչիմ մի՛ գուցէ չիցեն ժամանեալ առ քեզ, լաւագոյն յոյս ունիմ զայսմանէ 'ի միջնորդութեանց անտի՛ զոր կալնում յայսմ նուագի առաքել քեզ զլուր ինչ զինէն, և ակն ունիմ զպատասխանին ընդունիլ 'ի քէն : Ո՛վ, որքան առատութեամբ հեղում զարտասուս յանջատմանէ իմմէ և այսր : Ե՛ս՝ որ ոչ արտաս-

ուեցայ երբէք, բայց առ թշուառութիւնս
այլոց: Մեծ զարմանք կալան զՏօրաքոյրն իմ,
յորժամ 'ի ժամանեւ իմում հարցանելով ցիս՝
որովք կատարելութեամբք զարգացեալն էի,
ասացի ցնա զի տգէտ էիս և՛ զընթեռնոյ և՛
զգրելոյ: Եհարց ցիս ուրեմն՝ զի՞նչ ուսեալն
էի յաշխարհ եկելոյս հետէ, և իբրև պատաս-
խանեցի նմա եթէ՛ հրահանգեցայ 'ի խնամատա-
րութիւն տնունի գործառնութեանց և 'ի կա-
մաց քոց հպատակութիւն, ուրեմն մակացեալ
ես՝ ասէ ինձ՝ 'ի ծառայականն հրահանգութիւն:
Յաւուրն երկրորդի տեղադրեաց զիս 'ի մեծի
աբբայութեան միաջ առ Փարիսիւ, ուր ունիմ
ես զամենայն ազգս վարժապետաց, որք ուսու-
ցանեն ինձ 'ի միջոյ այլոց զպատմութիւն, երկ-
րադրութիւն, քերդողութիւն, ուսումնականու-
թիւն և զհեծելութիւն: Այլ զի ընդունակու-
թիւն իմ այնչտի նուազ է առ տյնպիտի մակա-
ցութիւնս, զի կարի տակաւս յառաջանամ առ
վարժապետօք իմովք:

“Զիարդ և իցէ՛ խնամք հօրաքեռն
իմոյ ոչ երբէք նուազին առ ինև: Յամէն ե-
ղանակս տարւոյն զգեցուցանէ ինձ զնորանորս
և կարգեալ է՝ ասէ՛ զկրկին նաթիշտս յիմ 'ի սպա-
սահարկութիւն, երկաքանջիւրքն ևս զարդարեալ
ազնուական տիկնաց պէս: Ընծայեաց ինձ ըզ-
տիտլոս կոմսուհոյ, սակայն պարտաւորէ զիս

Տրածեշտ առնուլ յանուանէս տ'լա Դավր, որ այնքան քաղցր է ինձ՝ որչափ և քեզ 'ի պատճառս այն ամենայն տառապանաց, որում հայրն իմ բերեաց ժուժկալել առ 'ի ամուսնանալ ընդ քեզ: Հաստատեաց անդրէն և զանունն քո 'ի քոյ ընտանիս, որ և ս քնոցր է ինձ, զի 'ի մանկութենէ հետէ կրեող զայն անուն: Տեանելով զիս յայտիտում շքեղապանծ վիճակի, աղաչեցի զնա թոյլ առնել ինձ առաքել քեզ զօճան ինչ: Այլ՝ զի՛արդ երկրորդեցից զպատասխանին նորա: Սակայն ուսուցեր ինձ չծածկել երբէք զճշմարտութիւնն: Ասաց ինձ ուրեմն՝ եթէ սունն առ չինչ պիտանասցի քեզ, և շատն միայն արգել անկանիցի անխառունակն քոց կենաց:

“ Պէտ յանձին կալայ՝ ընդ ժամանելն իմ յղել քեզ զինէն զլուր ինչ՝ այլոցն ձեռամբ, այլ չգտանելով աստէն զոք առ 'ի հաւատո նմա ընծայել, վարեցի զամէն տիւ և զգիշերն իմ յընթերցուածս և 'ի գրականութիւն, և երկինք՝ որ քաջ տեսանէին զիմն շարժառիթ՝ անշուշտ զօրավիզ եղեն ինձ յիմ 'ի ջանս, այնու զի՛ զերկաքանչիւրն իսկ շահեցայ 'ի սակաւ աւուրս: Աւատացի ես զառաջին նամակս իմ բամբշաց ոմանց՝ որ կարի քաջ յիրաւեցուցին զնոսա հօրաբերուն իմոյ: Իսկ յայտմ նուազի վստահանամ յաշակերտակիցն իմ և 'ի բաւ

րեկամ՝ զորոյ զհասցէն ասան առաքեմ • որոյ նպատիւք ակն ունիմ ընթեռնուլ զձերն զպատասխանի : Հօրաքոյրս ոչ ներէ ինձ ունիլ զհաղորդակցութիւն ինչ, որ թերևս խնայ անկանիցի՝ ասէ՝ մեծի նպատակին զոր ունի առ իմօ օգուտ : Ձիք դք որ կարէ մտանել առ իս ՚ի վանդակապատն, քան միայն ինքն և ազնուականն ոմն հինաւուրց իւրն բարեկամ • որ թուի թէ յոյժ հաճեալ է ընդ իս : Սակայն ես չեմ յիրաւի զայսօրինակ ընդ նմա, և ոչ իսկ լինէի, եթէ գոյր հնար հանձն լինիլ ինձ ընդ ումք ՚ի ժամուս :

“ Բնակիմ ես ՚ի միջի առատութեան և չունիմ զլիրայ մի ՚ի տնօրէնութեան իմում : Ասեն զի յանգէսս ՚ի գործ արկից զգրամս, ո՞վ գեղեցիկ պատճառաբանութեանցս : Նա՛ և արկանելիքս իսկ պատկանին իմոց նաժտաց, որք հիւճեն ընդ իս նախ քան զմերկանալն ՚ի յանձնէս : Ի գիրկս փարթամութեան և ևս անքատ եմ ես քան յորժամ ընդ ձեզն էի, վասն զի և չինչ ունիմ ընձեռելոյ : Իբրև գիտացի զի հոյակապ կատարելութիւնքն՝ զոր ինձ ուսուցին՝ ոչ ուժէր աջողել վասն իմ զկարողութիւն և սուն բարեգործութեանց, ապաւինեցայ յասեղնիմ, զորոյ՝ առ բարեբառութեան իմոյ՝ ՚ի ճանճ ուսուցեր ինձ զգործածութիւն : Առաքեմ սովաւ զպէսպէս զոյգս գուլպայից վասն քո և

մայր Մարգարտին : զգլխարկ մի Դոմինկոնին և զատրագոյն թաշկինակ մի վասն Մարիամու : Եւ ևս յուղարկեմ այսու պատատիւ զթինս և ըզսերմանիս ազգի ազգի պտղոց՝ զոր քաղեցի յանդաստանաց : 'Ի մարգս այսր աշխարհի առաւել զեղեցիկ ծաղկունք գտանին քան 'ի մերն : սակայն ոչ ոք խնամ տանի նոցա : Ոչինչ երկունսամ զի դու և մայրիկն իմ Մարգարիտ լաւ ևս հաճեցիք ընդ այս պարկս սերմանեաց , քան ընդ պայուսակն լի մարչլովք՝ որ էր սրտաւառ մերոյս անշատման և իմոցս արտասուաց : Ոչ սակաւ բերկրու թիւն եղիցի ինձ , յորժամ տեսանիցէք զինձորենիս ուռճանալ առ շլախոտիւք , և զկնձնիս խառնեալ պսակել զգագառփիս սաղարթիւք իւրեանց : Թերևս երևակերպիցէք փոխադրեալ 'ի Նորմանիա՝ 'ի սիրայինն ձեր վայր :

“ Խնդրեցեր յինէն պատմել և՛ զուրախութիւն և՛ զտրտմութիւնն իմ : Չիք ինձ ուրախութիւն տարակաց 'ի ձէնջ : Իսկ զտրտմութիւնս դալակեմ զնստուցանել զմտաւ ածելով՝ եթէ այս է վիճակն այն : յոր կամաւ Տեառն հաստատեցիք զիս : Այլ որ յաւէտ վըտտացուցանէն զիս այս է , զի չիք ոք որ խօսիցի ինձ զձէնջ , և ես ոչ կարեմ ինձէն խօսիլ զձէնջ ընդ ումեք : Նաժիշտք իմ , կամ լաւ ևս ասել՝ հօբաբեռն իմոյ , վասն զի յաւէտ նմա անկանին քան թէ ինձ , ասցին ինձ յան-

ցերում առուր՝ յորժամ կամէի շրջել զխօսանս
 'ի վերայ առարկայից ինձ և ևս սիրելեացս
 “ Յիշեան տիրուհի՛ զի Գաղղիացի ես դու, և
 պիտի քեզ զմուսացութեամբ հարկանել զեր-
 կիրն զայն բարբարիկոն: ” Աս ինձ. շատ շոտ
 կարացից զմուսացութեամբ հարկանել զիս ինքն՝
 քան եթէ զվայրն որ ետ ինձ զարև, և ուր
 դուքդ բնակիք: Է՛, է՛, այս է՛ երկիրն այն՝ որ
 յաւէտ ինձ խժական երևի, վասն զի կեամ ա-
 ռանձին, և չիք ոք ատէն՝ որում հաղորդել
 կարացից զայն ամենայն խանդաղտտական զգացո-
 ղութիւնս իմ առ ձեզ՝ զոր տարայց ընդիս 'ի
 գերեզման:

ՎԵՐԳԻՆԻԱ ՏՆԱԴԱՎՐ:

“ 'ի շնորհս ձեր ապագարեմ ըզ-
 Մարիամ և զԴովնկոն, որ ինամ տարան ման-
 կութեանն իմում, Փայտայեցէք ընդ իմ զՊի-
 տիլէ՛ որ եգիտ զիս 'ի ճաղագին: ”

Հիացաւ յապուշ հարաւ նյլ յայլմէ
 եղև Պաւլոս, այնու զի ոչ էր վերգինիա ասա-
 ցեալ և զբառ մի զինքեհնէն. մինչ զի չէր 'ի
 մուսացոնս արկեալ և զտան շունն: Այլ անգէտ
 էր Պաւլոս՝ զի որչափ ընդերկար և եղևցի
 քարտէսն կանանց, կարգեն նոքա զգագոողու-
 թիւնս յաւէտ սիրելիս ինքեանց՝ ցանկ 'ի կա-
 տարած նամակին:

'Ի յաւելլուած նամակին 'ի խնամն Պաւլոսին յանձն առնէր Վերգինիա զկրկին տեսակս սերմանեաց, զմանիշակի և զզկարխասին, յաւել ևս հրահանգել զնա 'ի վերայ բնութեան տնկոցն և ցուցանել զվայրս գիպուկս առ մշակութիւն նոցա: "Առաջինն," ասէր, "ծնանի զփոքրիկ ծաղիկ լրթագոյն, որ սիրէ զողիւ ընդ մացառօք, այլ փութով գտանեն զնա մարդիկ յանուշահոտ բուրմանց նորա:" Խնդրեաց ուրեմն զի զսերմանիս նորա արկցէ յեզերս վտակին, առ ստորատուք գագառփոյն իւրոյ: "Ջկարխասն," յաւել ասել, "արտադրէ զգեղեցիկ ծաղիկ շլագոյն, երեսն սեաւ՝ սպիտակ գունով կիտուածազարդ: Վարժեցես թերևս սզագղեաց զնա, վանն որոյ և կոչի այրի ծաղիկ: Հաճի սա 'ի ցրտագին վայրս բաղիւիլ ընդ հողմոց:" Աղաչեաց սերմանել զայն 'ի քարաժայռին՝ ուր խօսեցաւ ընդ նմա 'ի վերջնում նուագի, և զի առ շնորհուկս իւր անուանեացէ զայն Ժայռ հրաժարական:

Արկեալ էր զսերմանիսն 'ի փոքրիկ պարկ մի՝ որոյ գիպակն այն անարուեստ, սակայն տիր թանգարական եղև Պաւլոսի, յորժամ նըշմարեաց զՊ, և Վ, 'ի միասին անկեալ 'ի վերայ նորա, և գիտաց եթէ գեղեցիկ հերքն որով նկարագիրքն էին հիւսեալ, էին հերք Վերգինիայ:

Գերդաստանն ողջոյն ունինդիր եղև արտասուօք վերծանութեան սիրային և առաքինացարդ բամբշիս թղթոյն : Այսմ պատասխանի արար մայր նորա յանուն փոքրիկ ընկերութեանն . և խրատ ետ՝ զի զիւրդ և հաճոյ թուցի ինքեան , կամ մնացէ անդէն՝ կամ զիւրն արասցէ զդարձ . հաւատտելով նմա՝ զի յաւուրց անտի մեկնելոյ իւրոյ խոյս տուեալ զերդեւալէր երջանկութիւնն՝ ի յարկաց իւրեանց . իսկ ինքն անմխիթար մնայր անտիփելի :

Գրեաց և Պաւլոս զընդերկար իմն թուղթ . յորում հաւատեաց նմա եթէ կարգաւորէր զգարաստն ըստ հաճոյս քմաց նորա : և խառնէր ՚ի միասին զտունկս Եւրոպայ ընդորս Ափրիկէինն : Առաքեաց և զսակաւ պտուղս գազառօնեաց աղբերականն , որք արդէն հասեալ էին ՚ի չափ հասունութեան , ցուցանելով նմա՝ եթէ ոչ զսյլ յաւելոյր սերմանիս կղզոյն , զի անձուկն տեսանելոյ միւսանգամ զբերս զայտոսիկ՝ հինինեցէ զդարձ նորա : Երդմնեցոյց ընա առանց յապաղման զիջանիլ ըրձակաթ տենչմուսց համայն ընտանեացն , և մանաւանդ իւրումն ինքեան , այնու զի ոչ ևս ատիկէր ժուժկալել ցաւոց անշատութեանն իւրեանց :

Խնամ մեծ կալաւ Պաւլոս ՚ի սերմանել զսերմանիսն Եւրոպայ , և յաւետ ևս զմանուշակն և զկաբխաս , որոց ծաղիկ գոգցեա

զնմանութիւն ինչ բերէր հանգամանաց և վի-
ճակին Վերգինիայ գովողին իւրեանց, այլ
կամ քնասեալ 'ի ճանապարհին՝ և կամ ներհա-
կան ելով հող այնր մասին Ափրիկէի զարգացման
նոցա՝ կարի սակաւք ծաղկեցան և ոչ մին զար-
գացաւ :

Սովին ժամանակաւ յաջադիտոտ Լիւքն՝
որ միշտ հետամուտ երջանկութեան մարդկան՝
սիռեաց տարածեաց զլուրս 'ի կղզեոջն, որ մեծ
զբմբաղ ծնուցին Պաւլոսի : Նոքա՝ որ ածին
զբարտէս Վերգինիայ՝ պնտէին եթէ ընդհուպ
ունէր նա արկանել զանձն ընդ որդեծին ծա-
ռայութեանն լծով, անուանեցին ևս զազնուա-
կան ոմն առ գրան՝ ընդ ում կամէր նա զու-
գակցիլ : Նա՝ զի և ոմանք իսկ հաստատէին
զամուսնութիւնն, որում զինքեանս մատուցանէ-
ին վկայս : Ջառաջինն անգոմնեաց Պաւլոս զայս
հռչակ ածեալ 'ի միոյ 'ի շահալաճառ նա-
ւաց անտի՝ որ սիրեն յաճախ զստերիւր լուրս
առ ճանապարհաւն իւրեանց, սակայն չարախ-
տալարք ոմանք դարովելի կարեկցութեամբք իւ-
րեանց՝ ազդեցին նմա հաւատս ընծայել անա-
գորոյն համբաւոյս : Եւ այս զի՝ նորաընթերց
առասպելիքն ցուցեալ ևս էին նմա, եթէ գր-
թողութիւնն 'ի կիր արկանի և 'ի նիւթ զուար-
ճութեան, և զի՝ զմատեանս զայստիկ ջիւղ-
իմն պատկեր Եւրոպազանցն գրէր բարուց, իսի-

Թայր մի՛ գուցէ և Վերգինիայն սիրտ ուրուացեալ՝ զմոռացութեամբ հարկանէր զնախկին իւր խոստումն: Ջայս օրինակ գիտութիւն նորս միայն սխտանացաւ ձեռն տալ թշուառութեան նորուն, և որ և ևս յաւելլ 'ի կասկածանս նորա՝ էր զի նաւք ոչ սակաւք ժամանեալ յերասրայ յընթացս վեց ամսոցս՝ և ոչ մին էած զնոր զրոյց ինչ 'ի Վերգինիայ:

Վատաբաղջ պատանիս՝ զորոյ զսիրտն ցելատէին յուղմունք անագորոյնք՝ յաճախ յայց ելանէր ինձ, որպէս զի ակահութիւնքն իմ 'ի փորձս աշխարհի կամ զօրացուցեն և կամ վարատեալ փարատեցեն զվիշտս անձկութեանն իւրոյ:

Բնակիմ ես՝ որպէս արդէն ատացիս՝ փարտանգաւ և կիտուլ չափ հեռի ատտի, յերս փոքրիկ գետակի միոջ՝ որ սուրեալ խաղայ քերեւոյլ առ զառ 'ի վայր լերամբն, սնագանօր անցուցանեմ զաւուրս իմ անկին, անզաւակ, անստանկ:

Ջկնի վայելելոյ և կորուսանելոյ զհնաշխարհիկ երանութիւնն վարելոյ զկեանս համաբուն մտօք, նիազ աղետալի վիճակ կենացն մարդոյ է առանձնականն: Վարեոր իմն է նրկատել՝ զի ամենայն ազգք թշուառացեալք քաղաքական գիտմամբք իւրեանց, բարուք և կամ օրինօք կառավարութեան, ունին զանհամար

դասս քաղաքացեաց գլխովին անձամասն եղե-
լոց առանձնութեան և վիճակին սմուրեաց :
Չայս օրինակ եղեն եգիպտոսմինք 'ի կործան-
ման և Հելլենացիք ստորին ինքնակալութեան, և
սոյն հանգուակ յաւուրս մեր են Հնգիկք, Սի-
նէացիք, արդեան Հելլենք, Իտալացիք և շատ
կէսն արևելական և հարաւային ազանց Եւրոպայ :

Չայս օրինակ և ես անցուցանեմ
զաւուրս իմ հեռի 'ի մարդկանէ՝ որոց գեղձայի
սոլասահարկել, այլ զի հալածեցին զիս : Ան-
ցեալ իմ ուղեգնացութեամբ ընդ ոչ սակաւ
երկիրս Եւրոպայ և ընդ մասն ինչ Ամերիկայ
և Ափրիկոյ՝ հարի 'ի վաղձանի զխորանն իմ
յայս ամայաբնակ կղզի, յանկուցեալ ձգեալ 'ի
քաղցր բարեխառնութենէ և յառանձնութենէ
նորա : Խրճիթ մի 'ի ճաղագին կերտեալ
յունչս ծառոյ միոջ, փոքրիկ պարտէղ մի՝ զոր
հերկեմ ձեռօք իմովք, և գետակ մի՝ որ սողոս-
կի առ դրան իմում, հերիք են կարեաց և զուար-
ձութեան իմոյ, խառնեմ ընդ ստա և զզուար-
ձութիւնս ոմանց ընտրելական մատենից, որ
ուսուցանեն ինձ 'ի լաւ անդր յառաջել : Ըն-
ծայէն ինձ զաշխարհն՝ զոր բարձի թողի լքի՝
սակաւին սատար իմումս բերկրութեան, Յան-
դիման առնեն ինձ զպատկերս կրից այնոցիկ, որ
զբնակիչս նորա առնեն չուսուական, և կշու-
թիւնն՝ զոր առնեմ ընդ մէջ վիճակի նոցա

և ընդ իմ՝ տայ ինձ զգալ զսպուտական իմն
բերկրութիւնն : Նման նմա՝ զոր նաւաբեկու-
թիւնն ձգեալ հանէ՝ ՚ի վերայ քարածայռի
միոջ՝ նկատեմ յառանձնութեան իմում զմրրիկն,
որ վանդեալ փոթորիկէն զաշխարհ ամենայն .
և հանգիտոն իմ և ևս անդորրանայ ՚ի հեռա-
ւոր դանդիւն փոթորիկն : Ներեմ ես յանդորրու
հանել զիս ընդ հոտանս ամանակին՝ ՚ի համա-
տարած ծովն ազադայութեան . և մինչ ակա-
նեմ յարդեան համածայնութիւնն բնութեան,
համբառնայ ոգիս առ ծայրագոյն Արարիչն
իւր և յուսացուցանէ զիս առ երջանիկ վե-
ճակն հանդերձեալ ՚ի միւսում կենդանու-
թեան :

Թէպէտ և չգայ յերևան խրճիթն
առանձնութեան իմոյ կառուցեալ ՚ի ճաղագին
՚ի միջն այլոց յոչնապիտի առարկայից՝ զոր սարս
այս ցուցանէ՝ սակայն բնակութեան իմոյ վայրն
յստուկ գեղեցիկ ընծայի թերևս նմա, որ ինձ
նման առաւել քաղցրանայ ընդ շրջանակ մի
առտնին տեսեան՝ քան ընդ ճոխ և լայնածա-
ւալ տեսարանն : Հեղեղատն՝ որ սորեալ քերէ
առ դրամբ իմով՝ անցանէ անխոտոր ընդ մայրիս
և երևի հանդոյն երկայն նեղուցի բիւրազգի
տնկովք հովանաւոր : Սեատես ամբբաւենիք,
շլորենիք՝ զոր մեք նեղատերև գողոնիս անուա-
նեմք, ձիթենիք, կուէժենիք և կինամոմնիք ա-

ճաղեալ ուռճանան, մինչ զի յայլ կողմունս արմաւենիք համբարձեալ զհոլանի սիւնա իւրեանց առաւել քան զհարիւր ոտնաչափ 'ի վեր՝ պճնաղարդեալ փնջացեալ տերեւովք 'ի կատար՝ մակ անցեալ 'ի վերայ մայրեաց որպէս ճաղագ մի բարդեալ 'ի վերայ միւսոյն : Մամրիչք բազմերփեան տալարթագեղք՝ կըռուեալ խառնելով ընդ մայրեաց կազմակերպէն զճաղկազգեստ կամարակապս և զգարնանագեղ ամպհոլանիս, շտո կէտն տնկոցս բուրէն զհոտ անուշից այնքան զօրաւոր, մինչև արկանելեաց անտառապնաց ուղեորին սլարհել ցհարուստ ժամս զբաղցր անուշահոտութիւնսն : 'ի ժամանակս շուայլաբարոյ ծննդեան ծաղկանց տունկքս այսոքիկ ձիւնացեալ երևին :

Առ 'ի յելլ ամառան բիւրազգի թռչունք տարաշխարհիկք մղեալք յանթարդմանելի իմն ազդեցութենէ՝ փութան աճապարեն յանծանօթ կլեմաց, և անցանէն ընդ անհունն ովկիանոս առ 'ի հաւաքել զառատ հատս կղզւոյս, սրայծառութիւն թևատարած փետրոց նոցա դիմադրի ծառոց թխացելոց 'ի զօրութենէ արփւոյն :

Տնունի բնակիչք անտառաց մերոց ապուղնեայք զբօսնուն 'ի վերայ մթար ոտոց ծառոց, գորշ և կանաչանման մորթ նոցա և արջնաթոյր տեսին զնոսա ցուցանեն : Ե՛ն՝ որ

ձեռակախ լինին կշռելով զինքեանս 'ի յօղոս
 և այլ՝ օտանին յոտոց յօտս՝ զիւրեանցն ողն-
 բարձ ունելով զկորիւնս: Սպանակ ատրաճանն
 ոչ շրտոյց զայսօտիկ խազաղ զորդիս բնութեան:
 Դայլայլիկք անհամար թռչնոց հարաւոյ անծա-
 նօթ՝ գան երբեմն 'ի հեռատանէ, լսելի ե-
 ղեալ յարձագանգաց անտառին: Գետն՝ սր սրն-
 թաց փրփրածին գդչմամբ ընթանայ 'ի վերայ
 ատառածից՝ ուրուացուցանէ 'ի վերայ մակե-
 րեութի ականակիտ ջրոյն զբիւրազգի ծառոց
 զյաղթյաղթ պատկերս և զզբօսանս երջանիկ
 բնակչաց նորա: Անդուստ հազար ռոնաչափ 'ի
 խոր զինքն գահավէժ առնէ գետն ընդ շիղջ
 ատառածից, և 'ի գահավիժութեան անդ իւ-
 րում ձեացուցանէ զժողով ինչ ջուրց՝ պայծառ
 որպէս զվանակն, որ և այնպէս փրփրալից մկա-
 նամբք խորտակի առ ստորոտովք: Բիւրաւոր խառ-
 նափնդոր ձայնք ելանեն յաղխատրոյղ ջրոց ան-
 տի, որք ամփոփեալ փսղեալ 'ի հողմոց անտա-
 ռին՝ է՛ զի սուզանին և է՛ զի ուռուցեալ ար-
 ձակեն զկորին իմն ձայն նման զանգակազանջու-
 թեանց եպիսկոպոսարանի: Օդն՝ յար նորացեալ
 ջրջանառութեամբ ջրոյն՝ հովահարէ զթումբս
 գետոյն 'ի զով անուշակ, և թողու զհետս ինչ
 դալարութեան և 'ի տապ ամառան՝ հազիւ երե-
 եալ 'ի կղզի արտ և 'ի կատար խակ վերանց:

'Ի տեղւոյն աստի յայմանէ սակաւ

մի հեռի կանգնի քարաժայռ մի՛ հերկք տա-
 րակաց՝ ի սահանացն առ ՚ի արգելանել զխլա-
 նալ լտարմաց ՚ի շառաչմանէ շուրցն, և հե-
 րկք մերձակաց նմին առ ՚ի վայելել զտեսու-
 թիւն նորա և զովուժիւն և զլեօտն ջանս նորին :
 Անդ ուրեմն ակմբէաք ՚ի սոթաժամու ամա-
 ռան ակիկինն տըլ Գալրի, Սարգարիտ, Աեր-
 գինիա, Պաւլոս և ես, և ընդ հովանեաւ ժայ-
 ուին երախանս կայմէաք : Աերգինիա՛ որոյ գործն
 ընտելացեալ յաւերժ առ այլոցն բարուժիւն՝
 ոչ երբէք ճաշակէր զպտուղ ինչ առանց անկե-
 լոյ զտերմ կամ զթինս նոցա յերկիր : “ Ծնցին, ”
 ասէր, “ ծառք ՚ի պտղոց աստի՛ որ ընծայա-
 բեր եղիցին արգասեօք ուղեօրի ուրեմն կամ
 գէթ հաւուց : ” Յաւուր միում ուտելով փոք-
 րասելս՝ ՚ի ստորոտս խարակին անկեաց զտերմա-
 նիս նորա : Զկնի տակաւուց ելին ծաղեցան աս-
 տի փոքրասելսնիք յովք, որոց մինն արտա-
 դրեաց և զպտուղ : Ծառս այս՝ որ ՚ի ժամ չուոյ
 Աերգինիայ ծայթ մի և եթ ամբարձեալ էր
 ՚ի գետնոյն՝ զշոյտ և զարագահաս ունելով զա-
 ճումն, շահեցաւ յերկուս ամս զքսան ոտնա-
 չաի բարձրուժիւն, պսակեալ շրջապատեալ
 առ բնիւ խաւ ՚ի խաւ վականակ պտղոց : Քաղց-
 րանայր Պաւլոսի ՚ի շուրջ յածինն առ վայ-
 րօքս տեսանել զվերամբարձ ծառս ծնեալս
 ՚ի չինչ սերմանէն՝ զոր անկեաց բարեկամն իւր

սիրուն, բայց 'ի նոյն և տեղի տայր շարժումն խորին թախծութեանց՝ ընդ այս հաւաստութիւն ընդերկար բացակայութեան նորա: Առարկայք այնպիսի՝ զոր սովորաբար նկատեմք միշտ՝ ո՛չ աղգեսն 'ի մեզ զսրբն թացութիւն կենաց մերոց, ընդ մեզ պակասին և այնք անզգալաբար, սակայն նոքա՝ յորոց 'ի տեսութենէն զրկիմք առ ամս ինչ՝ ուժգին տպաւորեն 'ի մեզ 'ի կրկին տեսութեան անգր զսրբն թացութիւնն՝ որով խոյս տուեալ թռչին ընթացք կենացն մերոց: Ո՛չ նուազ շմորիկ զգածէր Պաւլոս ընդ տեսիլ վերըմբերծիկ ծառոյս փոքրասեխի ահաղձելոյն պտղովք, քան թէ ուղեգնաց ոք յետ երկարամնակեայ բացակայութեան շուարի 'ի դարձին իւրում գտանել ո՛չ զժամանակակիցս իւր՝ այլ զզածածս նոցա, զորս թողեալ էր ստնդիացիս, և որք ահա եղեալ են հարք զաւակաց: Վամէր երբեմն Պաւլոս զմտաւ ածէր ընդ երկիր տաղտապարել զծառն՝ որ այնքան ուժգնակի յիշեցուցանէր զիսոլական պատկեր այնչափ ընդերկար ամանակին տաճելոյ 'ի մեկնելոյ հետէ Վերգինիայ: Եւ այնպէս խորհելով զնա որպէս զյիշատակարան իմն բարեգործութեանց նորին՝ մատուցանէր արմին նորա զբիւրաւոր զհամբոյրս, և դարձուցեալ զբանս իւր առ նա՝ իսոյէր ընդ նմա տիր գորովագութ վշտանօք, նա՛ աւանիկ՝ ես

ինքնս առաւել զգացմամբ և առաւել յարգու-
նօք ականեալ եմ 'ի նա՝ քան 'ի յալթանակա-
կան կամարս Հռովմուլեան քաղաքին :

Աներկեան էի միշտ ընդ փոքրասե-
խներեալս գտանել զՊաւլոս 'ի գալ նորա առ
մեզ : Եւաուր միում իբրև տեսի զնա ընկզմեալ 'ի
խորին թախծութիւն : Ճապաղեցայ ընդ նմա 'ի
զրուցատրութիւն իմն : զոր պատմեցից քեզ՝ ե-
թէ ոչ 'ի տաղտուկս վարեմ երկայն զարտու-
ղութեամբ իմով : Թերևս ներելի ծաղկեալ ա-
լեաց իմոց՝ Թերևս և վերջին բարեկամու-
թեանցս :

ՊԱԻԼՈՍ : ՎՏատիմ ես : սրտաբեկու-
թիւնն տիրէ ինձ : Դուստրն տ'լա Դավրի այս
երեք և կէս ամբ են զի հեռացեալ մեկնեալ
վերջացեալ է 'ի մէնջ : և այս զի՝ անցին ա-
սպքէն ամ մի և -կէս զի չեմք ընկալեալ և
չինչ լուր 'ի նմանէ : Ինքն փարթամ և ես եմ
անքատ : անշուշտ զմոռացութեամբ հարկանիցէ
զիս : Սիրտ իմ վկայէ ինձ բերել անցանել
'ի Գաղղիա : ստացայց անդրէն զմեծութիւնն
զայն բաղձալի իմումս սրտի : և մեծ հօրաքօյր
դատերն տ'լա Դավրի տացէ զդուստր եղբօրն
իւրոյ ինձ 'ի կնութիւն : յորժամ եղէց ես մեծ
ոմն իշխան :

ԾԵՆՈՒՆԻ : Ի՞նչ ասպքէն պատմեցեր ինձ՝
բարեկամ՝ զաննշան տոհմականութենէ քու մէջ :

Պ. — Եւ կարի՛ քաջ յիրաւի • զայս օրի-
նակ խոստացաւ և ինձ մայրն իմ • իսկ որչափ
առ-իս՝ չատիկեմ ես երբէք՝ ի գիտութիւն բա-
ռիս տոհմ : Եւ ոչ իսկ հասանեմ թերութեանն
իմում՝ ի նմին քան զայլս, կամ առաւելութեան
ուրուք՝ ի նմին քան զիս :

Ծ. — Նխազութիւնն՝ ի տոհմականու-
թեան՝ արդեամբք մերժեսցէ զքեզ ի Գաղ-
ղիա՝ ի հոյակապ գործունէութեանց, և ևս՝ զի
չինչ նշանաւոր ձանձիր թողցէ քեզ զմուտ :

Պ. — Եթէ՛ ո՛րչ սասցեր ինձ յաճախակի •
զի և մին՝ ի յես սլանձագոյն հաւակաց արդենի
մեծութեանն Գաղղիոյ, է՛ զի սինքլոր հլուլք
ամբառնան՝ ի բարձրագոյնն աշտիճան իշխանու-
թեան, և զի ո՛րչ ածեր ինձ զհանդէս յոգունց
սիրալուր անձանց, որ՝ ի ճարգն համբարձեալ
աստիճանէն՝ և ևս պատկեալ են զփառս հայրե-
նեաց իւրեանց : Արդե՛րք կնատել կամիս զար-
ւութիւնն իմ :

Ծ. — Քան սրդեակ իմ, ոչինչ հեռի են
՝ ի խորհրդոց իմոց, զանշուշտն ասացի քեզ,
այլ զի անցելոցն էին այնք պատմութիւն : Զար-
դիս դէմք իրակութեանց՝ ի Գաղղիա խժբը-
ծեալ են յոյժ, ամենայն ինչ զարդիս երիկայ-
ին են անդէն, ամենայն ժառանգութեամբ ըս-
տացուած են տակաւաւոր գերդաստանաց կամ
պաշտեալ ՝ ի մէջ բաղակցեալ զահմութեանց :

Թագաւորն է լուսաւոր իմն շուրջ պատեալ 'ի սինկլիտիկոսաց և յայլոց յագնախումբ որեանց հանգոյն այնքանից ամպոց . և գողցէս անհնարին եղևցի զի մին 'ի ճառագայթից նորա անկցի 'ի վերայ քո : 'ի բարեբաստութեան ամն յառաջին' 'ի ղեկավարութեան իմիք ոչ այսչափ խոնեալ : զայս օրինակ երևոյթք տեսակաւորէին : Յայնժամ բնական ծիրք և արժանաւորութիւնք յամէն կողմանց սարգեալ երևութանային ըստ օրինակի նորամաքուր գալար երկրի : որ արգասաւոր լինի համայն բարգաւաճ լիւթովք իւրովք : Այլ զի յոյժ նուազ են բարգաւաճանուն քաջեան արք' որ ճանաչեն ըզմարդիկ և գիտեն զընտրութիւն առնել 'ի միջի նոցա : Թագակալք առ հասարակ մասնեն զանծինս 'ի թիւրութիւն սինկլիտոսաց և միաբանութեանն' շուրջ պատեալ զգահիւք նոցա :

Պ : — Սակայն յորդորիմ գտանել զմին 'ի յորերոյ անտի : որ թիկունս տայցէ ինձ :

Ծ : — Զհովանաւորութիւն քաջազանց գնեցցես թերևս սպաս հարկանելով փառամոլութեան նոցա և կամ հաճութեանն : Ո՛չ քեզ այս աշողեսցի բնաւ յապատոհմականութենէ քումմէ : և զի սուրբ է ամբծութիւնն քոյ :

Պ : — Այլ ես այնպէս քաջ իրողեցից զգործս իմ : այնպէս անխախտ կացից յուստին իմում : այնպէս զգուշեալ լելից զհարկ

պաշտօնին իմոյ • այնպէս փուլթաշան և անվը-
կանդ 'ի բարեկամութեանս, զի արժանի որ-
դեգրութեան զանձնս ընծայեցուցանել զէթ ու-
մեմն 'ի նոցանէ • այնու զի զսայս գտի պայման
'ի պատմութեան անդ նախնեաց՝ զոր ետուր
ինձ ընթեռնուլ :

Ծ : — Վճշ, սիրելիդ իմ • 'ի մէջ Յու-
նաց և Հռովմայեցւոց և ևս 'ի վերջին դարու,
այո՛ յարգէին պատրիկք զառաքինութիւնն միշտ •
անշուշտ ելին ծագեցան և յոգունք աշխարհա-
նազ արք ամենազանք սոսկ 'ի ռամկականաց •
սակայն չգտանեմ և ոչ զմին որդեգրեալ ըն-
կալեալ 'ի տուն աշնուականութեան : Եթէ
ոչ գոյին մեզ պտակաւորք, առաքինութիւնն
դատապարտիւր 'ի Գաղլիա 'ի յաւերժական
ռամկականութիւն : Որպէս բազմիցս ցուցի, յար-
գեն նոքա երբեմն զառաքինութիւնն՝ յորժամ
նշմարեն զնոսա, այլ՝ արդ յաւուրս մեր առա-
ւելութիւն գերազանցութեանն՝ որ 'ի ձեռն
արդարութեան պիտի ընդգոգել՝ գնոյ միայն
գնանի :

Պ : — Դիցուք եթէ ոչ գտից զշնորհս
առաջի ուրեմն աղազին, զամենայն զփոյթ իմ 'ի
մէջ առից օգտածու լինիլ զէթ իմբից օմանց :
Տիրեցից ոգւոյ և մտաց նոցին բոլորովին • ըն-
ծայեցից զիս ինքնս սիրելի ամենեցուն :

Ծ : — Այլ գործեցոցեա ըստ օրինակի այ-

լոց արանց. այլ զոհեցես զուղղութիւնն քոյ՝
'ի սակս մեծութեան :

Պ : — Քաւ. բաբէ՛. քաւ. խնդիր ճշմարտութեանն միայն եղիցի նպատակն իմ :

Ծ : — Փոխանակ ընդ սիրելի ընծայելոց զքեզ, նա աւանիկ՝ տացես զանձնդ յաւէտ ատելութեան նոցին : Եւ այս զի զահումեալ միաբանութիւնք և չինչ օգտեցուցանեն զանձինս՝ ի գիտութիւն ճշմարտութեան : Փառամուն անխտիր ակամբ հայի ընդ ամենայն խորհուրդս՝ միայն թէ բռնանայցէ :

Պ : — Այլ վատաբաղդութեանս. յամենայնի անկանի սիրտ իմ, ամենայնիւ քաղցնեալ վհատիմ : Դատապարտեալ եմ՝ ի յաւերժական աշխատութիւն և յառանձնութիւն հեռի՝ ի վերգինիայ : (Ասաց և յանհնարինս հառաչեաց :)

Ծ : — Սալ քեզ զամենակալն միայն պաշտպան՝ որդեակ իմ, և զմարդիկ համարեանք քեզ՝ ի գունդ. անվկանդ հաստատեան՝ ի մինն՝ և պինդ կաց՝ ի զահումութեան միւսոյն : Գերդատանք, զովորութիւնք, ժողովուրդք և թագակապք ունին ամենեքին և զիւրեանց նախապաշարումն և զկիրս, և պէտք են մելութեանն յոր՝ ի գործս նոցա առ՝ ի սպաս տանիլ ցանկութեանց նոցին : Իսկ պաշտել զԱստուած և զմարդկայինն ազգ՝ ի ճահ աշուէ մեզ հպատականս առնել առաքինութեանն :

Այլ զի՞ է զի քարքերս որոշիլ յայ-
 ւոց 'ի մարդկանէ : Զգայու թիւն իմն է այդ
 ամենեկին ընդդէմ բնութեան . վասն զի եթէ
 լինէր ընդհանրական՝ մղէր ամենայն ոք զմարտ
 պատերազմի ընդդէմ իւրուհի դրացւոյ : Ատ
 լիցի քեզ կատարօնութիւն պարտաւորութեան
 քոյին վիճակին՝ հաստատեալ քեզ 'ի տեսչու-
 թենէն Աստուծոյ . ինդան ընդ ճակատագիրդ՝
 որ շնորհէ քեզ անարատ ունիլ զքոյն ուղղու-
 թիւն . ոչ բանաւոր է քեզ ըստ օրինակի փա-
 րազանց դնել զքոյդ երանութիւն 'ի կարծիս
 բամբայնոց . և ոչ ըստ օրինակի բամկաց քծնիլ
 զփարսցնատօք՝ առ 'ի զձեռամբ ածել զպէտս
 գոյութեան քոյ : Բնակիս դու յերկրի մուտ
 և 'ի վիճակի՝ ուր հնար է քեզ աշուղել անցու-
 ցանել զկեանսդ առանց պատրելոյ : Տրապուրե-
 լոյ և նուատացուցանելոյ զքեզ . ըստ օրինակի
 բազմութեան մարդոց՝ որ սնտոնն զհետ մե-
 ծութեանց 'ի յեւրոպիա : 'Ի վիճակի՝ ուր
 հանդամանք անձինդ չընեն քեզ արգել պա-
 րայիլ 'ի հպատականս առաքինութեան : ուր
 անպատժութեամբ հնար եղիցի քեզ լինիլ
 բարեոէր : ուխտապահ : անխարդախ : հրահանգ :
 համբերատար : ժուժկալ : ողջախոհ : ներողամիտ
 և բարեպաշտ . և ուր ոչինչ չարաշուք յայպա-
 նաս ժամանեցէ զնորաբողբոջն քո խամբել
 գիտութիւն : Տուեալ են քեզ երկինք զպա-

տու թիւն, զառողջու թիւն, զխիղճ բարի մտաց
և զբարեկամս: Թագակապք՝ զորոց այդ չափ փա-
ռամնլիս՝ ի շահել զշնորհ՝ յեանեալ են քան
զքեզ ՚ի յերանու թեան մասին:

Պ: — Աւա՛ղ, կարի փարեղի է ինձ Ալեք-
գինիա տակաւին, առանց նորա չմնայ ինձ և
ոչ չինչ, նովաւ հանդերձ հնար է ինձ գտա-
նել և զամենայն ինչ: Է՛ նա միայն իմ տոհմ,
փառք և իմ համբուն մեծութիւնն, այլ հո-
րաքոյր նորին տուեալ է զնա առանց երկուա-
նաց փարազին ուրեմն՝ ի կնու թիւն, Բայց զի
նպատեն մատեանք և ուսումն եղանիլ մարդ-
կան գիտնական և հանձարեղ, ախնաւոր և աշ-
խարհանաղ, աշողեցից՝ ի գիտութիւն բռնու-
թեամբ անդուլ հպատականաց, սատարեցից հայ-
րենեաց իմոց կարևոր ծառայութեամբք վեհ
վսեմ լուսաւորութեան իմոյ, և ոչ դառնացու-
ցից զոք կամ եղէց կախեալ զնմանէ, համբաւն
իմ արեգակնախայլ և վառքն՝ զոր շահեցայց՝ իմ
եղիցի ամենայն:

Ծ: — Ա՛յլ որդեակ իմ, և ևս չնաշխար-
հիկ, և ևս հազուադիւտ են քանքարք քան
զտոհմ և մեծութիւն, և են անշուշտ թան-
գարական, փոխանակ զի և չինչ ժամանէ
կապտել զմեզ ՚ի նոցանէ անտի, և այս զի
յանկուցանեն յինքեանս զհանրական յարգ: Սա-
կայն յոյժ թանկագին եղիցին մարդկան, է

Տնար և եթ արդիւնաւորիլ 'ի նոսա՝ սրակասու-
թեամբ յայլոց ամենեցուն, զգացողու թեամբ աղ-
նիւ՝ որ զմեզ առնէ ապերճանիկ 'ի տան միան-
գամայն և արտաքոյ 'ի հալածանաց անտի հա-
տակակցաց մերոց: 'Ի Գաղղիա՝ ո՛չ նախանձի օ-
րինականն ընդ փառս զօրականին, և ո՛չ զօրա-
կանն՝ նաւաստւոյն, այլ ամենեքին ընդդէմ
դաւնայցին քեզ անդ, այնու զի ամենայն ոք
սոնքացեալ փքանայ ընդ իւրն գիտութիւն:
Խոստանաս ծառայել մարդկան: Ասկայն նա
որ ընծայաբեր լինի միով միայն օրայիւ ցօրենոյ
'ի յերկրէ, առնէ նոցա և ևս առաւել օգտա-
ծու ծառայութիւն քան եթէ որ միանգամ
օղերձեն նոցա զմատենագիր մի:

Պ. — Ի՞նչ. նա որ տնկեաց զայս փոքրա-
սելի, նուիրեաց բնակաւորաց անտառիս և ևս
արգոյ և զուարճալի ընծայ, քան եթէ տուեալ
էր զմատենագարան մի. (Ջայս ասացեալ
գիրկս ած ծառոյն և համբուրեաց զայն բուռն
յուզմամբ կրից.)

Ծ. — Ամենագուհար մատեանն՝ քան զոր
երբէք գրեցաւ յաշխարհի, որ ստէպ յիշեցու-
ցանէ միայն զվարդապետութիւնս բարեկամու-
թեան, հաւասարութեան, մարդասիրութեան
և միաբանութեան, այս է աւետարանն. սխտա-
ռոցի 'ի հարուստ ամանակաց հետէ իբրև զբաղ-
բաղայ իմն յսիշտակու թեանց և աւերածոց ըս-

պէացւոցն անգթութեան: Ո՛վ թէ, քանի քանի
 քանի բացերեակ և զանխուլ բռնաւորութիւնք
 զօրհանապազ 'ի գործ դնին յաշխարհի 'ի նորին
 անուն: Այսորիկ զինի՝ ո՛վ կարէ համազել
 զինքն 'ի յոյս, օգտածու լինիլ մարդկան մատե՛նագրութեամբ: Եուշ լիցին քեզ վիճակք
 տախտայիցն այնոցիկ՝ որ զխմատութիւն քարոզեցին
 մարդկան: Հովմերոն՝ որ թլիփ ածնմա
 այնպէս գեղեցիկ տաղաչափութեամբ՝ հարկեցաւ
 մուրանալ զհաց իւր զամենայն աւուրս կենաց
 իւրոց: Սոկրատէս՝ որ անտի այնպէս սիրուն
 խրատ ետ Աթենացւոց միանգամայն և՛ բանիւ
 և՛ գործով իւրով՝ դատապարտեցաւ կլանել զթոյն
 վճռով արդարութեանն դատաստանի: Աիրալուր
 աշակերտ նորին Պղատոն վճռեցաւ 'ի ստանկութիւն
 'ի նոյն իսկ 'ի բրնձոյն՝ որ պաշտօրանեաց
 նմա, և նախ քան զտոս Պիթագորաս՝ որ տարածեաց
 զփաղցրութիւնն իւր և առ անբան կենդանիս՝
 հրով դատեցաւ կենդանոյն 'ի Արիտոնեանց:
 Զի՛նչ ասեմ: Շատ շատ կէսն աշխարհանազ
 անուանցս այսոցիկ իջեալ են առ մեզ
 տգեղծեալ 'ի ձեռն գծման ինչ երգիծաբանութեան՝
 որ հրատարակէ զնոս, վասն զի
 մարդկայինս ապերախտիք ինծղան ունիլ
 զայսպիսիս: բայց և այնպէս՝ եթէ գտցուք
 առ երաստս զփառք ուրեմն մաքուր և անարատ,
 է զի կեցեալ է նա հեռի յամանուկացն իւրոց

ընկերութենէն : Հանգոյն անդրիանդաց այնոցիկ՝ որ անարատ ելուզանին՝ ՚ի դաշտաց Յունաստանի և Իտալիոյ : որ Թաղեալ ելով՝ ՚ի ծոց երկրին՝ զերծեալ են ՚ի կատաղութենէ : բարբաբասաց :

Տեսանե՞ս, եթէ առ ՚ի ձեռս բերել զմրրկածին փառս գրաւորական հռչակի : քաղում առաքինութեանց պէտք են աշողիլ օ և զանձն իսկ՝ պատրաստ և կազմ լինիլ՝ առ ՚ի պատարագել : Թող զայս, կարծե՞ս դու եթէ փարազունք Գաղղիոյ փոյթ ունին զփառացս զայցանէ : Գգուեն զգիտնաւորս այն մեծապէս : որոց գիտութիւնն չհամբառնայ զնոսա ՚ի գերակայութիւն ինչ յիւրեանց հայրենիս : և ոչ ՚ի պաշտօնս ինչ ընդ իշխանութեամբ օ և ոչ իսկ ՚ի յարբուենիս զմուտ կարէն աշողէլէ Հալաժանք սակաւ ՚ի գործ դնին առ դարս մեր : այնու զի ամենայն ինչ անխտիր ինդրին քան ՚ի մեծութենէ և ՚ի բերկրանաց : իսկ գիտութիւնն և առաքինութիւն ուր ուրեմն ամբառնան անդանօր զմարդ ՚ի գերագոյն աստիճան օ վասն զի ամենայն ինչ փողով աշողիլ : Ի հնումն գերազանցութիւնքս այտքիկ արժանանային պսակաց աստիճանաւ իւրիք կամ յեկեղեցւոյ : կամ յատենակալութեան և կամ ՚ի գործս տէրութեան : բայց զարդիս քնջ են և եթ ՚ի մատենագրութիւն : Եւ այնպէս՝ պտուղս այս

այսչափ նուազ յարգեալ առ մարդիկ աշխարհի՝ է և ևս արժանաւորագոյնն, այնու զի է՛ի ճաշխարհիկ սկզբանց, է՛ մատենիցս այսոցիկ պարճեալ շուքն ընծայելոյ զլոյս անյոյտ առաքինութեանց, արգահատելոյ զվատաբարդս, լուսաւորելոյ զազգս և քարոզելոյ զճշմարտութիւնն առ պսակաւորս անգամ: Անշուշտ է սա և ևս սրբազան պաշտօնն՝ զոր շնորհեն Երկինք մահկանացուի միում՝ ՚ի վերայ երկրի: Իցէ՞ թերևս ոք անատակ խօսիլ ՚ի սիրտ իւր ՚ի համար անիրաւանաց կամ դորսութեանց այնոցիկ՝ որ պանծան տրամագրութեամբն բաղդին, յորժամ հակատիցէ՝ եթէ գործն իւր անցեալ աւանդեացի դարուց ՚ի դարս, յազգաց յազգս, և պիտանացի իբրև զպատուար իմն ընդդէմ վրիպականութեան և բռնաւորութեան, և եթէ՝ ՚ի ծոցոյ անշքութեանն, որով վարեաց զկեանս իւր՝ ծագեացի փառք իմն որ զյուզունց նսեմացուցէ զպսակաւորաց զփառս, որոց յիշատակքն սուզանին ՚ի մոռացութիւն ՚ի նոցունց իսկ ՚ի շողմարարացն ատելութենէ, զորս ամբարձեալ բարձրացուցին նոքին իսկ:

Պ: — Ա՛խ, անձկացեալ պնտեցից զհետ փառացս այսոցիկ, միայն զի սիրեալ ճապաղեցից զփաղիլին նոցա ՚ի վերայ Ալեքինիայ, ընծայեցից ևս զնա յարգոյ և ցանկալի ամենայն աշխարհի: Այլ՝ ասան ինձ, դու որ այսպէս մեծ

Վորձ ունիս զաշխարհի, ասան մի թէ ժամանեացէ՞ր մեզ երբէք ընդ միմեանս միանալ: Քանցք եղիցի ինձ լինիլ գրոց աշակերտ առ 'ի ճանաչել գոնէ զՏանգերձեալ ակնկալիս իմ:

Ծ: — Ո՞ր ցանկացի կեալ՝ որդեանկ իմ՝ եթէ գիտիցէ զիւրն ասլալինիս: Մի միայն նախագէտ աղէտ զբիւրս ծնանի զունայն անձկու թիւնս. հաւատի երևոյթն ծանրակշիւ թախծու թեանց դառնացուցէ զամենայն զյառաջնի թաց օրեարս: Եւ ոչ իսկ անկ արդարեւ խուզել խորագոյնս զշրջակայ առարկայս: Տուեալ են մեզ Երկինք զմտածու թիւն առ 'ի կանխագէտ լինիլ պիտոյից մերոց, տուեալ են և այնպէս զպիտոյս կենաց առ 'ի չափ դնել մտածու թեանց մերոց:

Պ: — Ասացեր աւագու թիւնք և պատիւ վողով աշողին յԵւրոպիա: Չուեցից գնացից անցից 'ի Հնդիկս ստանալ զհարստու թիւն. ուղղեցից ասրս զգնացս իմ առ Փարիս և ածից զՎերգինիս ինձ 'ի կնու թիւն: Քնամ չուեմ առ ժամայն:

Ծ: — Զխա՛րդ, թողցես ուրե՞նի դու ըզմայր նորս և զգոյն:

Պ: — Եթէ ո՞չ դու ինքնդ խորհրդատրէիր ինձ ուղևորիլ 'ի Հնդիկս:

Ծ: — Այո՛, որդեանկ իմ՝ բայց Վերգինիս աստէն էր յայնժամ, յորժամ զայդ խը-

բատ ետուռ քեզ : Այլ զարդիւս դու միայն կաս
վիզն մարց ձերոց :

Պ : — Առաքեացէ Վերգինիա զպէտս կե-
նաց նոցա 'ի բարութեանց անտի իւրոցն փար-
թամ ազգայնոց :

Ծ : — Թեկն ածեն փարթամք և եթ
այնոցիկ՝ որ շուք դնեն նոցա յաշխարհի : կան
նոցա և այլ ազգայինք՝ և ևս կարեկցութեան
արժանիք քան զՏիկինն տլա Դավրի : որք կա-
րօտ և զիրկ յօճանից նոցա՝ զոհեն զազատու-
թիւնն իւրեանց 'ի սակս հացի և անցուցանեն
զաւուրս իւրեանց փակեալ 'ի մեծատանի :

Պ : — Ո՞վ հրէշն այնմիկ Բոպէի • ո՞վ
ճուաղական երկրիս : Անշուշտ փութացուցէ Վեր-
գինիա զդարձ իւր առ մեզ վերտօտին : Առ ի՞նչ
պէտք են նմա և փարթամ ազգայնոց : Ափս՛ոս •
զիւրդ երշանիկ էր երբեմն ընդ ցածուն յար-
կօքս այտքիւք : Զիւրդ չքնաղազեղ՝ երբ գլուին
զարդուն երգունեալ ատրագոյն թաշկինակաւ
կամ ստակօք ծաղկանց : Դարձ՝ ո՞վ Վերգինիա ,
դարձ • թող զսպարանս քոյ և զմեծութիւնս •
դարձ առ սպարեխս այտտիկ : առ հովանիս մայ-
րեաց և առ գազատիւս մեր : Ո՞վ ցաւոցս •
գուցէ 'ի ամին իսկ վայրկենի 'ի թշուառու-
թեան մնաս կաս : (Զայս ասացեալ՝ տեղի ետ
արտասուաց :) Ո՞ր հայր իմ՝ գոչեաց՝ մի՛ ինչ
թագուցանէր յինէն • եթէ չատիկես ասել

գուցէ երբէք ամուսնացայց ընդ Վերգինիայ : նաւթճեան ինձ գոնեան՝ եթէ սիրէն զիս տակաւին . թէպէտ և շուրջ պատեալ յաղաղանց , որ խօսին ընդ արանց քաջաց և այց առնեն նմա :

Ծ : — Այո՛ սիրելիդ իմ , և բազում աղագք բռնադատեն զիս զի սիրէ քեզ . և քան զամենայն սոյս՝ զի է առաքինազարդ : (Յայս բան անկանի զլանջօք իմովք յախշտակեալ 'ի ցնծութենէն .)

Պ : — Այլ աւատամբո՞ւ դու՛ եթէ կանայք Եւրոպացանց այնքան անկայուն են , որքան նկարագրեալ 'ի տեսարանի և 'ի մատեանս յայնոսիկ՝ զորս ետուր ինձ 'ի փոխ :

Ծ : — 'Ի կլեմս՝ ուր բռնակալեն արք՝ գտերքն Եւային են յար յեղեղուկ : Բռնութիւնք յաւէտ ծնանին զդրժողութիւնս :

Պ : — Հնար է առն բռնակալել կնոջ :

Ծ : — Հինինելով բռնանալով օտիպելով զկանայս յամուսնութիւն առանց նկատելոյ ըր յակքարութիւն նոցին . զկուտանն ընդ օպիտակալիք առն : զզգայուն կինն ընդ առն անզգայնոյ .

Պ : — Եւ ընդէ՛ր ո՞չ յաւէտ միաւորեն 'ի միասին զնոսա . որ և ևս փերշաւոր են միմեանց . զառոյգն ընդ առուգին և զտարփաւորս ընդ այնոցիկ՝ յորոց վերայ սէր նոցա սևեռեալ հաստատի :

Ծ: — Է՛ զի հանրահանութիւնն երիտա-
տորդաց՝ ի Քաղղիա չունին զհերիք մեծութիւն
առ՝ ի աշտել զամուսնութիւնն • և՛ զի հաղիւ
երբէք տամանս զբաւականութիւնն՝ մինչև յա-
ռաջ խաղացեալ յառաջատուին՝ ի յամս՝ ի յա-
ռուգութեան զառածեալ զարտուղին զնացու-
ցանէն զամուսինս դրացեաց իւրեանց • և յոր-
ժամ համբուրեն զալիս ծերութեան՝ չժամա-
նեն և ինքեանք յապահովել զոէր կանանց իւ-
րեանց : Յառոյգութեան դողեալ խարդախեն
զայլս • և ՚ի ծերութեան նովին կարգաւ և
ինքեանք խարդաւանին : Է՛ այս մին՝ ի փոխա-
րինական գործոց այնր տիեզերական արդարու-
թեանն՝ որ ղեկավարէ զաշխարհս • առաւե-
լութիւն միոյն ցանկ կշռէ զմիւսն : Զայս օրի-
նակ անցուցանեն Եւրոպայիք զաւուրս իւրեանց
երկպստոիկ անկարգութեամբք • և անկարգու-
թիւնս այս աճի զօրանայ ՚ի զովորութեան մի-
ում ըստ չափու կուտակութեան հարստու-
թեանց առ տակաւաթիւ անհատականս : Նմանի
տէրութիւնն զարաստանի միոջ, յորում տունկք
անզօրք ոչ ժամանեն հասանել ՚ի կատարելու-
թիւն, եթէ այլք հաստահարուտք ստուեր
արկանեն զնոքօք • այլ այս բացերեակ խտիր ՚ի
մէջ նոցա գոյ, զի գեղեցկութիւնն զարաստա-
նի ծագեացի ՚ի փոքրաթիւ ծառոց ստուարա-
գունից • բայց բարեբաստութիւնն տէրութեան՝

յաւէրժ զրամկաց և զհաւատարութենէ հոգատակացն կախեալ հատտառի, քան եթէ սակաւաւորացն այնոցիկ՝ որ միայնակ վաճառեն զհարստութիւնս նորա :

Պ. — Բայց զի՞ է զի կարօտութիւն մամնջային կրճիմն անկանի ամուսնութեան :

Ծ. — Վասն զի յորժամ արկանէ ոք զանձն ընդ լծով որդեծին ծառայութեան, անձկայ ցանկանայ անցուցանել զաւուրս իւր՝ ի լիութեան առանց աշխատանացս հարկաւորութեան :

Պ. — Եւ ընդէ՞ր ո՞չ աշխատիլ. ես ինքնս կարակի վատակ լինիմ :

Ծ. — Է՛, զի ձեռական աշխատանքն արհամարհ իտտան նախատական են ՚ի յերոպիա : Անդ անուանեն զնոսա մեքենական աշխատանք. տինն՝ անարգագոյնն քան զամենայնն դատի երկրագործութիւն. եւ ևս՝ առաւել յարգի արհեստաւորն առ նոսա, քան եթէ գեղջուկն :

Պ. — Զիս՞րդ. արուեստն նոյաւստաւորն մարդկան սննդեամբ՝ անարգի անգունի ըմպահի յեւրոպիա : Ո՞չ զօրեմ ահահել մտաց քոց բանից :

Ծ. — Է՛՛՛. կարի դժուարին եղիցի մարգոյն հրահանգելոյ ՚ի բնութեանն վիճակի, մտառել զթիւրութիւնն վիճակին ընկերութեան :

Ատիկեացէ այն նկարել 'ի միտս իւր զՅիւրդ սլատկեր կարգաւորութեան, բայց ոչ կարող եացէ նկարագրել զանկարգութեանն: Վեղեցկութիւնն, առաքինութիւնն և երջանկութիւն ունին զՏաւմեմատութիւն: Եզեղութիւն, մոլութիւն և թշուառութիւնն ունին և չինչ:

Պ: — Ապա երջանիկ են փարթամք, և չինչ ոտնառու առ ճանապարհաւ նոցա: Ընծայեացեն առարկայից սիրոյ իւրեանց զՏաճութիւնս անվախճան:

Ծ: — Ո՛չ, որդեակ իմ, այլ զի շատք 'ի նոցանէ չղզան իսկ զբերկրութիւն, այնու զի՝ կամագիւտ լինին ոչինչ աշխատ սլատճառէ նոցա: Ո՛չ փորձն ցուցանէ քեզ, թէ զվայելութիւն հանգստեան գնեն աշխատութիւնք, ուտելոյն՝ քաղցն, ըմպելոյն՝ ծարաւ: Առ այսմ սարասի և սիրելոյ և սիրեցեալ լինելոյն՝ միայն աշողեն յաճախութիւնք սակատութեանց և սլատարագաց: Ճոխութիւնք նոցա զրկեն զՏարուստս յայտ ամենայն բերկրութեանց՝ զանցանելով ըստ չափ սխտոյից նոցա: Փարագրեան և ևս 'ի յափրանս՝ որ գայ զհետ յապեցութեան՝ զյաւակնութիւնն, զոր ծնուցանեն ճոխութիւնք նոցին, և զոր յովտ մի սրահատութիւնն վիրաւորէ, նա՛ և յորժամ ամենամեծ վայելք կատին հրաժարին 'ի շողմելոյ գնա: Բուրումն բիւրաւոր վարդից միայն հաճեցուցանէ առ վայր-

կեան մի. իսկ ցաւն 'ի վերայ ածեալ 'ի միոց
 'ի վշտոցն՝ միայ ընդերկար զկնի վերաւորելոյն :
 Թշուառութիւն մի 'ի միջե յոգունց վայելոց՝ է
 փարթամին փուշ շրջապատեալ 'ի ծաղկանց .
 այլ՝ ընդհակառակն աղքատին զուարճութիւն
 մի 'ի միջե յոգունց աղետից՝ է ծաղիկ իմն շըր-
 շապատեալ 'ի վշտոց յամենայն կուսէ : Գտանեն
 նոքա զկծու իմն ճաշակ 'ի վայելս իւրեանց .
 Անցնիւր գործ ամբառնայ աճի գիմակայու-
 թեամբն իւրով . բնութիւնն հաւատարակշիւ
 արար և զամենայն ինչ : Աղէ՛ , քնշ խելամը-
 տեալ ամենայն իրաց՝ խորհեաց 'ի մտի քում ,
 որ վիճակ թուի քեզ նախագահ . այն՝ որ գող-
 ցէս ո՛չ ակնունի իմիք և յամենայնէ երկնչի ,
 եթէ այն՝ որ չերկնչի յիմեքէ և ակնունի ա-
 մենայնի : Առաջինն 'ի վիճակացս՝ է փարթա-
 մին . երկրորդն՝ աղքատին : Եւ ևս՝ սահմանքս
 այսոքիկ իկատ և գիսին եղկոյն առն՝ որոյ
 երջանկութիւնն 'ի միջակայութեան արկեալ է
 զհիմն :

Պ : — Զի՞նչ կամիս ասել անուամբս
 առաքինութիւն :

Ծ : — Ո՛վ . ո՞ որդեակ իմ՝ դու որ թե-
 արկեալ թիկունս տաս ծնողացն քոց վաստա-
 կօք ձեռաց քոց , չունիս իսկ զպէտս սահմա-
 նի նորին : Առաքինութիւնն է ճիգն իմն վասն
 այլոցն բարութեան , նպատակ ունելով հաճե-

ցուցանել զԱստուած միայն :

Պ : — Ո՛րք առաքինու թեանցն Վերգինիայ , Առաքինու թիւնն էր վաղձան նորին՝ յորժամ անձկացաւ փարթամանալ , զի զօրացի 'ի հստատականս բարեգործութեան : Առաքինու թիւնն ստիպեաց զնա անդրանալ 'ի կղզոյս , և առաքինու թիւնն դարձուցէ զնա առ մեզ վերստին : Պատկերք մօտալուստ դարձի նորա վառեցին բորբոքեցին զերեւակայու թիւն նորա , և յանկարծակի վարատեցաւ փարատեցաւ անհանգստու թիւն նորա : Համոզեցաւ ուրեմն՝ եթէ Վերգինիա 'ի սակս մօտալուստ գալստեանն իւրում ո՛չ յէր զթուղթս ողջունի : Սարի սակաւ աւուրք պիտէին հասանել յԵւրոպոյ 'ի հողմ բարեյաջող : Հաւեաց ապա թուել զնաւս՝ որ անցեալ գնացեալ խաղացեալ վաղձանէին զձանապարհ չորիցս հազար և հնգիցս հարիւրոց փարսանգաց յընթացս նուազ քան երկոց ամսոց , և թերեւ նաւն՝ 'ի յոր մտեալ էր Վերգինիա՝ ո՛չ յերկարեցի քան զերկուս : Ո՛րք կորսվամտութեան ճարտարապետաց նաւուցս : Ո՛րք յաջողակութեան նաւաստեացս : Ապա պատմեաց ինձ զհանդերձանաց վասն ընդունելութեան նորա , զնորակերտ իրձիէն կառուցելոյ վասն բնակութեան նորա , զբերկրութեանց և զգարմանաց՝ զոր իւրաքանչիւր օրեար ածէին յորժամ եղիցի նա ամուսինն իւր — ամուսինն իւր , — յոյսս

այս յաիշտակութիւնս իմն էր մտաց : Գէթ յայնժամ ո՛վ հայր իմ, ասաց, գէթ յայնժամ և չինչ արասցես բայց զհաճութիւնս քո : Վերգինիա հարուստ՝ ունիմք ունիլ յայնժամ ըզհոյլս զանդկաց որ վատտակեացին 'ի համար քո : Բնակեացիս յայնժամ առ մեզ . և ո՛չ այլ եղիցի հոգն քո՝ քան եթէ բախճանութիւնս սրբաւիգ և զուարճութիւնս սգւոյդ — և արօրիւրով սրտին 'ի ցնծութենէն՝ հապ տուեալ ճեպեաց բաժանորդս և զընտանիս իւր առնել ազնիւ զգացողութեանցս այսոցիկ :

Եւ այնպէս՝ յետ սակաւուց անհնարին զըմբարդք անագորոյնք յաշորդեալ զհետ եկին զմայլեցուցիչ յուսոյս : Սասաիկ կիրք բըռունք յաւէտ ձգեն զողին 'ի ներհականն 'ի ծայրս : Գարձ արար Պաւլոս 'ի բնակութիւնն իմ ընկղմեալ 'ի խոր թախծութիւնս, և ասեցիս . և չինչ լսեմ ես 'ի Վերգինիայ, եթէ չուեալ մեկնեալ էր 'ի Եւրոպոյ՝ ծանուցանէր արդեօք զգալտոենէն իւրմէ : Ա՛յ աղետիցս, կարի քաջ հիմնեալ են հռչակքն՝ զոր լուայ զնմանէ : Անշուշտ ամուսնացուցեալ է զնա հօրաբոյնն ընդ ուրեմն փարազնի : Վճարեցաւ և սա ըստ օրինակի այլոց 'ի սիրոյն մամոփայի : 'Ի մատեանս անդ՝ որ քաջ նկարագրեն զկանայս՝ առաքինութիւնն առարկայ իմն է ստութեանց : Եթէ էր Վերգինիա առաքինասէր :

նչ բարձի թողի լքանէր զմայրն իւր և զիս և մինչ ես անցուցանեմ զաւուրս իմ խորհելով զնմանէ : զմուսցու թեամբ հարկանէր զիս : Մինչ ես եմ ողորմելի վշտագին : Է ինքն երջանիկ : Ո՞վ թշուառութեանս խոկմունքս այտոքիկ տազնապեն մուկնեն բառնան զուշն իմ : Երկք եղանին ինձ դառնաշխատ և ընկերութիւնն տաղտիալի : Ո՞վ երկինք . ո՞ր տայր ինձ եթէ աւագախողք գոռացեալ գոչէին զմարտ 'ի գաշտս Հնդկաց : շահատակեալ մեռանէի և ես 'ի պատերազմին :

Որդերնկ իմ , պատասխանեցի , արուութիւնն այն՝ որ մղն տայ մեզ սնտիլ զհետ մահուան : Է միայն արուութիւն վայրկենական , և յլլով անգամ զգրգռի սս 'ի սնտի յուսոյ զկնի մահուանն համբաւոյ : Է՛ և տեսակ իմն արուութեան և ևս հարկաւոր , և ևս հաղուագիւտ : որ առնէ զմեզ ամենլ հանդուրժել առանց վկայից և առանց դրուատեաց՝ բաղմասիտի անձկութեանց կենաց , այն է համբերութիւնն : Հաստատելով ոչ 'ի կարծիս օտարաց , այլ 'ի կամս Աստուծոյ : Համբերութիւնն է արուութիւն առաքինութեան :

Ո՞վ թշուառութեանս , գոչեաց , առանց առաքինութեան եմ ես ուրեմն , ամենայն ինչ պաշարեն և բառնան զուշ իմ : — Հաւասար , անվիանդ և անայլայելի առաքինու-

Թիւնն, դարձուցի, սէ հայի առ մարդ: Ըուրջ պատեալ յայրջանեաց կրից՝ որ խռովեն զմեզ՝ բանասկանու թիւնն մեր շփոթի և շլանայ: բայց գոյ անշիջանելի լամբատ իմն, որով առակեացուք վառել բորբոքել վերսախն լուցանել զբոց նորա, այս է դպրութիւնն:

Դպրութիւնն՝ ազնիւ որդեակ իմ, է պարգև երկնից: Նշոյլ մի այնր իմաստութեան՝ որ զեկավարէ զտիեզերս, և զոր մարդն ազդեալ երկնային հասողութեամբ՝ ձգեալ իջոց յերկիր, հանգոյն արփիականն լուսաւորէ բերկրեցուցանէ շեռուցանէ տա առտուածային իմն բոցով, և ըստ իրաց ինչ երեւի որդէս զտարրն հրոյ՝ ձկտեալ լարելով զբնութիւնն ողջոյն՝ ի պէտս մեր: Աջակցութեամբ դպրութեանն շուրջ ածեալ բերեմք զմեօք զամենայն իրս, զամենայն վայրս, զմարդիկ և զամանակս: Աջակցութեամբ նորա հրահանգեալ խաղաղեմք ըզկիրս, սանձեալ ՚ի բնօր առնեմք զմոլութիւնն, և շարժեմք զսէր առաքինութեան: Դըպրութիւնն է գուտոր երկնից իշեալ ՚ի յերկիր անուշել ամօքել յախշտակել զմայլեցուցանել զամենայն զմարդկայինս ազէտ: Սիրալուր և բարգաւաճանուն գրիչք՝ որոց միանգամ շնչեալ ազդեաց նա, զի երեւեցան ՚ի դարս կարի իմն գիտիսն և անհնարին մարդկան ՚ի քաղաքավարել զկեանս ՚ի դարս բարբարոտութեան:

և սոցականութեան, Դարութիւնն՝ սիրելիդ իմ, տառարեալ արգահատեալ և միիթար մատուցեալ է անթիւ բազմութեանց մարդկան՝ և ևս թշուառագունից քան զքեզ: Քսենոփոն տարագիր տարալած տարասահման եղև յիւրոցն հայրենեաց զկնի դարձուցանելոյ՝ ՚ի նա զբիւր մի Յունաց: Ակեպիոֆն Ափրիկեցին սպառեալ թափեալ անհամբոյր բարբութեամբ Հռովմայեանն ժողովրդեան: Լուկուլլոս՝ ՚ի տաղտուկս վարեցաւ ՚ի դաւաճանութեանց նոցին, և Վատինատ կծեալ յապիտաւորութենէ Գաղղիականն արքունեաց: Հանձարալի Յոյնք տահմանեցին զանցնիւրն յիմացական կարողութեանց մերոց՝ ՚ի կառավարութեանց ընդ առանձին Մուսայիւք՝²⁹ վերականգնօք գիտութեան: Պէտք են մեզ ուստի թուլացուցանել նոցա զկառավարութիւն ախտից մերոց, որպէս զի առաջնորդեցեն և հրահանգեցեն զնոսա: Պարտին նոքա նկատմամբ զօրութեանց հոգւոյն ընուլ զնոյն հանգէսս ընդ Ժամուց՝ որ լծեն և ուղղեն զերկվարս Փեպովին³⁰:

Չեռն տուր ուրեմն՝ որդեակ իմ, տեղի տուր մատենից քոց: Ստիխտայքն այնք՝ որ գրեցին ՚ի հին դարս՝ են ուղաւորք կանխեալք քան զմեզ ՚ի ռահս թշուառութեան, որ տարածեալ ձգեալ զբարեկամականն իւրեանց ձեռս՝ և հրաւէր տան մեզ յարեանալ ընդ

զովողութեան իւրեանց՝ յորժամ այլ ամենայն
բարձի թողի ընկաճկեն զմեզ ։ Եւս բարեգոյն
մատեանն է ևս բարեգոյն բարեկամ ։

Ա՛խ ։ Կոչեաց Պաւլոս ։ և չինչ կա-
րօտէի մատենից յորժամ էրն Աւերգինիա ։ որ և
խկ իմ պէս յոյժ սակաւ սարապեցաւ ՚ի նոսա ։
այլ զի ախաներով և կոչելովն զիս իւրեան բա-
րեկամ՝ անմարթ անհնար էր ինձ լինիլ վշտա-
գին ։

Եւ կ'արի քաջ յիրաւի ։ պատասխա-
նեցի ես ։ չիք որ բարեկամ այնպէս ողջունելի՝
որպէս զսիրուհին սիրեցեալ անտի ։ Է՛ր բարե-
մոյն ՚ի շնորհս կնոջ հրապոյր իմն՝ որ վարատէ
փարատէ ցրիւ արկանէ զխաւարաքօղ ցնորս մտա-
ծութեան ։ ՚ի դէմս նորա բազմի համբոյր ձգո-
ղութիւնն և քնքուշ հաւատարմութիւն ։ Ա՛ր
ուրախութիւնն ո՛չ առաւելցի յորում և նայն կը-
ցորդ լիցի ։ ո՛ր յունք ո՛չ թուլացեալ զիշանի ՚ի
ժպիտ նորա ։ Ա՛ր սրտնութիւնն ուժեացէ զդէմ
ունիլ արտասուաց նորա ։ — Դարձցի Աւերգինիա
եւով քան զքեզ իմաստնագոյն ։ և զարմանք կալցին
զնա տեղանել զդրաստն անկատար ։ զնա՝ որ խոր-
հէր զյօրինուածոյն ՚ի միջի հալածանաց հօրա-
քեռն իւրոյ՝ հեռի յիւր մօրէն և հեռի ՚ի քէն ։

Պատկեր մօտալուտ դարձին Աւերգի-
նիայ նորոգեաց զսիրայնոյ նորին զարութիւն
սրտին ։ Բուռն եհար կրկին զտուարածական

դործոց իւրոց՝ երջանիկ զինքն համարեալ յաշ-
խատանս իւր խորհելով, եթէ սրակեցին այնք
'ի վաղձանն այնքան ցանկալի սրտին իւրոյ:

'Ի քսան և չարսն Գեկտեմբերի
1744 ամին՝ այն ինչ կամ էր աւաւօտուն 'ի
գիշերոյն մերկանալ՝ նշմարէ Պաւլոս յարու-
ցեալ 'ի քնոյ զարգահատիչ աչաց գունոցն³¹ դը-
րօշակ 'ի թևս հողմոյ թռանիլ 'ի վերայ լե-
րինն Յայտնութեան, որ էր նշան նշմարելոյ նա-
ւի 'ի ծովու: Առօրին 'ի շտապ տագնապի վազս
աուեալ սարգեցաւ 'ի քաղաքն առ 'ի իմանալ
անդ զուր ինչ զՎերգինիայ, և մնաց անդրէն
ցդառնալ նաւուղին, որ ըստ սովորութեան
սոյց ելեալ էր նաւուն: Ծանոյց նաւուղիին
բդեշխին, եթէ Սան Ճիւռան անուանէր
ճան՝ եօթնհարիւր ծանրաչափ խորանարդ, և
Աւսլին անուն էր նաւապետին. եթէ նաւն չո-
րիւք փարսանգաւ հեռի 'ի ծովին, և գնացէ
'ի վաղիւն առ օթ՝ խարխիս արկցէ 'ի նաւա-
հագխտն Լուդովիկոսի, թէ աջողեցէ հողմն,
այնու զի ընդորրէր առ Ժամն: Ընծեռեաց ապա
նաւուղիին զյոյով թուղթս շահասլին 'ի Գաղ-
ղիոյ. յորոց մինն էր յանուն տիկնոջն տ'լա Գավ-
րի ձեռագիծ Վերգինիայ, Սալաւ Պաւլոս ըզ-
թուղթն. համբոյր մատոյց նմա յաիշտակեալ
մտօք. եդ 'ի ծոցն իւր և փութայ հասանել
'ի անկագործութիւնն: Անդէն 'ի հեռատանն

ընդ նշմարելն զընտանիս իւր 'ի վերայ չրա-
 ժեշտական ժեռին, նշանակ ամբարձ զթուղթս
 'ի յօդս առանց մարթանալոյ 'ի խօսել, և
 իսկոյն առժամայն ընտանիքն ողջոյն շուրջ պա-
 տեցին զախնաւն տ'լա Գապրի առ 'ի ունին
 գնել ընթերցման թղթոյն: Ծանուցանէր Վեր-
 գինիս մօր իւրում, եթէ հօրաքոյրն իւր կա-
 րի իմն չարաչար վարեալ էր ընդ ինքեան, որ
 յետ վայրասպար բռնաւորելոյ զինքն ամուսնա-
 նալ ընդգէմ յակքարու թեանն իւրոյ, ժառանգ-
 ատեաց զինքն և յետս արձակեաց 'ի վաղճանի
 յայնպիսում եղանակի տարւոյն, զի հաւանակա-
 նաբար ժամանէին 'ի Մովսիսիս 'ի նմին իսկ
 'ի ժամանակի փոթորկին: Յառաւիր աշխա-
 տեցաւ, յաւել ասել, զնշուցանել զխօսու-
 թիւն հօրաքեռն իւրոյ՝ նկարագրելով նմա զոր
 միանգամ պարտէր մօրն իւրում և առուզու-
 թեանն իւրում ունակութեանց, վարէին ընդ
 ինքեան իբրև ընդ այլանդակի սւրեմն, որոյ
 զառանցեալ աղանդեալ է գլուխն մտացածին
 կեղծաբանութեամբք, 'ի ժամուս, ասէր, և
 չինչ այլ զմտաւ ածէր, բայց եթէ զյախշտա-
 կութիւնն մտաց տեսանելոյ վերստին և ընդ-
 գրկելոյ զիւրն տէնչալի ընտանիս, և թէ՛ զայս
 սպաքէն 'ի նմին իսկ շտտացուցեալ էր աւուր
 զսրտին իւրոյ զցանկալին փափագ, եթէ շնոր-
 հէր ինքեան նաւաստան մտանել 'ի նաւուղին

կուր, այլ զի դիմադրեաց նա մեկնելոյն իւրոյ
'ի պատճառս հեռածգութեան ճանապարհին 'ի
ցամաքէն և լեռնացեալ ալեացս, թէ և ան-
գործ էր հողմն :

Հազիւ ուրեմն վաղճանեցաւ ըն-
թերցանութիւնն, յորժամ գերդատտանն ուղջոյն
յախշտակեալ 'ի ցնծութենէն կրկնեցին ամե-
նեքին՝ Եհասս Վերգինիա, և՛ տիրուհիք և՛ զան-
գիկք գիրկ ընդ խառն եղեն ընդ միմեանս :
Երթ որդեակ իմ, ատաց յայնժամ տիկիլինն տ'լա
Դավրի ցՊաւլոս, Էրթ և անդ արա դրացւոյն
մերում զգալտեհէն Վերգինիայ : Առօրին ե-
լոյց Դամիսկոն զՂաս, և ուղղեցին զգնացս իւ-
րեանց ինքն և Պաւլոս առ անկագործու-
թիւնն իմ :

Ապաքէն հատեալ էաք 'ի ժամն
կամաւօտ և կամէի անցուցանել զլամբատն իմ
առ 'ի խոնարհիլ 'ի ննջիւն, յորժամ նշմարե-
ցի ընդ պատնէշս խրճթին իմոյ զլոյս 'ի մացա-
ռին : Յարեայ վաղվաղակի և արկի զանձամբս
զձորձս իմ, յորժամ Պաւլոս հաս առեալ շամ-
բուշ անկաւ զսարանոցաւ իմով : Ե՛կ՝ գոչեաց՝
Եկ, Եհասս Վերգինիա : Օ՞ն, Եկ երթիցուք 'ի
նաւահանգիստն, եկեոցէ և նաւն 'ի մերկանալ
գիշերոյն :

Իսկոյն ելաք 'ի ճանապարհ : Այն
ինչ հատանէաք ընդ մայրիս անխախտ լերինն և

Տասերալ էաք առ դուրս երոյրին՝ որ հանէ 'ի Սաղուկ գրովէն՝ 'ի նաւահանգիստն՝ լուայ զոտնատրաի ուրեմն՝ 'ի Թիկանց կուսէ։ Եկն սա և ահան էր հաիշիկ ոմն՝ որ 'ի շտապ տագնապի վարեալ Թևս տայր ընթացից իւրոց։ Հարցի եթէ ուստի՞ դայր և յո՞ այդչաի ստիպով երթայր։ Գամ ես։ պատասխանեաց։ Յոսկի Աւազոյն։ և առաքեցայ 'ի նաւահանգիստն ազգառնել դեհապետին։ Եթէ նաւ մի 'ի Գաղղիայ արկեալ է խարխա 'ի յԱմբեր կղզի և արծակէ զԹնդանօթս տագնապի վասն անհնարին խռովութեան ծովու։ Ջայս ատացեալ եթող զմեզ և վարեաց զհետ ճանապարհին իւրոյ։

Օ՞ն անդր։ ատացի ցՊաւլոս։ բեր երթիցուք յայն կողմն կղզւոյն ընդ առաջ ելանել Վերգինիայ։ Հեռի է աստէն երիւք հրատարաւ միայն։ Սոյնպէս և ուղղեցաք անդր զգնացս մեր։ Ոգեսպառ հեղձամղձուկ առնելը տապն։ Լուսինն համբարձեալ հիւ շրջանակեալ էր երիւք մեծածիզ արջնաթոյր բակիւք։ Պատեալ էր եթեր յանհնարին քօղն խաւարիքայց ստէպ ստէպ փայլատակունքն փայլական յերևանն ածէին զընդարձակ շրթայատող Թուխտս սեւաթոյրս ընդվայրահակս և փարադրեալս 'ի միասին 'ի վերայ կենտրոֆնի կղզւոյն։ զորս միլէր որալարս ովկիանտան լայնածաւալ։ Թէ և չինչ հողմայ շունչ զգայաք 'ի ցամաքի։ Այն

ինչ զգնայաք՝ թուէր մեզ լսել զբոմբիւն ուրօտման, այլ զկնի ուշի ուշով մտադիր լինելոյն, գիտացաք լինիլ գանչիւն հեռաւոր թընգանօթից կրկնելոց յարձագանգաց, Բոմբիւնքս այսոքիկ միազոյգ ընդ եթերին մրկածուփ տեսուլթեանն քստմնեալ սօտափեցուցին զիս: Ո՛չ երկուանայի զնոսս լինիլ գուշակ՝ ի վտանգ անկեալ նսուռ: Զկիտով ժամաւ զկնի գղացաւ ձայնն թնդանօթից, զգացի ես զլուլթիւնն և ևս ահուելի՝ քան զնայն ինքն զսակալի ձայնն յառաջեալ:

Թե սուեալ ճեպէաք՝ ի գնացս մեր առանց արտասանելոյ և զբառ մի, և ո՛չ իսկ հօլանել իշխեաք զերկիկզ մեր և զկարծիս: Ժամանեցաք ուրեմն զմէջ գիշերաւն՝ ի դիտեալն մեր նպատակ առ ծովեղերօք: Անհնարին կոհակք մանրեալ խորտակէին յեղերս ծովուն ահագին շառաչմամբ՝ ծածկելով զժայռս և զաին փրփրովք իւրեանց, շիւացուցիչ ձիւնափայլ և հրային խառնեալ կայծակամբք: Լուսացնցուղ փայլմամբք նոցին նշմարեցաք՝ թէ և խաւարաքօղ՝ զկանուխս ձկնորսաց, զորս անգրացուցեալ էին ի վերայ աւազոյն:

Հուպ առ ծովափնն՝ ի մուտս անտառի միջ տեսաք զկրակ, զորով ակումբ առեալ էին ի բնակչացն յողունք: Անգր ուրեմն ուղղեցաք զգնացս մեր առ ի հանգստանալ

մինչև ցառաւօտ : Պատմեաց մի ոմն 'ի պարուցն , եթէ ետես ընդ երեկս պնաւ մի վարեալ 'ի յորձանաց ծովուն առ կղզին կոյս , եթէ ծածկեաց զնա գիշերն 'ի տեսաւթհնէն իւրմէ , և թէ՛ զերկու ժամաւ զկնի արեմտից լուաւ զբարմբուն տազնասրագոյժ թնդանօթից , այլ զի ծովն այնպէս մըրկածուի ալէտանջ խռովեալն էր , զի և չինչ կուր գիմագրաւ լինիլ իշխեր արտաքս , եթէ՛ ոչ բազմաց զկնի թուէր ինքեան տեսանել զաղօտ իմն լոյս ճրագի պահակերաց նաւուն , որ այսքան մերձենալով յափն կոյս՝ խիթայր թէ անցեալ էր ընդ մէջ ցամաքին և փոքրիկ կղզւոյն Ամբերայ , շիթմամբ առեալ զայն փոխանակ ընդ Սարին ճգանց , զորով քերեն նաւք 'ի շահին զնաւահանգիստն Լուդովիկոսի , և եթէ այս այսպէս լինէր՝ թէ և չկարէր զայն հաւատտել՝ երկնչէր զի էր նաւն 'ի մեծի վտանգի : Միւս ոմն կղզեցի ծանոյց ապա , եթէ ինքն յլովիցս անցեալ էր ընդ նեղուցն՝ որ որոշէ զԱմբեր 'ի ցամաքէն , և զորոյ կշռեալ իսկ էր զխորութիւնն , եթէ անբոյժ էր ծովածոցն , և թէ անդ այնքան ամուր և յապահովի եղիցի նաւն , որպէս եթէ 'ի նաւահանգստի : Երրորդ ոմն ապա յառաջ մատեաւ , եցոյց սա 'ի յայն անկարելի լինիլ նաւու անցանել նեղուց , հազիւ նաւարկելի նա՛ իսկ վարքայից , պնտեաց տեսեալ զնաւն յայն-

կոյս խարխոխ արկեալ կղզւոյն Ամբերայ : և այս
 զն՝ եթէ շնչէր հողմ ընդ առաւօտն : մերթ
 էր նմա վերագառնալ 'ի ծովն և կամ զհան-
 դիտն աջողել : Կարծիք բաղնապիտիք հաստա-
 տեցան 'ի վերայ այսր առարկայիս : զոր մինչ
 Արիօլքս անհագք հանդարտ քննէին : Պաւլոս և
 ես զխորինն պահէաք լռութիւն : Կացաք մնա-
 ցաք առ տեղեաւն ցմերկանալ գիշերոյն : յոր-
 ժամ օգն մառախլապատ ոչ շնորհէր մեզ 'ի
 շամանդաղապատն նշմարել ինչ 'ի ծովու : Զոր
 միանգամ ատակէաք նշմարել էր թուխպ իմն
 ուղբամսձ : զոր մեզ գոլ ասացին կղզին Ամ-
 բերայ կիսով խրատախաւ հեռի 'ի ցամաքէն :
 Մի միայն զծովեզրն՝ ուր կանգնեալն էաք : և
 զարտեանս ոմանց 'ի ներքսակողմն կղզւոյն ե-
 ղելոց լերանց՝ որք յամպոց անտի փարատեալ
 գային երբեմն յերևան՝ կարէաք նշմարել 'ի
 մթաղգած և 'ի նսեմ յայս աւուր :

Յերթներորդ պահու առաւօտուն
 լուաք 'ի միջոյ մայրեացն զձայն արապանաց : և
 նոյնհետայն երևեցաւ բդեաշին Մոնսիօր
 տ'լա Պուռտօննէս՝ աշտանակեալ 'ի ծի : զորոյ
 զհետ երթային վաշտկանք հրացանաւորք : հա-
 ռիւրաւոր կղզականք և հաիշիկք : Գատակար-
 գեաց զգորս իւր առ ծովեղերբք և հրաման ետ
 ամենեցուն հրացանս արձակել : որոյ ընդ լռու-
 թիւնն տեսաք 'ի վերայ ջրոյն զլոյս ինչ ալօտ :

զհետ որոյ առօրին եկն ձայն թնդանօթի։ Արժանեցաք ամենեքին ոչ կարի հեռի լինիլ նաւուն և փութացաք անդր՝ ուր տեսաք զլոյս։ Ահա՛ ՚ի միջոյ շամանդաղին նշմարեցաք զյատակ և զառագաստակալս յաղթ նաւու միոջ և թէ և ձայն ջրոյն մեծ աղաղակ հարկանէր։ հերիք մերձ էաք լսել զպաշտօնատարին զշէւննս՝ ՚ի ղեակին և զաղաղակս նաւատեաց։ Իբրև ետես Սան Ճիւռան զհերիք մերձաւորութիւնն մեր ընծայել նմա զօճան։ հաւեաց արձակել զթնդանօթս երից վայրկենից միջոցիւք։ Արար Մոնսիուր տ՛լա Պուռտօննէս արկանել խարոյկս առ ծովեղերօքն և արձակեաց առ մերձակայս ՚ի խնդիր նպարից։ տախտակաց։ մալսոց և թափուր տակառաց։ Առօրին երեկն բազմութիւնք ժողովրդեան՝ զորոց զկնի գային հափշիկք բարձեալք նպարակօք և կազմածովք նաւուց։ Առաւել հինաւուրցն՝ ՚ի տնկագործաց անտի մատուցեալ առ բդեաշխն ասէ․ “Զգիշերն ողջոյն լսելի եղեն մեզ կերկերեալ ձայնք ՚ի լերանց և յանտառաց։ յիրարին տերևք ծառոց։ բայց ոչ գոյ հողմ։ օդականք ծովայինք ապաստան անկանին ՚ի ցամաքն մեր։ անշուշտ ցուցակքս այսօքիկ զթեւելեայ գուժեն մեզ։” — “Եւ կարի քաջ յիրաւի բարեկամք իմ։” պատասխանեաց դեհասպեան․ “կազմեցաք պատրաստեցաք մեք կանխաւ առ վաղճանդ այդ։ և առանց

երկուանաց նաւն ևս խնկ:”

Ամենայն ինչ զմտալուտ թևերէայ քարողէր: Ահնարո՞քն թխարոցն՝ ՚ի գազաթնակիտի անհնարին լրթագոյն՝ ՚ի վերջաւորս զարդարեալ պղնձերանգ: Կրկնէր հնչեցուցանէր օդն զձուինչս վրիգաթի: Չըշան և այլոց բիւրաւոր թռչնոց ծովայնոց, որք՝ թէ և խաւարաքօղ էր մթնոլորտն՝ փուլթալ փուլթային յամենայն կուսէ հորիզոնին անկանիլ ՚ի կղզի աստ:

Յիններորդ պահուն լսելի եղեն ՚ի կողմանց ովկիանուն անհնարին ձայնք ահուելիք, որպէս եթէ հեղեղք շուրց խառնեալ ընդ որոտման հոսեցին յանխափայից լերանց: Աղաղակ իմն օդահերձ լսելի եղև. “Թևերէայ — թևերէայ,” և ՚ի քթիթ ական ահաւոր իմն փոթորիկ վանեալ ցրուեաց զմէզն՝ որ ստուեր ածէր կղզւոյն Ամբերայ և ներուցի նորին: Պարզեցաւ ուրեմն Սան Ճիւռան տեղութեան մերում: դահլիճ նորա խոնեալ բազմութեամբ մարդկան, առագաստակալք և գազաթնակայմք անկեալք ՚ի վերայ դոտիկոնին, դրօշակն խորտակեալ, կառանք չորք արկեալ յառաջոյ և մի ևս պինտ կալեալ ՚ի խելաց: Արկեալ էր զխարիտա ՚ի մէջ Ամբերայ և ցամաքին, ՚ի մէջ խաղտաղացն³² այնոցիկ՝ որ շրջապատեն զկղզին, և ընդ այս աւաղակոյտ անցեալ էր նա յայնպիսում տեղւոյ: ընդ որ և ոչինչ նաւք անցեալ էին

երբէք, Դեմ եղեալ էր զգլուխ իւր անհնա-
 րին բաղուման կոհակաց՝ Թաւալ գլխոց յըն-
 դարձակ ծովէն, և ընդ ՚ի յանձուկն յարձա-
 կիլ անցնիւր կոհակաց, ամբառնայր նաւն մինչև
 պարզիլ իսկ յատակին ՚ի յօդս, և խելքն նոյն-
 Տէտայն սուղանելով ՚ի խորո՝ ամենեկն անե-
 րևայթ լինէր, որպէս եթէ կլեալ ՚ի կոհակաց,
 ՚ի գրութեանս յայսմիկ վարեալ մղեալ ՚ի
 հողմոց և ՚ի կոհակաց ցանկ առ ափն կոյս՝ հա-
 ւասարապէս անհնար էր նմա դառնալ ՚ի նոյն
 ընդ որ եկեալն էր ճանապարհ, և կամ խզե-
 լով զճօղանս խարսխաց իւրոց անկանիլ ՚ի ծով-
 եզրն, յորմէ խաղխաղք և վէմք տարանջատե-
 ին զնա, Անցնիւր կոհակ՝ որ մանրեալ խորտա-
 կէր ՚ի վերայ ծովեզեր՝ գոչելով անցանէր ցըս-
 տորին մասն պարոյրին, հնգիցս տասն ոտնաչափ
 ՚ի բարձր ՚ի ցամաքն կոյս վանեալ մղելով ըզ-
 տոխտակս, ապա ընդ կրունկն դարձեալ՝ մերկս
 Թողլով զխճալից յատակն, գլեալ հօլովէր ան-
 ախի զհարուստ վէմն կերկերեալ ձայնիւ ահա-
 ւոր, ծովն զայրացեալ ՚ի սաստկութենէ հող-
 մոյն՝ դարիւ և դարիւ սոճեալ բարձրանայր, և
 նեղուցն որ ՚ի մէջ կղզոյս և կղզեկին Ամբե-
 րայ՝ էր լայնածաւալ իմն տաշտ արծաթա-
 փայլ փրփրոյ՝ պատառեալ ահօսիւք ՚ի սևա-
 Թոյր կոհակաց, Փրփուրն եռացէալ ՚ի գոգն
 ծովուն՝ ունէր առաւել քան զվեց ոտնաչափ

բարձրութիւն, և հողմոյն աւել ածեալ մահերևութի նորա՝ գերիեալ տանէր զնա ընդ ամառիայ եղերոն քան զկիսով խրատախաւ 'ի վերայ ցամաքին: Ամբաւ տարաւքս սպիտակք վարեալք մղեալք առ եղերտս մինչև ցունջ լերինն՝ երևէին որպէս ծիւնք ծնեալք յովկիանոսէն, որ ապաքէն խառնեալ էր ընդ հաստառութեանն երկնից: Թուխսք թլրայորդք թանձրամածք սիգաքայլք խաղային 'ի գագաթնակիտի՝ վարեալք սրննթացութեամբ թռչնոյ՝ մինչ զի այլքն երևէին իբրև վէմանշարժք: Աչինչ մասն կապուտակին նշմարիւր յեթերին, միայն տժգոյն ինչ շող երևոցէր զառարկայս ցամաքին և ծովուն և երկնից:

Յանհնարին հարուածոց նաւուն պատահեցան սղետալի վտանդք՝ որ զմեզ ասրսեցուցին: Ճոպանքն՝ որ 'ի գլխոյ կուսէն՝ խըզեալ խորտակեցան ամենայնն, միայն մէն ուրեմն մնաց 'ի խելաց, և առժամայն զարկեալ ջաղխջախեցաւ նաւն 'ի վերայ ժայռից, կիսով մալխոյ չափ հեռի 'ի ցամաքէն: Չայնք աղաղակի արհաւրաց հնչին 'ի զննակամոաց անտի: Հրոսէ Պաւլոս առ ծովն կոյս, և իմ կալեալ զաղոյ նորա՝ “ կամի՛ս, ” գոչեցի, “ կորնչել: ” “ Թող ինձ, ” աղաղակեաց, “ զերծուցից զնա, կամ թէ ես մեռանիցեմ: ” Տլեալ ելով վճատութեանն ուշոյ յիշատակի

նորուն՝ Գովինկոն և ես առ ՚ի ապրեցուցանել
 զնա, պնտեցաք զմիշտութն պարան՝ կալեալ յեր-
 կոցունց ՚ի ծայրիցն: Գահայիժեաց ապա Պա-
 ւոս զինքն ՚ի ծով՝ հապ ճեպ տուեալ առ
 նաւն կոյս, երբեմն ՚ի լեղ գնալով և քայլելով
 երբեմն ՚ի վերայ վիմաց: Յուսացաւ և ես հա-
 սանել նաւին՝ զոր պարսկանն շարժամբք իւ-
 րովք թողեալ էր ծով ասն ՚ի ցամաքի, մինչ
 զի հնար իսկ զշրջանս նորա առնել հետիոտս.
 այլ զի յանկարծաթափ ալիք յարուցեալ նո-
 րոք կատարուլ թեամբ ծածկեցին զնա ընդ ջրոց
 լերամբք, որք ամբարձին զնա ապա ուղղակի ՚ի
 վերայ յատակին. նոյնհետայն կոհակք զընկե-
 ցին զվատաբաղչն Պաւլոս հեռի ՚ի վերայ ծով-
 եզեր՝ սրունք նորա թաթաւեալ յարիւն,
 լանջքն վիրաւորեալ և ինքն իսկ յոգիս ազաս-
 տանեալ կիսամեռ: Իսկոյն իբրև սթափեցաւ՝
 յարուցեալ զարձաւ միւսանգամ նորոք եռան-
 դեամբ առ նաւն կոյս, որոյ կողմունքն ապաքէն
 բացեալ էին ուրոյն ՚ի բուն հարուածոց կո-
 հակաց: Յուսակտուր եղեալ նաւազանց յազա-
 տուլ թենէն իւրեանց՝ զընկեցին զինքեանս խրմ-
 բովին ՚ի ծով, կալեալ զառազատտակալս, ըզ-
 տախտակս, զվանդակս, զտրապիզս և զտակառակս.
 Առօրին երևեցաւ առարկայ իմն վայելչապէս
 յարմարեալ ՚ի շարժել զհամակրուլ թիւն ան-
 վաղձան, մատաղատունկ բամբիշ մի կացեալ ՚ի

պատշգամբին՝ ՚ի խելք Սան Ճիռուանին՝ տարածեալ զբազուկս իւր առ նա, որ այնչափ գունդնէր միանալ ընդ ինքեանս: Է՛ր սա Վերգինիա: Ծանեաւ սա զսիրունն իւր յանքաքնելի արութեանց անտի նորուն: Տեսութիւն այսր սիրալիւր օրիորդիս անկելոյ՝ ՚ի վտանգ այս գոյն սոսկալի՝ ելից զամենեսին զմեզ աննկարագլուրելի վճատութեամբ: Իսկ Վերգինիա անվրկանդ և արժանապատիւ տեսլեամբ Նօճէր ըզբազուկս իւր որպէս եթէ տալով մեզ զյաւերժական հրաժարականն ողջոյն: Նաւաստիք ամենեքին գահավիժեցան ՚ի ծով քաւ ՚ի միոյ միայնոյ՝ որ տակաւին ՚ի դատիկոնի նաւուն մերկանդամ և անարի որպէս զՎահագն³³: Մատեաւ սա պատկառանօք առ Վերգինիա, ՚ի գուճս իջեալ առ ոտս նորուն՝ շնահնար լինէր ստիպել զնա մերկանալ զհանդերձս, այլ նա հերքեաց զնա պարկեշտութեամբ, և թիկունս դարձուցեալ նմա՝ շրջեաց զդէմս իւր: Արկնակի ազաղակք լսելի եղեն ապա, “Ապրեցո՛, ապրեցո՛, մի՛ թողուր մի՛ լքաներ զգա, ” այլ ՚ի նըմին ժամու լեռնացեալ կոհակ անհեթեթ մեծութեամբ միւլճեցաւ ընդ մէջ Ամբերայ կղզւոյն և ցամաքին և սպառնացաւ նաւուն խարխալելոյ՝ գոռալով սարելով առ նա, սեաւ ունելով զկողս իւր և զգլուխն փրփրածին: Յայս տեսիլ սոսկալի զընկէց զինքն նաւաստին վիժանեաց ՚ի

ՊԱՒԼՈՍ ԵՒ ՎԵՐԳԻՆԻՍ



Ի՛նչ սօս Վերգինի : Ծանեալ սօս դերսունն իւր
յանբաստնէլն արսւնիեանց անփի նարսւն : Իջ 166 :

ծով • և Վերգինիա զանհրաժեշտն մահ առ աշաց տեսանելով՝ պարուրեաց միով ձեռամբ զհանդերձս իւր և զմիւսն եղ ՚ի վերայ սրտին • համբարձեալ զքաղցրահայեաց զաչս իւր ՚ի յերկինս ՚ի վեր՝ Թուէր հրեշտակ իմն գօտի ածել Թեանալ ՚ի յերկինս • Ա՛վ որ արհաւրաց • Աւա՛ղ, ամենայն ինչ կլեալ եղէն յանդիղջ կոհակաց • Մկանունք շուրջ ընկեցին զոմանս ՚ի զննականաց անտի՝ զորս մղօնք գթուԹեան սագրեցին յառաջել առ Վերգինիա՝ հեռի ՚ի վերայ ծովեզեր • և ևս զնաւաստին՝ որ դալակեալ էր զերծուցանել զարև նորա • Այրս այս՝ որ զերծաւ գոգ յանխուստիելի մահուանէ՝ ՚ի ծունր իջեալ ՚ի վերայ աւաղոյն այտէս աղաղակեաց • “ Ա՛վ Աստուած իմ • ապրեցուցեր ըզկեանս իմ • փնօք քեզ • բայց մտագիւր անոայի տալ զայն փոխանակ ընդ ողորմելի աղջկանն • ”

Դովնիոն և ես ձգեցաք զՊաւլոս զգայաղիրի ՚ի ցամաք • արիւնն ուրեալ հոտեր ընդ բերան նորա և բարբառընկալ գործարանն • յանձն արար զնս բդեաշխն ՚ի խնամս վիրաբուժի միոջ, այն ինչ մեք ծիգ զհետ մըտեալ խնդրէաք զմարմինն Վերգինիայ զծովեզերաւն • այլ յանկարծակի այլայլեալ հողմոյն՝ որ ստէպ պատահի առ Թեւեւայ՝ յընդունայն վաղճանեցան խնդիրքն մեր • և ողբացաք զի ոչ և ևս ժամանեցաք հատուցանել գժբաղդ օրի-

որդիս զվերջին դամբանականն տխուր պարտիս ։
 Դարձ արարաք անտի ընկղմեալ 'ի
 խորս ահաբեկութեանց ։ և միտք մեր ուղշյն գը-
 բաւեալ 'ի միոյ միայնոյ անագորոյն կորստենէ ։
 Թէ և յոգունք էին 'ի կորուստ նաւակոծու-
 թեանն ։ Երևեցան իսկ սմանք 'ի զննականացն՝
 գրգեալ յօրհատաբեր կատարածէ առաքինազարդ
 բամբշիս՝ բարժամտիլ զՆախախնամութեան
 էութենէն ։ Աւաղ ։ այնպիսի՝ ահագին և այնպի-
 սի անարժան չարիք գոն 'ի կեանս ։ մինչև ի-
 մասանոց † անգամ երբեմն տայթաքիլ յուսոյն ։
 'Ի նմին ժամանակի Պաւլոս՝ որ հա-
 ւէր ուշաբերիլ 'ի միտս՝ տարեալ եղև 'ի մեր-
 ձակայ տուն մի ։ մինչև զօրացցի վտխադրիլ 'ի
 բնակութիւնն իւր ։ Անգր ուրեմն ուղղեցաք
 ես և Դովինկոն զգնացս մեր ։ և անձին կալայ
 զտխուր հարկն պատրաստելոյ զմայր Աերգի-

† Այդէ՛ և Կերթոնի կողմէնն նոստէ ։

Տե՛նուլ 'ի սորբին՝ խոսնուէ զմենայն ։
 զվե՛ճուէ ճարտչոյն՝ յաւերժ 'ի մըլտն ։
 Շըլո՛տար հոյսուել՝ և զլուսոց հե՛նն ։
 հըր՛ստ 'ի ոըրթէ՛ն՝ ոնկնին հորժոն ։

Ես յի՛ գոյ խորհուրդ՝ Բէ ոշխորհ կամոյն ։
 զքե՛ղուէ՛ս զարե՛՛ն՝ ոնհոնճարուէն ։
 և Բէ չի՛ք ի լընամ՝ ոստուտճղեքուէն ։
 հոմԲէ չոննի՛ քոյն՝ նո ու մեր լընամ ։

Թեոսարոս ։ Գերտ ժէ ։ ԳԼ ։ Գ ։

նիայ և զմտերիմ նորին 'ի վշտագին գոյժն
 բսթալիբ: Իբրև մերձեցաք առ մուտս հովտին
 Պամպանոս գետոյն, ազդեցին մեզ հաիշիկք
 ոմանք՝ եթէ զյոլով բեկտորս նաւակոծու-
 թեանն ընկեցեալ էր ծով 'ի պարոյրն հան-
 դիպակաց, իշաք մեք 'ի նոյն, և առաջին առար-
 կայն՝ որ եհար զաչս իմ՝ էր դիակն Վերգինիայ:
 Մարմինն կիսով չաի ծածկեալ ընդ աւազով՝ էր
 'ի նմէն իսկ վայելչութեան՝ որպէս տեսաք զնա
 ընկղմիլ: Պատկեր կերպարանաց նորա և ճինչ
 այլայլեալ, ականողիքն՝ խուփ, և տեսիլն դի-
 մաց տակաւին զքաղցրութիւն շնչէր, այլ դաւ-
 կահար մանիշակք մահուան խառնեալ էին ընդ
 կուսականն ամօթխածութեան ժպիտ 'ի վերայ
 այտից նորա: Մի 'ի ձեռացն երիւրեալ 'ի վե-
 րայ զգետտուցն, և միւսն՝ որ 'ի վերայ սրտին՝
 այնպէս պինտ սեղմեալ էր և կարկամ, մինչ
 զի յոյժ գժուարութեամբ աշողեցաւ ինձ առ-
 նուլ 'ի բռանէն զխոքրիկ տփեակ մի, ո՞վ, ո՞ր-
 չափ անհնարին եղև խռովութիւնն իմ, յոր-
 ժամ 'ի նմա զՊաւլոսին գտի զպատկեր, զոր խոս-
 տացեալ էր նմա չտալ 'ի ձեռաց երբէք, մինչև
 ցլետին կէտ կենդանութեանն իւրոյ: Յայս տե-
 սիլ վերջին փորձոյ հաւատարմութեան և խան-
 դաղատանաց վատարադիկ օրիորդիս լացի դառ-
 նապէս: Բրչափ առ Պոմինկոն՝ բաղկէր նա ըզ-
 կուրծս իւր և հերձանէր զօգն կականմամբ իւ-

րով: Տեղադերժեալ ուրեմն զմարմինն Վերգի-
նիայ՝ առեալ տարաք զնա՝ ի խուղ ձկնորսի
ուրեմն. և աւանդեցաք ՚ի ձեռս Մալապար կա-
նանց ոմանց անբատաց՝ որք խնամով իմն՝ ի նո-
րին լուացին զաւազն՝ ի յանձնէն:

Այն ինչ ճարտարեալ էին նորա յայս
գործ վշտագին, իշաք մեք գանդաչուն քայլիւք
առ տնկագործութիւնն: Տիկինն տ'լա Դավրի և
Մարգարիտ յաղօթս իջեալ՝ դէտ ակն կալեալ
մնային լոյ ինչ՝ ի նաւէն: Իբրև ետես տիկինն
տ'լա Դավրի զգալուտն իմ, ալաղակեաց սատո-
կութեամբ. “ Ա՛ւր է որդեակն իմ, իմ սիրե-
լի որդին: ” Լուութիւն և արտասուքն իմ գու-
ժեցին նմա զթշուառութիւնս իւր: Յաւշտա-
կեցաւ առժամայն ՚ի ցնցողական միջկանաց յօր-
հասական ՚ի ցաւոց. և ձայնն միայն լսելի լի-
նէր ՚ի թառանջիւնս: “ Ա՛ւր և իմ որդին, ”
գոչեաց Մարգարիտ, “ ո՛չ տեսանեմ զնա, ”
և անդօր թալկացաւ: Փութացաք ամենեքին
՚ի թիկունս նորա, որ ընդ հուպ սթափեցաւ.
և հաւատեալ զորդայն իւրոյ զփրկութիւնն
ընդ խնամովք դեհասպետին՝ սէտ յանձին կա-
լաւ միայն յօգն ժամանել համշիրաքին իւրոյ.
որ կալաւ զընդերկար և զհետեակ թալկաց-
մունս: Յայնպիտի անհնարին և սատոիկ ՚ի վիշտ
անցոյց զգիշերն տիկինն տ'լա Դավրի, զի բռնա-
դատեցայ գրել եթէ չիք որպէս զմայրականն

այլ ցաւ յաշխարհի: Իբրև ամիտիեաց զմիտս իւր, արձակեաց ամբարձ զնուազեալ և զանշարժ զաչս իւր 'ի յերկինս 'ի վեր: Ընդվայր բարեկամ նորին և ես սեղմէաք զձեռս նորա 'ի ձեռին մերում, ընդվայր ձօնեցաք նմա զսիրապատար անուանս, զի ամենեին զգայաղիրկ երևէր, և ճնշեալ կուրծք նորա արձակէին զխորին քուքս անհնարին:

Ածաւ Պաւլոս ընդ մերկանալ աշալըջոց սպտգարակաւ 'ի տուն: Ուշ 'ի կուրծս անկեալ այն, բայց չստակէր արտասանել զբառ և ոչ մի: Տեսութիւն նորա՝ յորմէ զանգիտէի՝ ծնոյց 'ի մայրն իւր և 'ի տիկինն տ'լա Պաւլոբ զևս բարեգոյն ներգործութիւնս քան զամենայն զխոյթս իմ: Շող իմն մտիթարութեան ցոլացաւ 'ի գէմս վատաբաղդիկ մարցս: Վազս առեալ վութացան ընդ առաջ նորա, գիրկս արկին նմա և թացին արտասուօք, զոր առաւելութիւն անձկութեանն արգելեալ էր ցարդ 'ի հասելոյ: Խառնեաց և Պաւլոս և զիւրն ընդ նոցայն արտասուս, և բնութիւնն զայս օրինակ գտեալ զթեթևութիւն՝ ընդերկար իմն թրմութիւն հետեւեցաւ կսկծեցուցիչ ցաւոցն՝ զոք կրեցին, և ետ նոցա թմրացական քուն ինչ որպէս զմահու:

Մոնսիուր տ'լա Պուռտօննէս առաքեաց գաղտ զեկուցանել ինձ, եթէ հրամա-

նաւն իւրով ածաւ 'ի քաղաքն մարմինն Աերգի-
 նիայ: ուստի պէտք էին փոխադրել զնա յեկե-
 ղեցին Սաղուկ գրովի: Փութացայ առժամայն 'ի
 նաւահանգիստն Լուդովիկոսի ծովացեալն բազ-
 մութեամբ մարդոց եկելոց ընդառաջել յու-
 ղարկաւորութեանն հանդիսին: Իբրու այն թէ
 կորուսեալ էր կղզին զվայելչագոյնն 'ի շուքս
 իւր: Նաւք որ 'ի նաւահանգստին՝ հատին ընդ
 մէջ զառագաստակալս իւրեանց, պարզեցին զգը-
 բօշս և որոտ ընդ որոտ արծակէին զուսմբս:
 Զինուորք ումբածիպք առաջնորդէին յուղարկա-
 ւորութեան թաքօրին՝ շրջեալ զհրացանին իւ-
 րեանց զգլուխն 'ի վայր, արապանք ծածկեալք
 բարբառէին վնայ ձայնս տխրականս: Բամբիշք
 ութ թուով յես ականաւոր գերդաստանաց
 կղզւոյն 'ի զգեստս սպիտակս ունելով 'ի ձե-
 ուին զոտոս արմաւենեաց՝ կրէին զսիրուն ընկե-
 րակցին իւրեանց զգրեասպակին զբորբն զպսակեալն
 ծաղկամբք: Զհետ սոցա գնային խուսբ ման-
 կանց յեղանակելով զշարական, դեհապետն զօ-
 րապետօք իւրովք: ամենայն ականաւորք քաղա-
 քին և անթիւ ձանձիր մարդկութեան յաշոր-
 գէին զմիմեանս:

Զայս հանդէս յուղարկաւորութեան
 պատուիրեցին կազմել նորին իսկ տէրութեան
 աւագանին՝ շուք դնել անձկալով առաքինու-
 թեանցն Աերգինիայ: Այլ յորժամ մերձեցաւ

Թափօրն առ ոտս լերին 'ի տեսութիւն խրճ-
 Թացն այնոցիկ՝ որոց այսքան ընդերկար լեալ էր
 զարդ և ուրախութիւն, և զոր օրհասն իւր
 զարդիս լցեալ էր վհատութեամբ՝ ընդմիջե-
 ցաւ շուքն յուղարկաւորութեան, լուեցին շա-
 րականք և կցուրդք դադարեցան, կրկնէր դաշ-
 տավայրն և ձայնատու լինէր հառաջմամբ և ող-
 բովք: Խուճքք օրիորդաց վաղս առեալ 'ի մեր-
 ձակայ տնկագործութեանց՝ գային զնաշ Վեր-
 գինիայ պասկեւ երիզիւք³⁴, պասկօք և բոլ-
 րիւք ծաղկանց՝ կարդալով զնա որպէս զսուրբ
 մի: Մաղթէին մարք 'ի յերկնից զորդի մի որ-
 պէս զՎերգինիա, տարիաւորք՝ զսիրտ այսքան
 հաւատարիմ, անքատք՝ սին նման սխրալի բա-
 րեկամ, և ստանկք՝ սապէս տիկին պատուակոն:

Իբրև ժամանեաց հանդէսն 'ի տե-
 ղին Թաղման, հափշկուհիք Մատակասկարայ և
 Մուղամբիկեան քափրիք եղին շուրջ զգիա-
 կամքն տառաղմնս պտղոց, կախեցին և կա-
 պերտս կտաւոյ 'ի մերձակայ 'ի ծառոց ըստ
 սովորութեան իւրեանց, Հնդիկք Բանկալի և
 ծովեզերացն Մալապարայ ամին զվանդակս Թռչ-
 նոց, զոր 'ի վերայ դեօպակի նորուն Թողացու-
 ցանէին ազատս: Չայս օրինակ դառն օրհաս սի-
 րունն առարկայիս շարժեաց զբնակիչս այլազէն
 քաղաքաց, և զայս օրինակ ծխարանք այլազէն
 կրօնից բուրեցան 'ի վերայ տապանին վտաւ-

բաղըն առաքինութեան :

Թաղեցաւ ուրեմն առերի եկեղեցւոյն Սաղուկ գրովի 'ի յարեմտեան կողման, առ ոտս թփուտին շամբից՝ ուր 'ի դարձին 'ի սրատարագէն ընդ մօր իւրում և Մարգարիտայ քաղցրանայր հանգչիլ, բազմեալ առ նովաւ զոր եղբայր իւր անուանէր :

Մոնսիուր տ'լա Պուռտօննէս 'ի դարձին իւրում 'ի հանդիսէն թաղման ուղեաց զգնացս իւր առ այսր, որում հետեւէին մասամբ իմն իւրն բազմութիւ ուղեկիցք : Անձայեաց տիկնոջն տ'լա Դավրի և բարեկամի նորուն զամենայն օճանս, որչափ կայր յիւրում կարի 'ի մատուցանել : Յետ ցուցանելոյ զսրտմտութիւն իւր 'ի վերայ անագորոյն բարուց անգթական նորին հօրաբեռ, մատեաւ առ Պաւլոս և ասաց ջնա զոր միանգամ 'ի դէպ համարէր փաղաքշել և միտիթարել զնա, “ Վկայ են ինձ երկինք, ” ասաց, “ զի ցանկայի սպահովել զերջանկութիւնս քոյ և քոյոցն ընտանեաց : Օհ անդր, բարեկամդ իմ, եկ գնն դու 'ի Գալղիա, խոտանամ տալ քեզ անդ զպաշտօն ինչ, և 'ի բացակայութեան քում՝ զայն խնամ կալայց առ մայրն քոյ, զոր միանգամ սրարտիւմ մօր իմում : ” Մատոյց սպա նմա զձեռն իւր, այլ Պաւլոս թիկունս դարձուցեալ շրջեաց զդէմս իւր՝ տխորժելով իրկ ակննել 'ի դէմս նորա :

Մնացի ես 'ի տնկապործութեան վատաբաղդիկ բարեկամաց խնոց, զի մատուցից նոցա և Պաւլոսին զայն ամենայն պարտիս բարեկամութեան՝ որ մեղիէն զվիշտս, թէ և ոչ աւաքեսցեն: Երկոց եօթներորդաց զկնի զօրացաւ Պաւլոս զգնալ, բայց կթօտէր միտքն ըստ չափու զօրանալոյ կաղմուածոյ նորին: Երևէր անզգալի առ ամենայն ինչ. հայեցուածն՝ թմբբեալ և յորժամ հարցեալ և չինչ առնէր զպատասխանի: Տիկինն տ'լա Իալրի՝ որ զախտ մահացու համբուրէր՝ ասէր ցնա ստէպ. “ Արդեանկ իմ, իբրև տեսանեմ զքեզ, կարծեմ տեսանել զՎերգինիա: ” — Յանուն Վերգինիայ զգողի հարկանէր նա. և զերգեւեալ ելանէր 'ի նմանէ՝ չինչ ունին մատուցանելով թախանձանաց մօրն իւրոյ՝ դարձ առնել առ բարեկամն իւր: Հանապազորդէր ստէպ յածիլ 'ի դրատին և հանգչէր առօտս գաղատիոյն Վերգինիայ, ակնապիշ յառեալ պշրեալ 'ի վտակն: Վերաբոյժ բղեշխին՝ որ կարի իմն հաշտ եցոյց մտադրութիւն առ Պաւլոս և առ ողջոյն գերգաստանն՝ ասաց ինձ. զի առ 'ի փարատել զանհնարին թախծութիւնն 'ի մտաց նորա, պէտք էին անդիմակաց թոյլտալ նմա առնել զոր միանգամ կամիցի, որպէս զմի միայն եղանակ ստնանելոյ անմեղկելի լռութեան նորին:

Ուրշեցի վաւեցի հաստատեցի ուրեմն
 գնալ զհետ խորհրդոյս : Առաջին պէտք վերա-
 նորոգեալ զօրութեանն Պաւլոսի եղևն հեռա-
 նալ մեկնիլ բացակայել 'ի տնկագործութենէն :
 'ի մտի եգեալ չկորուսանիլ զտեսութիւն նորա՝
 առօրին ելի և ես զհետ նորա, պատուիրելով
 Դամինկոնի առնուլ նպարակ և հետևել մեզ :
 Պաւլոսի կինք և ոգիք երևեցան նորոգիլ յիշա-
 նելն անդ 'ի լեռնէն : Վալաւ զճանապարհ Սա-
 դուկ գրովի, և իբրև մերձեցաւ յեկեղեցին 'ի
 նրբափողոցն եղեգանց, ուղեաց առ ժամայն ըզ-
 գնացս իւր առ վայրն՝ ուր զնորարկեալ նշմա-
 րեաց զհող, և անդ 'ի ծունկս անկեալ՝ ամբարձ
 զաչս իւր 'ի յերկինս, զընդերկար աղօթս վեր-
 առաքելով, երևեցաւ ինձ այս գուշակ բանակա-
 նութեանն դարձի, այնու զի նշանս այս սպաւի-
 նութեան 'ի գերագոյն էն ցուցանէր՝ եթէ հա-
 ւեալ էր միտք նորա ստանալ վերստին զբնական
 գործառնութիւնս իւր : Հետևելով օրինակի
 նորուն՝ 'ի ծունր իջաք և մեք՝ Դամինկոն և ես :
 և խառնեցաք զմերն ընդ նորայն պաղատանս :
 Յարուցեալ ապա վարեաց զգնացս իւր դէպ 'ի
 հիւսիս՝ և չինչ փոյթ ունելով զմէնջ : Փոխա-
 նակ զի գիտէաք եթէ ոչ միայն տգէտ էր զտեղ-
 ւոյէն՝ ուր թաղեցաւ Վերգինիա, այլ և՛ եթէ
 ապշոպեցաւ անդեօք մարմինն 'ի յալեաց, հարցի
 ցնա, ընդէ՞ր աղօթեաց առ ոտս այնց եղեգանց :

Պատասխանի արար . “ բազմիցս ’ի միասին եղաք մեք անդէն : ” Յաճախեաց հետեանալ ’ի գնացս իւր՝ մինչև ժամանեալ հասաք ’ի սահմանս անտառաց , յորժամ յարեաւ խաւարն ունիլ զերկիր ընդ քօղով : Փաղաք շեցի զնա առնուլ զխիւս ինչ . և ննչեցաք ’ի վերայ սիզոյ յունջս ծառոյ միոջ . յերկրորդում աւուր թուեցաւ ինձ եթէ հանդերձէր կազմէր դառնալ ընդ կրունկն . զի սլշբեալ ընդ երկար ’ի վերայ եկեղեցւոյն Սաղուկ գրովի և ծառասնկոցն եղեգանց՝ ձիգ ձգեալ ընդ դաշտալայրն , եցոյց զշարժուած իմն որպէս եթէ դառնալ ընդ կրունկն . այլ յանկարծակի միւլճեալ ’ի ճաղագն՝ վարեցաւ ’ի հիւսիսակողմն : Աշտեցի զմիտս նպատակի նորա . ընդվայր դտրակեցի շրջել զնա ’ի խորհրդոց : Ժամանեցաք զմիջաւորք յայն կողմն կղզւոյն՝ Ոսկի Աւազ առձայնեալ : Սրացաւ յարձակեցաւ առ ծովեզրն հանդէպ այնորիկ՝ ուր զՍան ձիւռան ետես կորնչիլ : Ընդ տեսիլ կղզեկին Ամբերայ և նորայն նեղուցի՝ առ ժամն մաքուր որպէս զհայելի՝ գոչեաց , “ Աերգինիա՛ , ո՞վ իմ սիրելի Աերգինիա , ” — և անկաւ նուազեալ , Դոմիկոն և ես բարձեալ տարաք զնա ’ի յանտառն , ուր ոչ սակաւ ծանր եղև մեզ թափել զնորին թմրութիւն : Ձկտեցաւ միւսանգամ դառնալ վերստին ’ի ծովեզրն , բայց երգմեացաւսնելն մեր զնա չնորել զիւր և զմերն թաղ-

Ծովիւն այսանակ անհնարին յիշատակօք՝ կասեցոյց զընթացս նորա և շրջեաց յայլ շաւիղ։ Զաւուրս ութն անընդհատ շրջեցաւ ընդ ամենայն կողմանս՝ ուր գամ մի զգնացեալ էր ընդ ընկերին մանկութեան իւրում։ Դարձաւ և ընդ ճանապարհն՝ ուր գնացեալ էր աղերս արկանել յերեսաց զանդկին Սեաւ գետոյ։ Պշեցաւ և ևս ընդ թուամբս Եռասայրւոյն՝ ուր անշոր՝ ի քայլել Տանգեաւ Աերգինիա։ և ընդ կողմն անտառին՝ ուր կորուսին զուահն իւրեանց։ Այս ամենայն գեղերանք՝ որ յիշեցուցանէին զանհանդարտութիւնս զգթօանս։ զճաշկերոյթս և զբարեգործութիւնս նորին՝ զոր սիրէր՝ գետն զառ՝ ի վայր լերին։ բնակութիւնն իմ՝ մտւեոր կարկաշտասանն։ փոքրասելսնին՝ զոր տնկեաց նա։ մամուսպատ ընդարձակալայրն՝ ուր քաղցրանայր արշաւել։ մուտն անտառին՝ ուր սովոր էր յեղանակել՝ թորեցուցանէին ստեպ յաչաց նորա զանյոյս սիրոյ զարտասուս։ և նոյն իսկ արձագանգք՝ որ յաճախակի հնչեցուցանէին ըզփոփոխ ցնծութեան ձայն նոցա՝ զարգիւ վանկէին միայն զվհասական բարբառս։” Աերգինիան։ ո՞վ իմ սիրելի Աերգինիա։”

Զայսոլիսի վայրենական և թախառական կեանս վարելով՝ լիճք լուսոյ նորա սուղան և խորացանս։ այլազունեցաւ մարմինն։ և որչաւ թիւն անձինն վաղ վաղ նուազէր։ Աներ-

կեանս՝ եթէ և ևս տասուկացուցանեն զարդեանս
 վիշտս՝ անցելոց զուարճութեանցն դառնագին յիշ-
 շատակք, և զի և ևս հզօրանան կիրք յառանձ-
 նութեան վիճակի, որոշեցի հաստատեցի խելը
 զվատարազդ բարեկամն իմ՝ ՚ի տեսարանաց՝ որ
 յուշ առնէին զկորուստ նորա, և ածել զնա՝ ՚ի
 բազմազբաղ մասն կղզւոյն: Գիտմամբս այսուիկ
 ածի զնա՝ ՚ի հարգունացեալ դարս Գուլիէլմոս-
 սեանց՝ զոր ոչ երբէք տեսեալ էր նորա, ուր
 երկրագործութիւն և տուրևառութիւնն միշտ
 պատճառէին շահնդն և պէսպիսութիւնս: Պա-
 րունակ մի ատաղձագործաց ճապողեալ ՚ի տա-
 պալել զծառս, մինչ զի այլք խիզարէին ըզ-
 տախտակս: Վառք անցանէին և դառնային միշտ
 ընդ նոյն ճանապարհ: Անհամար պաճարք ար-
 շառոց և ասպաստանք երիվարաց արօտանային ՚ի
 վերայ հարուստ մարգագետնոցն այնոցիկ, ընդ
 երեսս որոց ճապաղ սիռեալ կային բազմու-
 թիւնք բնակութեանց: Բազում մասունք գետ-
 նոյն տիր ընդունակ էին Բոպէական ծառոցն
 մշակութեան, չօժէր հասուն ցորեանն զդեղձան
 փունջս իւր ՚ի դաշտավայրին, ելակք փրթ-
 թեալ պերճանային ՚ի մուտս ճաղագաց, և
 ցանկք վարդենեաց առ ճանապարհօք: Պարզու-
 թիւն օդոյն ձկտումն ընձեռելով ջղաց՝ նպաս-
 տաւոր էր Եւրօպացանց: Ի բարձանց անտի ՚ի
 կենտրոջի կղզւոյն շրջապատելոյ լայնարձակ ճա-

ղագօք՝ անմարթ էր տեսանել զնաւահանգիտոն
 Լուգովիկոսի, զեկեղեցին Սաղուկ գլովի և կամ
 զառարկայ իմն, որ զՎերգինիայ մարթանայր
 յուշ առնել Պաւլոսի զյիշատակ: Նա՛ և լե-
 րինք, որ այլ և այլ պատկերաւ երևին առաջի
 Նաւահանգստին Լուգովիկոսի՝ և չինչ տան ա-
 չաց յանդիման՝ ի դաշտավայրէ անտի, բայց
 զերկայնածիգ սարաւանդ մի տարածեալ ուղղա-
 հայեաց գծիւք, ուստի ելաննն վերամբարձ
 բրգուկք պարեխաց՝ յորոց արտեանս հանգու-
 ցեալ դադարին ամպք:

Ածի զՊաւլոս ընդ տեսարանս յայ-
 տոսիկ՝ անդադար ունելով զնա՛ ի շարժման, ըն-
 թանալով ընդ նմա յանձրևի և ՚ի յարևու, ՚ի
 գիշերի և ՚ի տունջեան, և ևս՝ դալակելով զի
 կորուսցէ զինքն՝ ի խորս անտառաց, բերելով
 զնա ընդ դաշտս անհերկս և ջրդելով ՚ի ձեռն
 անհնարին աշխատանաց քեցել զմիտս նորա՛ ի
 թաղձագին մտածութեանցն և շրջել զընթացս
 նոցին անգիտութեամբ զուղւոյն՝ ուր զգնայր,
 այլ հոգին տարփաւորի ամենայն ուրեք գտա-
 նէ զհետս սիրեցելոյն իւրոյ: Գիշերն և ցերեկ,
 անդորրութիւն, առանձնութիւն և գերձիկքն
 խուժանին, ամանակն իսկ՝ որ զսուտեր մուա-
 ցութեան արկանէ՝ ի վերայ ամենայն յիշատա-
 կութեանց՝ ՚ի նանիր կարէին թափել զսիրա-
 պատար և զսրբազան յիշատակն ՚ի սրտէն, որ

Տանգոյն սլաքին հարեալ 'ի մագնիտ՝ ձկեան շարժեան զնա յոր կողմն և կամոս՝ զի հաղիւ ճողարեացի դարձցի առժամայն առ բևեռն, որ ձգէն զնա: Երժամ 'ի դաշտս յածէաք Գուլիէլմոսեանց, հարցի ցՊաւլոս. “ յո՞ երթամք մեք արդ: ” Առ որ նշանացի ցուցանելով զհիւսիսի պատասխանեաց. “ Ահա լերինք մեր, օ՛ն դարձցուք 'ի յայնս: ”

Հուսկ ամենայնի տեսեալ եթէ զոր միանգամ հակադրէի քեցուլ փարատել ըզթաղձութիւն նորա՝ ապարդիւն ելանէին, և զի չմնային այլ փորձք քաւ 'ի միոյ միայնոյ 'ի դիմի հարկանիլ կրկց նորա ցուցմամբք՝ զոր բանն սադրէր: Պատասխանեցի նմա. “ Այո՞՝ այսօքիկ են լերինք, ուր երբեմն բնակէր սիրելին քոյ Վերգինիա. և այս է պատկերն՝ զոր ետուր նմա, և զոր 'ի ժամ իսկ հրաժեշտին 'ի կենդանութենէն սնտեալ սեղմեալ էր 'ի վերայ սրտին. սրտին այնմիկ ասեմ՝ որ և 'ի վերջին վայրեկենին բաղխէր 'ի քո միայն սակս: ” Ապա ետու Պաւլոսին զփոքրիկ պատկերն՝ զոր առ եզերո գազառփի վտակին տուեալ էր ցՎերգինիա: Թաղծագին իմն ուրախութիւն սիրեցաւ 'ի դէմն նորա ընդ տեսիլս այս: Յսիշտակեաց փախագանօք զպատկերն անզոր ձեռամբ իւրով. և կալաւ 'ի վերայ շրթանցն. ճնշեալ սիրտ նորա մերձ էր պայթիլ 'ի յուզմանց, և լիճք

լուսոյն լցեալ արտասուօք՝ ոչ զօրէին 'ի հոս
սեւ :

“ Արդեանկ իմ : ” ստացի յայնժամ :
 “ Անկն դիր նմա : որ բարեկամն է քոյ : որ բա-
 րեկամն էր Վերգինիայ : որ 'ի պոկիլ անդ յու-
 սոյ ձերոյ դալակեաց կանդապել զմիտս ձեր ընդ-
 դէմ անակնունելի ստոասհարաց կենաց : Ջրի՛նչ
 արդեօք աշխարես այսչափ գառնութեամբ :
 Ջքոյի՛ն թշուառութիւնս՝ եթէ զՎերգինիայ :
 Այ՛ս արդարեւ թշուառութիւնքն քոյ են անհնա-
 րին : կորուսեր զամենագուհար սիրունն 'ի կա-
 նայս : զնա՛ որ 'ի զոհ մատոյց զիւրն առ քոյ
 օգուտ : որ գերադրեաց զքեզ քան զոր միան-
 գամ հնար էր բաղդին ընծայել : և համարէր
 զքեզ մին միայն արիտուր արժանի իւրումն առա-
 քինութեան : Այլ ո՛չ ապաքէն սա՛ ընդ ում ակն
 ունէիր վայելել զամենամօքուր երջանկութիւն՝
 լինէր սո՛ քեզ աղբիւր անհնարին տառապա-
 նաց : Դարձ առնէր անքատ և ժառանգատեալ :
 և զոր միանգամ մարթ էր քեզ յայնժհետէ
 վայելել ընդ նմա՛ էր վաստակն քոյ : և այս
 զի քնքշացեալ հրահանգութեամբն իւրով և
 անվեհեր իւրովքն թշուառութեամբք տեսա-
 նէիր զնա զորհանապազ ծիւրիլ ընդ ճգամբ :
 առ 'ի կցորդիլ և միղմացուցանել անուշացու-
 ցանել զաշխատանս քոյ : Եթէ ծնանէր քեզ
 զուակ : այս առաւելոյր յաւէտ զանհանգստու-

Թիւնս նորա և գգոյն, առ դժուարութիւնն ինամ ածելոյ սպիտակալարս ծնողաց քոց և մտտադատունկ գերգատանիդ: — Ասացես թերևս՝ եթէ մնայր քեզ երջանկութիւնն իմն անկախ զբաղդէն, ինամակալել սիրելի առարկայի միում, որ ըստ չափու տկարութեանն յարէ զինքն՝ ի մեզ, եթէ՝ աշխատութիւն և վիշտքն ձեր ձեռն տային և ևս սիրելոյ զմեմեանս, և եթէ՝ սէրն ձեր զօրութիւն զգենայր՝ ի փոփոխ թշուառութեանց ձերոց:

“Անշուշտ: Սէրն առաքինազարդ սփռեցէ զմայլումն իմն՝ ի վերայ բերկրութեանց զայս օրինակ խառնելոց ընդ թոյն դառնութեան: Այլ Աերգինիա սչ ևս է. են նաքան՝ որ քա զինի փարելիք նմա՝ մայր նորա և քոյն, զորս անարգահատելի վիշտն քոյ խոնարհէ տրտմութեամբ ի գերեզման: Դիր զերջանկութիւնն քոյ՝ զոր օրինակ և նա զիւրն՝ ի տալ նոցա զթիկունս, և ընդէ՞ր ողբաս զօրհաս Աերգինիայ, Աերգինիա կենդանի է տակաւին, է՝ աւատոս ինձ՝ տեղի իմն, ուր առաքինութիւնն ընդունի զիւրն զվարձ: Երջանկ է զարդիս Աերգինիա: Ա՛վ, եթէ գոյր հընար՝ ասել քեզ ի հրեշտակական բնակութենէ անտի, զոր օրինակ ի ժամ հրաժեշտական ողջունին իւրոյ:” Ա՛վ Պաւլէ, փորձ իմն է կեանքս. հպատակեցի ևս օրինաց բնու-

Թեան և՛ սիրոյ և՛ առաքինութեան : Տեո Երկինք ղի լցուցի զսարտիս իմ , և խլեաց զիս 'ի սպառ . յամենայն տառապանաց՝ զոր կրել ունէի և զոր միանգամ զգայի վասն այլոցն թշուառութեանց : Եմ ես արդ անդր քան զժամանումս ամենայն չարեաց մարդկան : և դու ողբա՞ս զիս . վճիտ և անշրջելի որպէս զմասնիկ լուսոյ , և կոչեացեր՞ս զիս 'ի խաւար մարդկային կենաց : Ա՛յլ Պաւլոս , իմ սիրելի բարեկամ , յիշե՛մ զաւուրս երջանկութեան մերոյ՝ յորժամ յառաւօտն զգայաք զգուարճացուցիչ զգայութիւնս ծնեալս 'ի ձիգ գեղեցկութեանց բնութեան . յորժամ յառեալ նկատէաք զարվիակն ոսկեղօծել զարտեանս սրբեխաց , և ուրեմն սփռել զճառագայթս իւր 'ի լանջս անտառաց , Ջիւրդ ազնիւ և ընտրական շարժմունքն մեր , յորժամ վայելէաք զվարդակարմիր գեղեցկութիւնն ծագման արեւու : զանոյշ բուրմունս թփոց մերոց և զներդաշնակութիւն թռչնոց մերոց : Ջարդիւս 'ի ծագ գեղեցկութեանն ելով աղբեր՝ ուստի հասեալ բղխին ամենայն որ միանգամ բերկրական են յաշխարհի՝ հոգի իմ յայտնապէս տեսանէ : Ճաշակէ : լտէ : շօշափէ զոր միանգամ զառաջինն միայն զգայր 'ի ձեռն տկար գործարանաց մերոց : Ա՛յլ , որ լեզու զօրեցէ նկարել զյաւերժական երանութեան առատութիւնն , յորում բնակիմ 'ի յաւիտեան : Ջոր միանգամ անհուն

զօրութիւն և երկնային առատութիւնն կարեն
 պարգևել, զհամաձայութիւնն՝ զոր ծնանի մեզ
 բարեկամութիւնն անհամար էակաց ըստ անա-
 ցելոց՝ ի նմին երանութեան՝ վայելեմք պարզ
 կատարելութեամբ : Տնոր ուրեմն փորձոյն քեզ
 վիճակաւորելոյ • յաւելցես զերջանկութիւնն
 քոյին Վերգիլիոյ սիրով՝ որոյ չիք վաղճան •
 երգովք հարսանեաց՝ որ անմահ եղցի : Անդ
 հրահանգեցից զվիշտս քոյ • ջնջեցից զաղի ցօղտ-
 ՚ի յաչաց : Ա՛յլ իմ սիրելի բարեկամ • — այ՛րդ
 իմ • ամբարձ զաչս մտաց քոց յանտպառ տեակա-
 նութիւնն և բէր համբերութեամբ վայրկե-
 նականն չարեաց : ”

Յուզմունք իմ գլեալ հեղձուցին
 արբառս : Անկառոյց լեալ ՚ի յիս գոչեաց
 Պաւլոս • “ Ա՛չ ևս է նա — ո՛չ և է : ” Ջհետ
 որոյ եկն ընդերկար սաստկութիւն վհատու-
 թեան : Իբրև սթափեցաւ՝ ստէ • “ փոխանակ
 զի բարի է մահն • փոխանակ զի երջանիկ է
 Վերգիլիոյ, մեռայց և ես և միացայց ընդ Վեր-
 գիլիոյ ” : Ջայս օրինակ միթարութեանն
 շարժառիթք զոր մատուցանէի, միայն նպաստա-
 ւորէին անյուսութեան նորա : Եղէ ես որպէս
 մարդ որ ձկտի սպրեցուցանել զբարեկամի իւր
 ՚ի միջոյ հօսանաց, որ սուղանի և չառցէ յանձն
 ղիւզանալ : Աւա՛ղ, թշուառութիւնք կանխա-
 հան տիոց պատրաստեն զմարդ առ տագնապս

կենաց, սակայն չէր տեսեալ Պաւլոս զճախողութիւն երբէք :

Ածի զնա անդրէն 'ի բնակութիւնն իւր, ուր գտի զմայր նորա և զտիկինն տ'լաւ Դավրի անկեալ 'ի կարակի թուլութիւն, այլ Մարգարիտ յաւէտ ևս էր կ'թուցեալ : Աշխոյժ բնաւորութիւնք՝ 'ի վերայ որոց և թեթեւ տրտմութիւնն դրոշմէ զկնիք՝ ասն անկարող են տանիլ մեծաց թշուառութեանց :

“ Ա՛յլ ազնիւ բարեկամդ իմ, ” ասաց Մարգարիտ, ” թուեցաւ ինձ տեսանել յանցելում գիշերի զՎերգինիա՝ 'ի զգեստս ըսպիտակս 'ի միջի համառոտամ ծաղկանց անուշից և բուրաստանաց : Ասաց ինձ, վայելեմ զկատարեալ երանութիւն, և մատուցեալ ապա առ Պաւլոս ծիծաղաժպիտ դիմօք՝ զնա տարաւ 'ի բաց : Այն ինչ շնորհնար լինէի ունիլ զորդին իմ, տեսանեմ զի ես ինքնս լքանեմ զայս աշխարհ, և զի կր'թէի զհետ նորա անսրտում բերկրանօք : Վամեցայ ուրեմն զհրաժեշտականն տալ բարեկամիս զիմ ողջոյն, յորժամ տեսի զնա փութալ զկնի իմ Մարիամաւ հանդերձ և Դոմինիոնաւ : Այլ որ առաւել հրաշաղանն է, տիկինն տ'լաւ Դավրի զնոյնգունակն է տեսեալ զերազ : ”

“ Սիրուն բարեկամդ իմ, ” պատասխանեցի, “ աւատամ զի և չինչ պատահէ

յաշխարհի առանց թոյլտուութեանն Աստուծոյ : Տեսիլք գիշերոյ կանխագուշակեն երբեմն զճշմարտութիւն :

Պատմեաց և տիկինն տլա Դավրի զերազ իւր ամենեկին նման միօրինակ , և զի ոչ բնաւ նշմարեցի ՚ի բամբիշս յայտտիկ զմիտումն ինչ առ սնտախապաշտութիւն , ահուեցաւ միտք իմ ՚ի համանշան անրջոց նոցին , զորոց զճշմարտելոյն և չինչ երկբայէի :

Որում միանգամ ակն ունէի՝ եկեալ պատահեցաւ , ճաշակեաց Պաւլոս զմահ երկու ամսովք զկնի մահուան Ալերգինիայն իւրոյ , ահունն որոյ բնակեցաւ ՚ի վերայ շրթանց նորա և ևս ՚ի յետին վայրկենի օրհատին : Ութ աւուրբք զկնի մահուան որդւոյն իւրոյ ետեա Մարգարիտ զվերջին օրհասականն իւր այնուիկ զուարթութեամբ՝ զոր առաքինութիւնն միայն զգայ : Ասաց տիկնոջն տլա Դավրի զկարի սիրապատար բարեաւ մնալ , “ յուռով , ” կրկնեաց , “ քաղցր և յաւերժականն միաւորութեան : ” Մահն է ճնաշխարհիկն ՚ի բարիս , “ յաւել , և պարտիմք ցանկանալ նմա : Եթէ կեանքն իցէ պատուհաս , պիտի մեզ ցանկալ կարճութեան նորին , եթէ փորձ՝ պարտիմք շնորհակալու լինիլ ՚ի սակս համառօտութեան նորա , ”

Հովանի եղև բղեաշխն Դավնկանին և Մարիամու , որ ոչ բաւէին ուժել յաշխաւ

տանս : և որք յոյժ սահաւ յաւելին 'ի կեանս
քան զոխրուհիս իւրեանց : Որչափ առ Պիտիւն՝
մաշեցաւ 'ի մահ 'ի վայրկենէ անտի կորուտա-
նելոյ զտէրն իւր :

Ածի զտիկինն տ'լա Դավրի յիմ 'ի
բնակութիւն : ուր բեր աղետից իւրոց վերմըն-
բարձ արութեամբ : Դաւակեաց արգահատել
զՊաւլոս և զՄարգարիտ ցյետին վայրկեանն
կենաց նոցա : զոր օրինակ թէ ինքեան չկային
տագնապք : Իբրև ոչ ևս էին : խօսէր զնոցանէ
հանապաղ որպէս զսիրուն բարեկամաց : յորոց
չէր ինքն բացագոյն : Եկաց քան զնոսա միտլ և
եթ ամսով առաւել : Օտար 'ի սոգտանելոյ ըզ-
հօրաքոյրն իւր 'ի տակս վշտաց՝ զոր նայն սատ-
ճառեաց՝ մարդասէր ոգի նորա աղաչէր զԱտ-
ուած թողուլ նմա զյանցանս : և հրահան-
գել զայն իղձի մտաց խէթ՝ զոր վաղճան ան-
գթութեանն նորա հաւանականաբար զարթու-
ցանէր 'ի կուրծս նորուն :

Լուայ ես 'ի նաւաց միմեանց զինի
եկելոց յԵւրոպիոյ : եթէ անողորմ ազգայ-
ինս այս նեղեալ 'ի տագնապեցուցիչն խղձէ
մտաց : քքուէր երգիծանէր ցանգ սոգտանէր
զանձն 'ի համար սիրայեղջ դստեր եղբօրն իւ-
րոյ տարածամ օրհասին և մահուան մօր նո-
րին : և եղև յետ սահաւուց զիրկ 'ի բանակա-
նութենէ : Ազգականք նորա՝ յորոց նուկտայր՝

տիրեցին զինչս նորուն զկնի արգելաներոյ զնա
 իբրև զխելագար, թէպէտ և ունէր զՏերիք
 բանականութիւն առ ՚ի զգալ զսոսկալի վիճա-
 կին իւրոյ զանհնարին ցաւս, և ՚ի վաղձանի եղև
 մարմին անհոգի ՚ի տագնապաց վճատութեան:

Մարմինն Պաւլոսի եղաւ առն-
 թեր Վերգինիայն իւրոյ ՚ի նոյն ՚ի թփոց ոտս,
 և ՚ի նմին իսկ սրբազան վայրին ամիտիեցան և
 նշխարք սիրասպատար մարց և հաւատարիմ զանդ-
 կաց նոցին: Ոչինչ մարմարիոն քօղ արկեալ
 սթարիէ զմարգագետինն, ոչինչ խորագիր արձա-
 նագրէ զառաքինութիւնս նոցին: Սակայն յիշա-
 տակք նոցա անշնշելի քանդակեալ են տառիւք
 ՚ի վերայ սրտից մերոց, և անշուշտ եթէ անա-
 բառ ոգիքն այնոքիկ տակաւին ունին զհաղոր-
 դութիւն ընդ որ միանգամ անցանեն յաշխար-
 ճի: Քաղցրասցին շուրջ յածիլ ընդ յարկաւ
 այսոցիկ բնակութեանց՝ ուր յաշողածեուն բնա-
 կին առաքինութիւնք: արգահատել զաղբատս
 դժգոհս ընդ կենաց իւրեանց վիճակ: տածել
 ՚ի սիրոս տարիաւորաց զսրբազան բոցն հա-
 ւատարմութեան, ազգել զՏէշտութիւն իմն
 առ բնութեանն շնորհս: առ աշխատանացն սէր
 և առ փարթամութեան հարստութեանն սօ-
 տաւին:

Չայնն խողովրդեան՝ որ յլովակի ընդ
 լուութեամբ նկատէ զմահարձանս կանգնեալս

'ի փաղաքշուծիւն կոկոզութեանց ինքնակալաց՝ ընծայեալ է ոմանց այտորիկ կղզւոյս կողմանց անուանս՝ որ Վերգինիայ անմահացուցեն զկորուստ: Հուպ առ կղզին Ամբերայ է՝ ի միջի խաղիսաղաց հուն իմն անուանեալ Անգք Սան Ճիոռանայ յանուանէ անտի նաւին՝ ի նմա ընկղմելոյ: Սահման այնր մասին երկրի՝ որ երիւք հրատախաւ հեռի է և կիսով չափ ծածկեալ 'ի յալեաց, ընդ որ և Սան Ճիոռանն ոչ կարաց անցանել 'ի գիշերի անդ նախ քան զթեւեւեայն՝ սնուանի Ստրաւանդ Դժբաղդութեան. և առաջի մեր ասն անդ 'ի ծիր հովտին է Պարոյրն գերեզմանի, ուր գտաւ Վերգինիա թաղեալ ընդ աւազով. զոր օրինակ թէ կոհակք հինինեալ էին սրծուցանել զնորին գիւաին վասն ընտանեաց նորա, զի վճարեցեն նմա զվերջին հարկն թաղծական 'ի յերկրին՝ որոյ շուք ամբծութիւնն իւր եղև:

Ա՛նկեղծ սերարփինք՝ որ այսգոյն խանդակաթ յարեալ 'ի միմեանս, — վատաբաստիկ մարք — սիրուն ընտանիք. ճաղագքս այտօքիկ՝ որ պաշտպանէին զձեզ սաղարթիւք իւրեանց, վտակքն այնօքիկ՝ որ սուրեալ հոսէին 'ի սակս ձեր, դարակքն՝ 'ի վերայ որոց անդորրանայիք, տակաւին զշայլ հարկանեն վասն կորստեան ձերոյ: Չիք ոք որ յանգզնեցաւ յայնմ հետէ արօրագրել զայն գետին անա-

արտ : կամ կանգնել միւտանկամ զկործանեալ
խրճիթան : Հօրանք ձեր վայրենացեալ . դա-
րաստանք ձեր քանդեալ . [Թռչունք 'ի բաց հե-
ռացեալ . և չինչ անդ լի բայց 'ի ձայնէն
բազային՝ որ ճախր առնու զհովտօք խարտկացդ :
Իսկ ես յորմէհետէ ոչ ևս տեսանեմ զձեզ :
Նմանիմ բարեկամի զբկելոյ յիւրոցն բարեկա-
մաց . հօր՝ զբկելոյ յիւրոց որդեկաց . ուղտերի՝
որ [Թափառի ընդ ոլորտս տիեզերաց : ուր
միամ ես յառանձնու թեան խաւարին :

Ձայս ասացեալ բարի ծերունայն՝
եւ մեկնեցաւ յինէն ցօղելով զարտօնը . և յի-
մաց իսկ քամեցան յաչաց ոչ սակաւ արտասուք
յընթացս աղետալի ճառիս պատմութեան :

- 1 Լեւոս . դուստր Թեւտիասայ և կին Տինգարոսի՝ զա-
ռածեալ յԱրամազդայ՝ ՚ի կերպարանս կարայոյ :
- 2 Նեոբէ . դուստր Տանտաղոսի և կին Ամիլիոնի . որ
քան զԼեւոն զանձն նախամեծար ընտրելով՝ կորոյս
զչորեքտասան զորդիս իւր՝ սպանեալ յԱրտեմեայ
և յԱպողոնէ . և ողբայ՝ ցարձանանալ :
- 3 Թթուրի . պտուղ Տնդկայ , որ նախ քան զՏասու-
նանալն յոյժ Թթու ելով՝ ՚ի կիր արկանեն ՚ի կերա-
կուրս . զկնի Տասունանալոյն լինի քաղցրախառն Թթու .
որ է Թարսը շէնփի , որ և ոճիէ :
- 4 Արմաւենի . ծառ Տնդկայ բարձր յոյժ . տերեւքն
նման Ամբրաւենեայ . և պտուղն կաղամբի . այն է Տուլ :
- 5 Նարգիլակ . որ և Տնդկայ ընկոյղ . այն է Ջալլ :
- 6 Փոքրաւեսն . պտուղ Տնդկայ նման սելսի . մէջն՝ կար-
մբագոյն դեղին և քաղցր , որ կոչի Պապիտ :
- 7 Ամբ . պտուղ անուշահամ . ՚ի Տասունանալն հարկա-
նի ՚ի գոյն դեղնածիրանի և յայլ գեղեցիկ գոյնս :
- 8 Գուսպա . պտուղ նման տանձի կանաչ և դալկահամ
գունով — Սֆրեոմիէ :
- 9 Հելինէ կամ հեղինէ , քոյր երկուորակ եղբարց
կաստուրի և Պոլիկետեայ և կին Մենեղաւոսի .
համբաւեալ առ գեղոյն ՚ի մէջ Հելլինայոց : Չսա
յափշտակեայ նախ Թէսէոս և ապա Պարիս . յորոյ
՚ի պատճառս և ծագեցաւ տանանալեայ պտերազնի
հրովան :
- 10 Գագառոն , գօքոյ . պտուղ ինչ ՚ի չափ մեծութեան
նչոյ կամ բակլայի . զոր խածղեալ և լուեալ առ-
նեն նիւթ չորոլաթի :
- 11 Կարտինալ . Թալուն մեծութեամբ արտաի , կար-
մբագոյն , Թագագլուխ , սեւալիզ :
- 12 Մայիզ . տեսակ իմն մնրայորենոյ . Չոռոմիէ :

- 13 Անանաս . պտուղ քաղցրահամ և թթու , փոքր որո-
պէս զբողկ . տերեւքն ցցեալ նման տերեւոց արմաւե-
նոյ . որ և Աննոս :
- 14 Զղախոտ . պտուղ ձողաձև ծառոյ , կակուղ և
քաղցր . տերեւքն երկայն և լայն , մինչև շատ անգամ ՚ի
տեղի անօթոց կերակրոյ առնուլ բնակչացն . այն է
Բելո :
- 15 Եղէգնաշաքար . ծառ եղէգան քաղցրաւիշի , ուստի
հասնեն զշաքար . Եռաբողմիչ :
- 16 Ապարեկ . փոքրիկ տաշտ յերեսակողման մէջն ու-
ռույեալ զոր հարկանին . որ է Գօնֆ կամ Պիլիքե
Նաղարայ :
- 17 Խրինձ . փայլուն պղինձ , ոսկեպղինձ , դեղնապղինձ :
- 18 Այծաւորդ . առասպելեալ շոբոտանի միջով շափ
մարդ և միւս կէսն այծու բերելով զմմանութիւն ՚ի
վերջին սահման Լիբիոյ :
- 19 Յաւերթ հարսուք . դատերք Ուկիանու և Թեալի-
սայ՝ աստուածուհիք ծովու , գետոյ , աղբերայ , ան-
տառայ , դաշտայ և լեռանց :
- 20 Տիկին երկնից . Լուսին :
- 21 Մատիտն . կապարեայ գրիչ . Պէնտէլ :
- 22 Ոլլմոյոս . ըստ բանաստեղծից՝ երկնիք :
- 23 Ապենիոն կամ Ապենին . բարձրաբերձ լեռինք Խոալիոյ :
- 24 Մաթենի . ծառ խժաբեր անուշահոտ առ արամբ
վտակայ բուսանելով՝ որոյ խէժ դեղնագոյն զսաթի
բերէ նմանութիւն :
- 25 Կրիոլք , քրիոլք . ծնունդք բնակչաց Ամբրիկոյ և
Եւրոպէականց առաջին տիրապետաց երկրին :
- 26 Տէլեմօքոս . բանաստեղծութիւն ճաշխարհիկ աշ-
խարհանաղ Քենեւնի՝ յօրինեալ առ հրահամագու-
թիւն Պուրկոյեան Աւբայականց Գաղղիոյ :
- 27 Անտիոպէ . դուստր իդոմենեայ պսակաւորին Սա-
լենտայ՝ սիրելի Տէլեմօքայ . ՚ի Տէլեմոքոս :
- 28 Եւխարիս . մին ՚ի յաւերթ հարսանց Կալիպսեայ ,
յորոյ ՚ի սէր սրտացաւ Տէլեմօքոս . Անդ :

- 29 Մուսայք • չաստուածուհիք երաժշտութեան , բանաստեղծութեան , ևն .
- 30 Փեպոնն կամ Փեբոս • ստեղծական անուն արեգական :
- 31 Արգասատիչ աչայ գոյն • սպիտակ , ճերմակ :
- 32 Խաղխաղ • աւազ գետին՝ ո՛չ բարձրացեալ քան զջուր • կամ ժայռք ընդ ջրու :
- 33 Վահագն • առ Յոյնա Հերակլէս , որդի Արամազդայ և Աղիմենայ : Բազումն զմանէ առասպելաբաննն Յոյնք : Են սորա՝ բայ յայլոյ քաջութեանց , և երկոքստն նահապտիտաբիանք . և թէ դեռ յորորանի սպանեալ զԵրկուս ոճս ՚ի Հերայ արձակեալս ՚ի Տեղ ձուլաննել զնա :
- 34 Երեղ • կախնն զպարմնոցաւ կամ զուսոց առ ՚ի զարդ :

ՊՍԱԿ ԺԱՆՕԹՈՒԹԵԱՆՅՑ :

